HISTOIRE DE

LOVYS XII,

PERE DV PEVPLE, ET DES choses memorables aduenües de son Regne,

TANT EN FRANCE, ITALIE, QVE

Par I E A N D' A V TO N, fon Historiographe, & Abbé d'Angle, de l'Ordre de Saint! Augustin.

Tirée de la Bibliothecque du Roy, & nouuellement mife en lumiere par THEODORE GODEFROY, Aduocat au Parlement de Paris.



A PARIS, Chez Abraham Pacard, ruë Sainct lacques, au Sacrifice d'Abraham.

> M. D.C. XX. Auec Privilege du Roy.



TABLE DES CHAPITRES CONTENVS EN CESTE HISTOIRE DV ROY LOYYS XII, En l'année 1502.

O M M E Blois, C

OMMENT le Roy sen alla de Paris à Blois, & du partement de la Royne de Hongrie.

11. Comment le Roy partit de Blois pour aller de là les monts.

111. Comment apres la conqueste de Naples faicles par le Roy la guerre se meut entre les Françou, & les Espaignols.

1v. Comment les Espaignols faillirent à prendre la Ville de Troie en la Poüille sur les François qui estoyent dedans, Et d'aucunes courses qu'ils feirent au diet pays. p.13.

v. Comment Gonsales Ferrand feit prendre & destrousser vn Coureur de poste que le Viceroy enuoyois deuers le Roy, & d'aucunes autres courses que seirent les Espai-

vt. D'une course que seis le Seigneur d'Aubigny deuant la Tripaulde en la Poüille, où grand nombre d'Espaignols surent desaicts.

p. 22.

VII. Comment la Tripaulde fut vuidée des Espaignols, Et mis sus appointement touchant la diuission des terres dont essoit question. p. 27.

+ ii viii. Comment le Roy essant au voyage de Lombardie manda à ses Capitaines qui lors essoyent au Royaumede Naples qu'il ne vouloit paix auec les Essagnols, veu que la guerre auoyés ouverte, couru ses pays, co destroussé ses gens. 3.2.

 Comment Gaspar de Coligny , Lieutenant du Duc de Nemours prit Nocete sur les Espaignols. p.34.

X. Comment les François qui estoyent au Royaume de Naples s'assement tous à Troie en la Poüille, pour saire camp, & marcher au pays contre les Espaignols qui lâ estoyent.
35.

XI. Du siege de Canose en la Poüille, et comment elle sus prise par les François sur les Espaignols, qui là feirent desence merueilleuse. p. 42.

xII. Comment Gonsales Ferrand apres la prise de Canose voulut detenir les ostaiges Françou qui pour la seureté de ses soldats auoyent este baillez. p.52.

xIII. Comment le Capitaine Louys d'Ars prit Befeilles en la Pouille sur les Espaignols.

xiv. Comment les François deflogerent de Canose, & coururent le pays de la Pouille. p. 63.

xv. Comment cent hommes d'armes François & fept cent hommes de pied furent en Calabre, pour guerroyer aucuns Espaignols qui là couroyent le pays. p. 66.

XVI. Comment le Roy estant à Alt eur par deuers luy plusseurs Princes & Seisneurs d'Italie, Et d'aucunes plaintles à luy faitles du Duc de Valentinois, qui lors auoit fait à Rome grosse armée.

x y II. Comment vne maison fut brusse à Ast durant que le Roy y estoit, & luy mesme sut aubruit accompaigné de tous ses gens.

DES CHAPITRES.

xvIII. D'vn combat à outrance faicl par deux Lombars à Pauie en la presence du Roy. p.85.

XIX. Comment le Roy partit de Paute pour aller à Gennes, Auec le triomphe, la fittation, & la force d'icelle, & la somptueuse entrée du Roy.

xx. Comment le Saint Graal fut monstré au Roy à Gennes, & comment sut là apporté par les Geneuois. p.112.

xxi. La Defeription du saint Graad de Gennes, du Dome außi de Saint! Laurent, cor de la Chappelle de Saint! Iean Baptille. Et d'autreschofes.

p.115.

xxII. Comment Meßire Berault Stuart, Seigneur d'Aubigny defeit grand nombre d'Espaignols en la Calabre, p. 127.

xxiir. Comment Philippes Archiduc d'Austriche retourna d'Espaigne en France, & des ostaiges qui luy furent baillez. p.130.

XXIV. Commen: Messire Iacques de Chabannes, Seigneur de la Palisse et la Poüille aucc quaire cent hommes d'armes presenta la bataille par plusieurs sois à Gonsales Ferrand, & à toute son armée estant dedans Barlete. Et de plusieurs courses et prises que les François seirent sur les Espaignoss.

xxv. D'vne course que seit Messire Robert Stuart, Escossos deuant Barlete, où il prit plusieurs Espaignols auec peu de nombre de François. p.136.

xxvi. D'un combat à outrance faist par onze François contre onze Espaignols denat la Ville de Trane en la Pouille. p. 140.

XXVII. D'vn autre combat faict à outrance par vn François nommé Pierre de Bayard contre vn Espaignol nommé Dom

TABLE DES CHAPITRES.

Alonse de Soiomajore faiet entre Rouure, & Andre en la Poüille. p.149.

xxviii. D'une autre querelle er combat faict par treize François contre treize Italiens, & Lombards. p.156.

XXIX. D'vne course que Messire lacques de Chabannes, Seigneur de la Palssse feit deuant la Ville de Bari en la Poüille.

p.161.

XXX. Comment les gens d'armes de Meßire Aimar de Prie furent pris au Castellanet par les villains du dict lieu.

p.163.

xxx1- Comment Mesire lacques de Chabannes Seigneur de la Palisse feur pris dedans Rouure par Gonsales Ferrand, Es de la merueilleuse resistance qu'il feit, & des excep siuses armes.

xxxII. De la venite de Philippes Archiduc d'Austriche , Et d'une paix sourrée faicte entre le Roy, & le Roy d'Espaigne, & la Royne, s'a femme, accordie & inrée parte diet Archiduc comme Procureur des diets Roy & Royne d'Espaigne.



CHAPITRE I.

Comment le Roy s'en alla de Paris à Blois, & du partement de la Royne de Hongrie.



N L'AN mil cinq cent deux, le huictiefme iour du mois d'Apuril, Apuril. le Roy partit de Paris pour aller à Orleans, & à Blois, auquel lieu de Blois fejourna le furplus du dict mois d'Apuril, & tout le mois de

May. Et lors veint en Courle Roy de Nauarre, accompaigné de grands Seigneurs, & Gentils-hommes de lon pays, pour veoir le Roy, & luy offrir tout fecours, plaifir, & feruice-lequel fut ioyeus mentreceu du Roy & de la Royne, & traicté à fouhaict.

O R veint le temps, que Madame Anne de Foix, Royne de Hongrie, partit de Blois, pour fen aller en fon pays, laquelle nonobltant les tiltres Royaulx dont elle eftoit doüée, elle se voyant separer-de se parens, elloigner de se amis, & estranger de sa naissance, à son partement tant piteusement se lamenta & feit deuil si excessifs, que tous ceulx qui departir la veirent en eurent douleur amere & ennuyeuse peine, & tant, que tels François y cut, qui pour la riche valeur, & loüée bonté, dont elle estoit comblée, la regreterent iusques au degoust d'un torrent de chauldes larmes. Le Roy luy

1502. bailla yn de ses Maistres d'Hostel, nommé Louys Herpin, & plusieurs Gentils-hommes des siens, pour la conduire, & deffrayer, elle, & tout fon train, qui estoit grand iusques à Venise. La Royne pareillement luy bailla plusieurs de ses Damoiselles, pour l'accompaigner iusques en Hongrie. Et ainsi prit pays la bonne Dame, regretée des François, & desirée des Hongrois. Au partir de Blois elle eut telle fuite de Prelats, Princes, & Gentils-hommes, que à la veue des presens estoit object delectable. Entre autres y estoyent le Legat , Cardinal d'Amboise, Angilbert Comte de Neuers, Louys de Luxembourg, Comte de Ligny, & François d'Orleans, Comte de Dunois, auquel n'estoit cestuy depart agreable: mais tant ennuyeux, que à peu pres le cœurluy partoit de deuil & de regret. Car pour les tiltres de vertus, & loüables graces qui estoyent en icelle Dame, le dict Comte de Dunois l'auoit tant à gré, que jaçoit ce que de moult grand auoir ne feust enrichie; toutesfois toutes autres oubliées elle seule auoit pour recommadée, en tant que autre ne desiroit auoir en mariage, ne d'autre n'eust voulu, si le plaisir du Roy l'eust permis. Ce que ne feir, mais l'enuoya Royne de Hongrie, auec compaignée solemnele.

CHAPITRE II.

Comment le Roy partit de Blois , pour aller de là les monts.

ROY DE FRANCE. X Y ANT le Roy disposé de ses affai-1502. res, & en iceux mis ordonnée police, il partit de Blois sur la fin du mois de May, pour aller en son voyage May. de delà les monts. La Royne l'ac-

compaigna iusques à Lyon. Le Roy de Nauarre le conuoyatrois iournées : & puis l'en alla en son pays. Le Roy Frederic le suiuit tout le voyage. Et le Cardinal d'Amboise, Legat, nedemeura; mais au dict voyage le suiuit, sans l'essongner de tant que à tout besoing n'eust loy ne loisir de parler à luy, & luy communiquer ses affaires : I dict Legat à toute heure sur la depesche de toutes choses suruenans mettoit les mains à l'œuure si à droict, que au plaisir du Roy, à l'honneur & au profict commun, mettoit fin à l'effect de la besongne. Le Cardinal Ascaigne feut auec le Roy jusques à Lyon. Aussi le suivirent au dict voyage. Louys de Luxembourg, Comte de Ligny, Angilbert de Cleues, Comte de Neuers, le Comte François de Dunois, le Sire de la Trimouille, Messire Pierre de Rohan, Mareschal de France, le Princede Talmont, & plusieurs autres. D'Archeuesques, Euesques, Abbez, & Protonotaires y aucit grand nombre. Les deux cent Gentilshommes de sa Maison, ses Pensionnaires, les quatre cent Archers, & les cent Suilles de fa garde, & en somme tous ceulx qui auoyent de luy pension, ou gagies, fauf ceulx qu'il luy pleust, feirent le dict voyage, à peine d'estre cassez. Parquoy tellemet, & en si noble ostat estoit accompaigne, que oncques

1502. Prince ne le feust mieulx. Que dirai-je? Tant cheuaucha auec ses gens, que le huidziesme iour du mois de Juin sut à Lyon. Et de là sen alla à Grenoble au Daulphiné, auquel lieu sut par l'espace de quinze iouis, ou enuiron, où cependant le Duc Philibert de Sauoye le veint trouuer.

LE bastard René de Sauoye, qui par la malueuillance du Duc, son Maistre, & acculation d'aucuns ses haineux, auoit peu de iours deuant esté chassé du pays de Sauoye, estoit lors en Cour, & se se soit certife à refuge deuers le Roy, qui l'auoit volontiers receu, & appointé de sa Maison: pour ce qu'il auoit renom d'estrebien saige, & tres-habile. Et alors ce dict bastard se monstra au Duc de Sauoye, dont en la presence du Roy eurent ensemble paroles haineuies, & mesmement e Duc de Sauoye vsa de menaces au dict bastard i lequel se meir en la sauuegarde du Roy. Parquoy le Roy sousteint cestuy bastard; dont le Duc de Sauoye se mescontenta, & tost apres seretira à Chambery, où estoit los la Duchesse Marquerite de Flanders, sa femme.

P B v deioursapres, le Roy prit pays par le Dauphiné, & tira droidt en Lombardie, & tant marcha que le troifielme iour du mois de luillet fut dedans Saluffes, & là tres-honnorablement receu par le Marquis François de Saluffes, lequel eftoit tres-bon François, loyal feruiteur, & bon amy du Roy.

La Royne de Hongrie vn iour deuant la venue du Roy eftoir partie de Salusses, & auec tour son train estoit allée à Ast. Et de là en yne Ville du MarROY DE FRANCE.

quifat de Montferrat, nommée Felissant, en laquel- 15 0 2. le elle arriua le septiesme iour du mois de Iuillet. Et là Iuillet. estoyent lors en garnison vingt-cinq hommes d'armes de Messire Louys de Hedouuille, Seigneur de Xandricourt, lesquels pour sa venüe furent deslogez, & luy donnerent lieu. Auec elle estoient lors le Comte Stephane, l'Euesque de Vesprinie, Hongrois, la Marquife de Salusses, sa tante, Messire Charles d'Amboile, Seigneur de Chaumont, Messire Guyon d'Amboise, Seigneur de Rauel, Pierre Dos, Bailly de la Montaigne, le Seigneur de Duras, en Gascongne, & autres Gentils-hommes de la Maifon du Royen grand nombre, qui là l'auoient accompaigné au logis d'vn Gentil-homme François, nommé lean de Fontenay, Lieutenat du Seigneur de Xandricourt, teint son estat, pour vn iour seulement. Moult estoit bien voulüe de chascun, & tant que pour l'extresme los desa valeur ; à son depart de Lombardie regrets en furent faicts, souspirs jettez, & larmes respandües. Dont je, qui lors estoye au dictlieu de Felissant, pour veoir & sçauoir ce qui de nouueau se feroit, & le tout par escript rediger, veoyant l'apprest de l'esloing, & l'heure du depart de ceste noble Dame, aimée de chascun, & de tous regretée, à l'issue de table de son disner ce peu d'escript qui l'ensuit luy presentay.

6 HISTOIRE DE LOVYS XII, 1502. Elle fen va François à cefle fois Celle Royne d'Hongrie, Anne de Foix, Qui dés le temps de fa premiere enfance, Afaict honneur au Royaume de France; Comme auex peu congnoifre maintes fois.

> Peiis, & grands; voire Princes, & Roys, La regrettent, & pleurent à defrou: Mau il n'y fault plus auoir d'esperance, Elle sen va.

Elle vous dit, mes amis, je m'en vois.
Helas doncques, dictes à haulte voix,
Adieu la fleur du monde, & Texcellence,
Si nos corps font loing de vostre prefence,
Nos cœurs dolens vous fuiuront toutesfois.
Elle fen va.

A P R E s auoir receu & veu l'escript susdict, & congneu le bon vouloir que enuers elle auoient les François, du prosond du cœur iusques au bord de ses yeux luy monterent les larmes. Toutes sois soubs le tapis de ioyeuse simulation elle sceut bien celer la caule de son deuil, tellement que peude gens s'en apperceurent. Ce faich, elle seretira dedans sa chambre, aucc ses Damoisselles, & là se teint iusques au temps de soupper. Où plusieurs Gentils-hommes del hostel du Roy la feurent veoir, & aucc elle deui-fer. Et ce faich, eles aulcuns preindrent congé d'elle, pour allez où le Roy estois, & les autres demeurerent

ROY DE FRANCE. 7 là, pour tour le jour. Que dirai-je? Elle fejourna illec 1502. iufquesau lendemain, qu'elle fe meit en voye, pour fen aller droick à Venife.

LE huictiesme iour du'mois de Iuillet, le Roy Iuillet. arriua en sa Ville d'Ast, en laquelle suit le tant bien venu, que grands, & petits de la venüe scirent seste le lemente. Dedans l'Hostel d'un nommé Messire Alexandre Malbelle sut logé, & là demeura onze iours entiers, pour ordonner au surplus de ses affaires. Et là veinrent vers luy le Marquis Francisque de Gonzague, Marquis de Mantoüe, le Duc de Ferrare, & plusseurs autres, comme je diray à temps. Et à cestuy Marquis de Mantoüe donna cent hommes d'armes, & seit son Lieutenant un Gentil-homme de la Maison, nommé Adrian de Brimeu, Seigneur de Humbercourt, en Picardie. Lesquels gens d'armes en uoya à Naples, où furent tantost apres.

CEs iours durant furent les chaleurs tant excessions, que plusieurs de ce moururent. Et auec ce la maladie de ficbures eust là cours, tel que bien peu de François, qui là choient, s'exempterent de leur

accez.

PREMIER que de plus eslargir propos, diray d'aucunes choles qui lors feurent faictes au Royaume de Naples, par les François, & les Espaignols.

CHAPITRE III.

Comment apres la conqueste de Naples faicte par le Roy la guerre se meut entre les François, & les Espaignols.



ANTOST apres que par les ef-🖁 forts de l'armée du Royle Royaume de Naples fut conquesté, & la terre de Labour & de Labruzzo entre les mains des François, comme j'ay dict, & le Roy paisible des

dicts pays, le Capitaine Gonsales Ferrande, Lieutenant du Roy d'Espaigne, estoit lors sur les marches de Calabre, & de la Poüille, lesquels pays appartenoient au Roy d'Espaigne, par l'appointement du Roy, & du dict Roy d'Espaigne. Le dict Gonsales se voyant foible pour conquester iceulx pays, & fçaichant les François auoirfaict leur conqueste, & que de gens n'auoient pour l'heure à besongner, enuoya prier les Lieutenans du Roy que sur son affaire leur pleust donner quelque secours : veu que aussi pour lors n'en auoient mestier, & queluy en auoit grand default, pour mettre son entreprise à fin.Sur ce aduiferent les Lieutenans du Roy, & conclurent d'en casser quelque nombre, pensans que de long temps n'en feroient befongneux, & de faict en casserent trois mille de pietons, lesquels furent me-

Roy Dr FRANCE. nez au dict Gonsales Ferrande par le Capitaine 1502. Louys Dars, qui lors estoit à Venouse, Lieutenant de Louys Monseigneur de Luxembourg, Comte de Ligny, & Prince d'Altemore, à cause de sa femme.Iceulx pietons receut le dict Gonfales, & les feit fouldoyer, & payer, & enfeit depuis son proffict, de rant que ce futiusques à la perte dommaigeuse des François, comme je diray cy apres. Pour rentrer doncques, le Roy iouissoit lors tout à desir des terres de Labour, & de Labruzze, où sont maintes bonnes Villes, & riches Citez, pays fertiles, & fortes places, Comme Naples, Auerie, Capoüe, Caïete, Sainct Germain, Seffe, Nole, Metalon, Venafre, Pozzuolo, Troie, Ortone en Labruzze, & plufieurs autres. Toutesfois il estoit question entre les François, & les Espaignols de la diuision des terres sitüées citrà le Far de Messine, qui est yn bras de mer; dont le vitrà est l'Isle de Sicile, Et le citrà Faro sont la Calabre, & Basilicate, où sont plusieurs autres bonnes Villes. C'est à sçauoir Regio, qui est vn bon port de mer, Terrenoue, Girace, Condiane, la Rochelle, Seminare, Sain& Martin, Rossane, & maintes autres. Aussi sont du citrà Faro la terre du Capitanat, celle de Bari & celle d'Otrante. Et en cestrois Prouinces est contenue toute la Pouille. Du citrà est aussi vne autre Province, nommée le Principat citrà & vltrà, dont le delà font haultes montaignes inhabitées, & le deçà est plat pays bien fertile, & plantureux. Esquels pays de la Poüille & du Principat

font les Villes qui ensuivent. C'est à sçauoir Taren-

te, Otrante, Bari, Trane, Venouse, Canose, Andre, Barlete, Rouure, Manfredone, Castellanet, Beseilles, Mineruine, la Tripaulde, la Cerignole, Troie, Melphe, Montepellouse, & grand nombre d'autres, que je laisse, pour dire que la Terre de Labour, & Labruzze, sont de deçà le Far de Messine, & en ces deux Prouinces est compris l'honneur Royal, la fleur des nobles, la force des places, & la crefme des terres de tout le Royaume de Naples. Ce que le Roy possedoit, & le Roy d'Espaigne chalengeoit Calabre,&la Pouille. Mais sur le Capitanat, & le Principat, qui confins estoyent de la terre de Labour, & de la Poüille, feut querelle entre les François, & les Espaignols. Disans les François, que iceulx paysou la plus part estoyent du ressort de Naples, & pour ce appartenoient au Roy. Les Espaignols les disoient aussi du ressort de la Poüille, & à eulx appartenir. Et ainsi entre le tien, & le mien, dont suruiennent tous discords, ne peut par les contendans estre trouvée vnion paisible, ains entre eulx se meut haineuse diuision. Et mesmement par la conuoitise du profit de la Douane, qui est vn debuoir pris sur le tribut des ports de mer, & de la paisson des herbes des dicts pays, où les brebis & iumens, & autre bestial de plus de centlieües loing viennent la prendre l'hyuer leur pasture. Car en ce téps les herbes y sont en verdure, & puissance, & la saison en vigueur temperée & en temps d'Esté les terres seiches, & arides, & sans fruict, à cause de la chaleur excessiue qui alors tient son cours. Quoy que cesoit, de ceste Douane se recueil-

le par an plus de deux cet mille ducats au profict du 1502. Roy de Naples. Mais je mets ce propos arriere, pour dire que Louys d'Armaignac Duc de Nemours, & Viceroy au Royaume de Naples, est ant lors à Naples, voyat que pour l'vnion des diuisez estoit heure de besongner, sen alla en Poüille, pour doner ordre à la division d'iceulx pays, & les departir, selon le vouloir du Roy, & l'aduis de son Conseil. Desquels estoient Messire Raoul de Lannoy, Bailly d'Amyens, Messire Michel Richs, le Seigneur de Maubranches, & plusieurs autres, tous gens expers en sçauoir. Et pour ce faire, se trouua le Viceroy à Melphe, en Pouille, voulant vacquer à ce. Le Capitaine Gonfales estoit lors à Atelle, Ville du Prince - de Melpha Lequel aussi auec son Conseil vouloit bien entendre à departiriceulx pays. Dont plusieurs fois à Melphe, & à Atelle le Viceroy, & luy se trouuerent ensemble. Et là souventessois parlerent de leur affaire amiablement, par semblant, & leur different meirent en conseil. Tellement que entre eulx fut appointé que la Douane seroit partie à l'vn, & partie à l'autre, & par moictié. Et que les Villes, & places prises demeureroient à qui les tenoit, iusques à ce que final appointement sur ce fust arresté. Ainsi demeurerent par aucun temps, mais non en paix. Car les Espaignols, qui tenoient Atelle & Manfredone, & quelques autres places, se meirent à courir fur la Douane, & prendre le bestial. Les François aussi voulurent partir au butin, & meirent la main au pillaige, tant que souvent destrousserét les Espai-

1502. gnols, & souvent furent destroussez. Toutesfois pour cele deffy de la guerre n'estoit publié encores, mais cefaisoient pour ce que le payement d'vn & d'autre party estoit long à venir, & leur failloit en prendre où il y en auoit. Ce qui est vne force detel poison enuenimée, que par son attoucher elle mect le peuple en murmure, & rebellion, & faict reuolter les pays coquis. Dece me tais, & dis que en ce temps le Capitaine Louys Darsestoit en Poüille, comme i'ay dict, où Louys Monseigneur Comte de Ligny, l'auoit enuoyé, pour garder les pays, & tenir les places, qui luy appartenoient, à cause de dame Alienor de Baulx, sa femme, Princesse de Haultemore, Duchesse d'Andre, & de Venouse, Comtesse de Montepellouse Dame de Mineruine, de Montescaioux, Bifeilles, & plusieurs autres places en la Pouille & és enuirons. Auec le Capitaine Louys Dars estoyent allez des Gentils-hommes du Comte de Ligny Pierre de Bayard, Seigneur du dict lieu, Pierre de Pocquiers, Seigneur de Bellarbre, Iean de Montieux, Seigneur de Tary, Gilbert, Seigneur de Chaux, Iean de Tardiou, Arnauld de Barbiane, Neapolitain, & quelques autres, qui telle ayde luy feirent, auec le secours & faueur des gens des dicts pays, que il conquesta & soubmeit plusieurs bonnes Villes, & fortes places, & meit feures garnifons dedans. Et ce, malgré le vouloir du Capitaine Gonsales, qui de ce n'estoit content. Mais autre chose n'en pouvoit pour l'heure. Ainsi peu à peu se resueilloit la guerre d'un costé, & d'autre, & tant, que apres ROY DE FRANCE.

13
que la Doüane euft efté courie, comme j'ay dit, & 1502, que fur le partaige du Capitanat citrà & vitrà, le Viceroy & Gonfales ne le peurent accorder, & mefmement, que le dict Gonfales ne vouloit venir à fin refolüe, mais vouloit toufiours auoir droict felon fon vouloir, chaulde guerre entre eulx fur clueil-lée, & par les Espaignols premierement desliée, Lefquels d'emblée & de nuict se meirent sus, & en armes, & tirerent droict à Troie, pensans prendre la Ville souloit aiment, & d'emblée, en laquelle estoit Messire Yues d'Alegre, auec cinquante hommes d'armes.

CHAPITRE IV.

Comment les Espaignols faillirent à prendre la Ville de Trois en la Poisille sur les François qui espoyent dedans. Es d'aucunes courses qu'ils seirent au dict pays.

V R l'heure de minuict furent les Elpaignois deuat Troie en la Poüille, & la deuant l'vne des portes de la Ville, à grands efforts donnerent l'affault, & auec coignées, & halebardes, & gros maillets commencerent à eclater la

bardes, & gros maillets commencerent à etclater la porte, & faire tuptures dont le guet des François, qui estoit en pied & debout sur les murailles, oûit le B iij

bruit, & tout à coup se meit à courir vers le chasteau, où estoit le Seigneur d'Alegre, lequel aduertit de la venüe d'iceulx Espaignols, dont en soudain surfault se leue tout en chemise, & tout en haste jette fon harnois deffus,& préd la hallebarde au poing,& tres-hardiment courut auec aulcuns des fiens qui là estoient. Et à ce hutin souldainement l'alarme sonna par la Ville, dont tous les Fraçois qui là estoyent, meirent la main aux armes, & coururent à ce bruit, où estoit le Seigneur d'Alegte, & auoit trouvé les Espaignols en besongne, lesquels auoient ja empiecé la moictié de la porte, & faict grande ouverture. Mais à sa venue il meit de telle sorte coups de hallebarde, à tour de bras, à la deffence du pas, que sur le cul furent arrestez iceulx Espaignols. Durant ce combat, les autres François de la garnison de la Ville arriverent la aufecours, & à cheual, la lance fur la cuisse, accompaignez des autres hommes, & des femmes de la Ville, qui portoient torches, lanternes & fallots, tant que par les rües faisoit clair comme si lesoleil y eut ietté ses rais. Que fut ce, la porte fut ouuerte par les François, & la chasse donnée aux Espaignols, & eulx fuiuis longuement, & plusieurs d'iceulx tuez & assommez par les hayes, & buissons. Et eussent tous esté tuez, n'eust esté l'obscurité de la nuict, qui leur seruit de couverture.

Ca melme iour les Espaignols, qui estoyent à Atelle, sortirent aux champs en armes, & à deux milles pres de leur garnison trouuerent yn Italien, nommé Iean Biblia, I yn des Secretaires du Roy, lequel deftrousserent de deux mille escus, & luy osterent ba. 1502.
gues, & cheuaux, & tout iusques à la chemise, puis
l'attacherent à vn arbre, dont apres leur depart se
dessi acomme il peut, & sen alla en cest estarius,
ques à Mephe, où estoit le Duc de Nemours, auquel seitle compte de son malheureux affaire.

Le lendemain les Lipaignols feirent derechef vn autrevacarme, à tout grand nombre de gens armez, & infques deuant la Ville de Melphe furent prendre & deltrouffer les Muletiers du Duc de Nemous, dont ils en tuerent aucuns, & les autres blefferent. Et ainfi donnerent affez aux François d'ennuyeux refueils, pour les mettre aux champs.

M E S S I R E Berault Stuart, Seigneur d'Aubigny, qui estoit lors à Naples, pour les affaires du Roy, auoit eu contresignez du Roy Frederic, pour bailler au Marquis de Pescare, Capitaine del Isle d'Isque, pour icelle rendre, & mettre entre les mains du Roy, lesquels contresignez auoit enuoyé à iceluy Marquis, & le fommer de vuider. Mais de tout ce ne feit response que de delay, & ne voulut rendre la place. Aussi auoit-il intelligence auec les Espaignols, au moyen d'vne promesse de grosse somme d'argent qui luy feut faicte par les Espaignols, qui est vn engin de guerre de telle force, que souventil abatles cœurs des hommes conuoiteux; voire & effemine maints corps virils. Quoy plus? Voyant le Sired'Aubigny la response d'iceluy Marquis ne signifier que dilation, & prolongemet de temps, & se doubtant de la compositió faicte entre luy, & les Espaignols,

HISTOIRE DE LOVYS XII, transmeit en poste yn sien Secretaire, nommé Hieronime, Payonnet, deuers le Viceroy, qui lors estoit à Melphe en la Poüille, pour l'aduertir de l'affaire d'Isque, & du refus que le Marquis de Pescare auoit faict de la rendre, & aussi pour consulter la chose au mieulx, & fur ce prendre aduis de remede. Et fçaichant ce le Viceroy, depescha la poste, pour enuover deuers le Roy, & l'aduertir des courses, & alarmes, que auoiét faict les Espaignols en la Poüille,& de l'intelligence que le Capitaine d'Isque auoit auec eulx, & de ce que la dicte Isle ne vouloit rendre; & aussi de ses autres affaires du Royaume de Naples.

CHAPITRE V.

Comment Gonfales Ferrand feit prendre & destrousser un Coureur de poste que le Viceroy enuoyoit deuers le Roy, & d'aucunes autres courses que feirent les Espaignols.

OR s que le Messaiger, qui debuoir aller deuers le Roy, fut deperché par le Viceroy, le Capitaine Gonfales, qui par tout auoit espies, le sceut. Lequel feit guetter iceluy, par les lieux où luy failloit passer, & prendre à la garde

Lombarde, terre du Capitanat, & iceluy pris feit destrousser.

destrousser, retenir ses lettres, seurement garder, & 1502. estroictement detenirssans ce que de sa prise fust nouuelles aux François, iusques à ce que le Messaiger du Seigneur d'Aubigny feust depesché par le Viceroy, & mis à retour, pour aller à Naples, deuers fon dicMaistrescomme il luy estoit commis. Par la terre du Capitanat cheuaulcha celuy Messaiger, où il arriua deuant vne Ville, nommée Villemaigne, terre indiuise, & à l'entrée d'vne des portes rencontra six Espaignols pietons, qui estoient là allez pour faire le logis pour vne bande des leurs qui ja estoyét fur les champs, voulans gaingner pays, & approcher Naples. Les fix Espaignols que j'ay dict s'estoyent arrestez deuant le portail de la Ville, auquel estoyét les armes du Roy attachées, que iceulx Espaignols auec le fer de leurs picques commencerent à elgratigner, & effacer, dont le dict Hieronime, Mellaiger François eust question auec eulx, disant que à culx n'estoit de toucher ainsi les fleurs de lys, ne de les ofter de la où elles estoyent. Iceulx Espaignols pour ce ne cesserent, mais dirent que Villemaigne estoit terre indiuise, & queles armes d'Espaigne y debuoient auoir aussi bien lieu que celles de France, & que à ce moyé les oftoient. Dont grosses paroles feurent d'vn & d'autre costé mises au vent. Toutesfois le François adoucit pour ce que mal apparenté se veoyoit, & se retira au logis, où s'enquit si la poste qui couroit vers le Roy estoit passée par là. Car c'estoit son droict chemin. Les gens de la Ville luy dirent qu'elle n'estoit oultre, & que sans faillir les Es-

Histoire de Lovys XII,

1502. paignols l'auoient retenüe, & destroussée à la garde Lombarde: & que bien le sçauoient à la verité, & par le rapport d'aucuns, mesmes de ceulx qui l'auoient veu. Dont celuy Hieronime François le feit hastiuement scauoir au Viceroy, pour y pourueoir. Ce qu'ilfeit. Car derechef meit vn autre Coureur en voye, & iceluy feit guider seurement, & mener à couuert hors les dangers des embusches des ennemis,& parluy sçauoir au Roy de toutes choses. Ainfifen alla la poste deuers le Roy en Lombardie, & le Messaiger du Seigneur d'Aubigny à Naples, où I'vn d'eulx feit dignement son messaige, & l'autre

rapport de verité.

Er au furplus sçauoir fault que la Poüille estoit querellée par le Roy au moyen des terres enclauées, & reffortiffansde Naples: & parle Roy d'Espaigne defendue, disant le Capitanat, & Principat, dont question estoit, estre de la Pouille, qui luy appartenoit par appointement faict entre le Roy, & luy, comme j'ay dir. Et pour ce en default du cordeau de loyal partaige, & de la ligne d'efgale distribution, le trenchant de l'espée fut pour ce faire autorisé; auquel furent sont & seront tous les Royaumes au monde diuisez. A reuenir les François occupoient partie du pays de la Poüille, & les Espaignols l'autre: & eulx comme deux chiens à vn os se mordoient, & esgratignoient, voire se battoient, & tuoient souuent à qui l'emporteroit. Et tant se pinserent, que guerre mortelle l'en ensuiuit, qui tant fut enaigrie, que pour continüer le jeu en commencé, vn Capitaine Espaignol, nómé Ascalade preint les champs 15 o 2. versla Tripaulde, que les François tenoients peu de force. Et auoit cestuy Capitaine Espaignol auec luy trois mille soldats Espaignols, Alemans, Biscains, & Gascons, dont une partie d'icculx auoient esté par cy deuant pour le Roy, & cassez, comme j'ay dit cy dessus. Quoy que ce soit, le Capitaine Ascalade auoit intelligence auec ceulx de la Tripaulde telle, que si tost qu'ils sceutern que luy, & ses gens furent aux champs, ouurirent les portes majoré les François du dedans, qui peu de gens estoyent, & quelque resistance qu'ils feisseur, comme assallis de grand force d'Espaignols, & abandonnez de tous ceulx de la Ville, furent chassez, de Ville prise.

DEVANT Auelline, terre du Roy, donnerent les Espaignols vne autre alarme, & à grand pouuoir l'assaillirent, & de premiere adueniie à la prendre efforcerent leur possible : tant que de viue force l'eussent emportée, n'eust esté yn François, Capitaine de gens de pied, nommé le Familh, qui auec cinquante laquais seulement sousteint leur assault, & les recuillit si à poinct, que à la mortelle perte de plufieurs d'eulx furent attendus, & à la honte dommageuse de tous reboutez. Cefaict, le Seigneur d'Aubigny tantost apressceut cet effort. Surquoy appella le Confeil, où Maistre Iean Nycholay, Chancellier de Naples pour le Roy, les Treforiers des guerres, & les autres saiges en faict de guerre qui là estoyent pour seruir le Roy, se trouuerent : pour aduiser sur ce. Et toutes opinions ouyes, fut dit que les

1502. cent hommes d'armes Efcossois, qui lors estoyent à Auerte à fejour, feroyent à transmis, & aussi que le Sire d'Aubigny, auec François de Daillon, Y ues de Malherbe, & vn autre, nommé le Gorrier, Capitaines de gens de pied, & autres soldats faists par ceulx de Naples, qui tous ensemble estoyent de douze à treize cent pietons, se mettroient aux champs.

CE temps durant, nouvelles furent à Naples que ceulx de Nole auoient quelque promesse celee, & secrete alliance aux Espaignols, si que befoing estoit d'y enuoyer renfort, pour rompre le coup, & garder la Ville. Le Seigneur d'Aubigny doncy transmeit de Auerse Messire Robert Stuart, fon Lieutenant, à tout quarante hommes d'armes, & les surplus de ses gens manda venir à Naples par deuersluy, pour le conduire à Auelline, & à la Tripaulde au renfort des François, qui en auoient meîtier. Le Capitaine Robert Stuart auec ses quarante hommes d'armes s'en alla à Nole: laquelle trouus bien fermée, & gardée de ceulx de la Ville, lesquels ne sçauoient à qui debuoir bailler la main. Toutesfois celuy Capitaine pour cene l'arrelta, maiscongneut bien que pour l'heure la force n'estoit pas pour luy, dont luy fallut à autre moyen cercher remede, & pour le meilleur à ceulx de la Ville monstrer courtoile maniere, visaige riat, & doulce parole en leur faisant promesse de bien les traicter, amiablement entretenir, & vigoureusement deffendre. Et apres autres afferens propos, & attrayantes paroles, ceulx de Nole ouurirent leurs portes, & meirent ROY DE FRANCE. 25 les François dedans; lesquels se logerent, & seirent 1502.

bon guet.

D v R A N T ces iours vn Espaignolnommé Dom Alonce de Sotomaiore, se malcontenta du traictement du Capitaine Gonsales, disant que d'assez bon lieu estoit, bien expert à la guerre, & prou aduifé en fçauoir, pour debuoir auoir conduite de gens d'armes, demandant sur ce augmentation d'Estar, & auctorité d'honneur. Sur quoy Gonsales ne le voulut oüir, ne parfournir sa demande. Dont le mutin, plain de colere, tout soubdain delibera s'en aller cercher autre party. Ce qu'il feit. Et prit ce qu'il auoit de gens, & auec le congé de son Capitaine se meit en voye pour aller à Rome, au service du Duc de Valentinois, qui lors faisoit grossearmée. Et comme celuy Alonce passoit pays pres des garnisons des François, yn Capitaine d'aduenturiers, nommé Gaspar, du pays de Gascongne, l'arresta, & prit, disant qu'il estoit de guerre, & que les Espaignols auoient rompu la trefue. Parquoy l'emmena prifonnier à sa garnison, & luy feit tenir prison estroicte. & rudemét le traicta. Vn Gentil-homme François,nommé Pierre de Bayard,estant lors en garnison pres de là, sceut la rudesse faicte à l'Espaignol, & fçaichant qu'il estoit Gentil-homme, voire & parent du Roy d'Espaigne, comme on disoit, le demanda au Capitaine Gaspar, pour luy faire quelque courtois passetemps. Lequel le luy bailla, en prenant la promesse de le rauoir à temps, ou la rançon deue. Ce faict, le prisonnier fut ioyeusement mené en la HISTOIRE DE LOVYS XII,
garnifon, où fe tenoit le dich Pierre Bayard, qui le
traicha non pas comme prifonnier: mais comme
frere, & compaignon. Car auec luy eut part en la
chambre, portion au lid, place à la table, defduick
aux jeux, & plaifir des Dames. Entelle maniere fur
cestuy prisonnier longuement traisté. Éz pour faillir du propos i le dich Pierre de Bayard eut à besongner autre part, dont luy fallut rendre le prisonnier
a son Maistre, lequel celuy malpiteux Gascon teint
dereches à destroich. Si ioua lors le prisonnier au
malcontent, & dit que Pierre de Bayard estoit caufe de la dure prison qu'il tenoit, & que si iamaisen
estoit hors, que à cestuy Bayard auroit querelle sur
ce, ainsi qu'il eut, come il sera dict qu'ad temps sera.

CHAPITRE VI.

D'une course que feit le Seigneur d'Aubigny deuant la Tripaulde en la Poüille , où grand nombre d'Espaignols furent defaicts.



d'Aubigny, partit de Naples, & auec foixante hommes d'armes des fiens, & douze cent pietons prit le chemin de Nole, Et la trouua Meffire Robert Stuart, fon Lieutenant,

auec les gens, où tous ensemble sejournerent quatre

iours, & cependant parlerent de la guerre, & ma- 1502. nierent les armes, & regarderent aux cheuaux. Et tout ce mis à poin a, les gens d'armes se meirent en route vers Auelline, où encores estoit le Capitaine Familh, auec peu de nombre de gens, & de toutes parts enuironné d'Espaignols. Le Sire d'Aubigny ne voulut entrer dedans Auelline que premier n'eust couru deuantla Tripaulde, où estoitle Capitaine Ascalade, Espaignol, grossement accompaigné, & fortifié à l'aduantaige. Mais pourtant ne laissa la troupe des François d'y aller bien serrée, ordonnée à droict, & en vouloir de combatre. Si furent pres des ennemis iusques à la veile de leur Ville, & en resolution de besoingner. Le Seigneur d'Aubigny, qui au mestier de la guerre estoit vn Maistre fur les autres, pour descouurir le pays, & rencontre des embusches, meitles cheuaux legers en voye; & pour attirer les ennemis hors leur fort, leur transmeit foixante laquais Gascons, soubs la conduicte d'yn nommé Bertrand de Bouchede, & ne leur voulut bailler nulle gent de cheual, pource que iceulx Efpaignols estoyent presques tous pietons, & que pour doubte des Cheuaucheurs ne faillissent aux champs. Que fut ce, les soixante coureurs François allerent tant, que dedans & autour de la Maladerie dela Ville trouuerent cent ou fix vingt Espaignols à pied en embusche, & à l'approcher les Espaignols fortirent à grands cris, & donnerent à tour de bras, les François le receuillirent au mieulx qu'ils peurent, & à coups de traict & de picques percerent leurs

1502. longuesrobes, & en somme si bien les servirent, que la retraicte leur fut de saison. Et en eulx defendant reculerent, & furent suiuis, & chassez iusques à leurs barrieres: où derechef recommencerent les dicts Espaignols à prendre cœur, & defendre leur fort. Les Espaignols qui estoyent sur les murailles, & aux portes de la Ville en armes, ne fortirent pour l'heure, se doubtans que ce fust vn appast pour les attraire. Ils laisserent donc durer le combat plus d'vne grosse heure, qui main à main sefaisoit à la barriere. Ét est vray que tant pres estoit la Ville de là où les coups se donnoient, que iusques là se pouuoit de visée tirer yn traict. Et ce qui est de merueilles, durant ce bruit, au lieu seulement où estoit le debat, pleut à l'heure tant efforcément, sans pleuuoir ailleurs, que par la force du fais de l'eaue qui là tomboit, les coups d'artillerie & de traict ne pouvoient nuire, ne mal faire aux François qui là combattoient. Et ce ai-je sceu par le rapport d'aucuns de ceulx qui là auoyent esté. Voyans les Espaignols, qui estoyent dedans la Ville, que autre nombre de François n'apparoissoitles voulurent surprendre, & leur coupper chemin. Et pour ce feirent vne secrete saillie par derriere, où passerent à gué vne petiteriuiere, qui ceinturoit la Ville, & estoient en nombre huict cent hommes de pied, ou enuiron. Si se meirent secretemet en auant par yn chemin bas, &couuert, cuidans bien enclorre leurs gens. Mais ils furentaduifez par vn descouureur François, qui à bride abbatüe courut vers le Seigneur d'Aubigny de ce l'aduertir, dont il feit hafter ster ses gens d'approcher la Ville insques à la Mala- 1502. derie, & là affeit son embusche, & enuoya tout courant yn nommé Iannot de Saince Martin dire aux escarmoucheurs que tout bellement se retirassent. Sife hasta tellement le dict de Sainct Martin, que son messaige eust faict premier que les Espaignols qui estoyent sortis de la Ville l'aduisassent. Toutesfois ils furent incontinent prests à donner sur nos coureurs, lesquels se meirent à reculer faisans suite de loup. Les Espaignols à coups de main les chasserent iusques à la Maladerie, où ils furent receuillis par les embusches, qui commencerent à saillir de tous costez, & charger sur les pelerins. Là y eut grosfe noise. Car bien fut assailly, & bien defendu & longuement dura la mellée, & tellement que les Efpaignolsgaingnerent yn chemin affez estroict, & là l'amoncelerent les picques croifées, pour le choq des cheuaux, qui peu de mal leur pouuoient faire. Les pietons François ioignirent à eulx, & à grands coups de traict & de picques les deslogerent. Mais non sans dommaige mortel d'vn costé, & d'autre. Car plus de deux cent hommes des deux partis moururent sur le champ. A chef de faict, les Espaignols furent outrez, & mis en fuite tuant & battant iusques à la Ville de la Tripaulde,& chassez iusques dedans les portes. A l'entrée desquelles, sur vn pont estroict quilà estoit fut faict vne piteuse tuerie d'Espaignols. Car à l'entrée d'iceluy pont y auoit si grande foule des suiuans, que l'yn empeschoit le passaige à l'autre, tant que les François, qui les chas1502. foient à poux de picques, & de lances, en occirent & plongerent dedans vne riuiere, qui la passoir, plus de deux cent. Et si tost qu'ils estoyent renuersez en l'eaue, les pietons François, qui volontiers executoient tel œuure, les faisoient noyer, & tuoient à la veue de ceulx de la Ville, qui ne les pouvoient secourir. Vn laquais François, nommé Iean Loignon, meurtrier & mauuais garçon entre tous les autres, se trouua si à poinct à ceste besongne, que de sa main il meit à sac plus de vingt Espaignols. Dont le Sire d'Aubigny, qui pour ses desmerites deuat ce le vouloit faire percher, voyant l'exploict de ses armes, pour ce luy pardonna son messaict, & depuis l'eut en bonne estime. Ainsi furent les Espaignols escarmouchez. Plusieurs des gens de pied François y feurent bleffez, & tuez, & entre autres y mourut vn de leurs Capitaines, nommé Gorrier: Quoy que ce soit, les François eurent tout l'honneur, & la plus part du profict de la besongne. Et ceste course faicte, le Sire d'Aubigny, auec les gens d'armes l'en alla à Auelline, & de là manda au Duc de Nemours, Viceroy, qu'il luy enuoyast des gens d'armes, pour tenir les champs, & courir sur les Espaignols, qui auoient rompu la trefue, ouuert la guerre. & commencé le hutin. Le Capitaine Gonsales Ferrand sçaichant la defaicte des Éspaignols de la Tripaulde, & la dicte Ville mal garnie de gens d'armes, & d'artillerie, enuoya là le Duc de Terme, Italien, à tout centhommes d'armes, & grande force d'artillerie, pour icelle garder,

En cemesmetemps, Dom Ferrand, fils aisné du 1502. Roy Frederic, sendit Tarente aux Espaignols, lequel l'auoit tenüe plus d'vn an, & n'eut etté le default de victuailles, moult longuement l'eust peu garder. Mais auec cest ennuy, le Roy d'Espaigne luy escriuit d'amiables lettres, disant que s'il vouloit render la dicte place, & la mettre entre les mains, & s'en aller deuers luy, que tout à souhaic le traisteroit. Parquoy iceluy Ferrand vuida la place, & s'en alla en Espaigne.

Le Duc de Nemours, Viceroy, pour l'aduertiffement du Seigneur d'Aubigny, transmeir en Labruzze querir Meslire Iacques de Chabannes, Seigneur de la Palisse, qui là eftoit Viceroy; auquel manda incontinent venir vers la Tripaulde, auec ce qu'il auoir de gens. Lequel ces nouuelles sceies se meit à chemin, auec six vingt hommes d'armes, que conduisoient soubs luy Aimar de, Villars, le Seigneur de Grigny, & vn autre, nommé la Lande. Et auec luy furent quatre mille Labruzziens, qui pour l'amour qu'ils luy portoient le suiviernt, & tout ce voyage servierule Roy à se despens.

CHAPITRE VII.

Comment la Tripaulde fut vuidée des Efpaignols , & mis sus appointement touchant la diuisson des terres dont estoit question.

PRESque Messire Berault Stuart, & Messire lacques de Chabannes, auec quelques autres Capitaines, & grand nombre de François furent assem-

blez, ils s'en allerent deuant la Tripaulde, où feirent courses, & alarmes bien souvent, & enuironnerent la Ville, pour congnoistre les lieux propices, & mettre là le fiege, & y donner l'affault. Ceulx de la Ville ne l'esmeurent de tant, que ils feissent saillie, escarmouche, ou meute de guerre sur les François, maisse teindrent là tout cois, sans faire autre chose, & finalement furent tant pressez, que ils feirent vne paix fourrée, & enuoyerent vn Herault par deuers le Duc de Nemours, Viceroy, qui lors eftoit à Melphe, requeranticeul x auoir amitié paisible auec les François, promettans vuider la Tripaulde, & la rendre, pourueu toutesfois que nombre efgal des deux partis demeureroit dedans la trefue; iusquesà ce que le partaige desterres, dont estoit question, fust faict, ou failly. Ce qui fut promis, iuré, & accordé entre le Duc de Nemours, Viceroy, & le Capitaine Gonfales, Lieutenant du Roy d'Espaigne, & la Tripaulde vuidée, & mise en main neutre iulques à certain temps. A cry public feurent semées les nouvelles de l'appointement, qui gueres ne dura, & les prisonniers deliurez sans rançon. Quoy que ce soit, apres ce se retirerent les François à leur garnison. Messire Berault Stuart, Seigneur d'Aubigny, prit de sa suite le Seigneur de Grigny, & la Lande, & auectous leurs gens, & les fiens, qui

ROY DE FRANCE. 29

pouvoient estre huist vingt hommes d'armes en 1502. nombre s'en alla à Diaoulle, Ville pres de Melphe, de quatre milles, ou enuiron, où furent departis les logis, & mis gens d'armes par les Villes, & places des enuirons de Melphe, où estoitle Viceroy, Duc de Nemours.

E n ce temps Gonsales Ferrand seit dire au Capitaine Louys Dars, qu'il cessast de guerroyer en la Pouille, & le somma de rendre les Villes qu'il tenoir au dict pays. Ce qu'il ne voulut, disant que iuste querelle auoit de prendre & garder ce qui appartenoir à son Maistre le Comte de Ligny, & que les terres qu'il querelloir estoyent tenües nüement de Naples, dont le Roy estoit Seigneur proprietaire, & que autre que luy seul n'en auroit obeissance, mais soubs la souveraineré du Roy les garderoit, à qui elles estoyent; Ce qu'il seit longuement comme orrez cy aptes.

PovR continüer propos, durant le temps du partaige desterres contentieuses, Louys d'Armaignac, Duc de Nemours, & Gonsales Ferrand s'al-temblerentsouient pour cest affaire, aurecleur Confeil, & grand nombre deleurs Capitaines, & gens bien estimez. Et vu iour entre autres, s'e trouua aux champs le dict Duc de Nemours, auec luy Messire Lacques de Chabannes, Seigneur de la Palissel, e Capitaine Louys Dars, le Seigneur de Chandée, Gaspard de Coligny, Seigneur de Fremente, Pierre de Bayard, Pierre de Poquieres, & tout plajn d'autres. Aussir à la campaigne le Capitaine Gonsales

HISTOIRE DE LOVYS XII, 1502. bien à poince accompaigné, & là meirent leur different en aduis, & parlerent de plusieurs choses. Vn Espaignol entre autres fut là, & estoit cestuy Alonse de Sotomaiore, dont j'ay dessus tenu propos, lequel l'estoit plaint fouuent de Pierre de Bayard, disant que autresfois luy estant prisonnier à vn Capitaine de laquais, nommé Gaspard, luy avoit faict de mauuais tours, & traicté autrement que à Gentil-homme n'appartenoit, & que laschement & vilainement l'estoit acquité enuers luy, parquoy le queroit rencontrer, & auoir à luy querelle. Cestuy Pierre de Bayard en feut aduerty par aucuns, & comme celuy qui attendoitle heurt, se teint saify de ses armes, & pourueu d'vn cheual bien aduantaigeux, & tresà la main, sur lequel il estoit lors en propos d'exploicter l'espée, & embesongner le cheual, si mestier en estoit. Ce de quoy tant à poinct se sçauoit ayder, que le bruit commun le disoit l'vn des meilleurs cheuaucheurs, & des plus adroicts hommes d'armes de France, comme depuis le monstra par effect. Quoy que ce soit, celuy Dom Alonse de Sotomaiore, si tost qu'il le veid s'adressa à luy, & en l'approchant appella Dom Diego de Maridoze, Petre de Pas, & quelques autres Espaignols, qui là estoient, ausquels dict qu'il vouloit en leur presence parler à cestuy de Bayard, & iceulx pria de ouir son dire. Et voyant le Seigneur de Bayard, que Dom Alonse, Espaignol,

vouloit auecfolemnité parler à luy, appella aussi de fa part Pierre de Pocquiers, Seigneur de Bellarbre, & quelques autres François, qui pres de luy furent

ROY DE FRANCE. lors pour ouir aussi le propos de Dom Alonse, le-15 02. quel en presence de tous ceulx qui là estoyent, die Seignor Petre de Bayard, pource que moy estant autresfois prisonnier des François, m'auez de vostre part si mal traicté, que la cause de ce me meut plaindre de vous icy à la veue de ceulx qui sont presens, pour le grief que m'auez faict, je vous accuse de vouloir meschant, de lascheté de couraige, & de vitieux effect. Et veulx dire & maintenir que tel enuers moy vous eftes montré, & tout ce veulx-je foustenir & prouuer à la force de mon corps contre le vostre, si le contraire voulez dire, & accepter le combat. Oyant le dict Pierre de Bayard ainsi parler l'Espaignol, & le charger des choses dictes, seit ceste responce, outelle, en disant, I'ay bien assez où y vos paroles, & entendu tout ce que auez dict, Dom Alonse de Sotomaiore, & cogneu par vostre dire que de choses touchant le rabais de mon honneur me donnez charge, difant que enucrs vous me fuis porté pour tel, que debuez auoir à moy querelle de guerreiusques à mortel combat, où a ce m'auez appellé, à quoy je respons puis que ainsi à moy en voulez, que de tout ce que ores auez dict, que faullement & mauuaisement auez menty par la gorge, & le contraire veulx-je tenir, & defendre contre vostre pouuoir à la force du glaiue, iusques à la mort. Difant que oncques ne vous feis chole, dont me deulfiez par estrif mortel appeller aux armes, comme bien le sçauez. Parquoy je accepte le combat que me presentez. Ce dict, gaige de bataille fut fur ce

32 HISTOIRE DE LOVYS XII, 1502. jecté par l'Espaignol, & leué par le François, & pris iour pour ordonner du lieu du champ, & de la maniere des armes des deux champions.

CHAPITRE VIII.

Comment le Roy, estant au voyage de Lombardie, manda à ses Capitaines, qui lors estoyent au Royaume de Naples, qu'il ne vouloit paix auec les Espaignols, veu que la guerre auoyent ouuerte, couru ses pays, & destroussé ses, gens.

> A R les postes du Duc de Nemours fut le Roy aduerty des coursesque les Espaignols auoiét faictes au Royaume de Naples, fur seterres, & segens, & de l'appointement saict sur la divission

desterres contentieules, & commentel Duc de Nemous & Gonfales Ferrand fur ce belongnoient paifiblement. Mais fçaichant le Roy, que les Efpaignols ne tenoient la paix, fi n'est pour eulx renforcer, & attendre secours pour miculx à leur aduantaige guerroyer les François, toutesces choses considerées, & la guerre par eulx ouuerte, manda au Duc de Nemours, & à sea aures Capitaines, que paix ne vouloit auec les dicts Espaignols, yeu la rupture de la tresue, & enfraincte de la paix par eulx faicte. Et

que

que incontinent le dict Gonsales fust sommé de 15 0 2. rendre ce qu'il tenoit du Capitanat, & du Principat, où se receuilloit la Douane, qui est le tribut des ports de mer, & le debuoir de la paisson de la terre d'iceulx pays: & que sur ce neluy fust donné temps pour respondre que vingt quatre heures seulement. Les Lectres du Roy veües, & son vouloir entendu par les Capitaines François ils consulterent sommairemét l'affaire, où fut arresté que le mádement du Roy seroit executé. Dont manderent au Capitaine Gonfales que le Roy vouloit les Capitanat & Principat estre mis entre ses mains, & ce dedans vingt quatre heuresapres la femonce, ou finon luy signifier le desfy de la guerre. Qui fut vn terme si brief, que le dict Gonsales n'eut loisir d'opiner la chose à la raison, ne la difficulté deüement debatre. Mais pour tout arrest feit responce que au regard des dicts pays ils appartenoient au Roy d'Espaigne, fon Maistre, & que ja au Roy ne à autre ne les rendroit: mais de tout son effort les defendroits & mettroit telle diligence de les garder, que par default de ce n'auroit reproche. Ceste response faicte, & sceiie par les François, chascun d'eulx se meit en armes, & à la course sur les ennemis.

M ESSIR E Iacques de Chabannes, Seigneur de la Paliffe, qui lors eftoit à Licite en la Poüille, ne voulut se trouuer des derniers aux champs: mais auec cinquante hommes d'armes des siens sut incontinent deuant Fauges, que tenoient les Espaignols, & là par plusieurs fois leur dóna la charge, &

CHAPITRE IX.

Comment Gaspard de Coligny, Lieutenant du Duc de Nemours, prit Nocere sur les Espaignols.



NAVTRE Capitaine François, nommé Gafpard de Coligny, Seigneur de Fremente, Lieutepant du Duc de Nemours, pareillement feit des premiers vne faillie auec foixante hommes d'ar-

mes', & deux cent cheuaux legers, & fut courir deuant Nocere, Ville du dict pays. Et là de premiere pointe luy & fes gens approcherent la Ville detant, que iusques dedans les fosse d'icelle furent prendre le bestial, qui là estoit à grosse troupe. Les Espaignols du dedans ne feirent nulle resistance: mais comme paoureux s'enfuirent par vn autre quartier, & abandonnerent la Ville. Et ce faich, les portes seurent ouvertes aux François, Jesquels entrerent dedans doucement, sans mal faire à nully. Là meit le Capitaine Gaspard bonne garnison, & gardes seuresspuis s'en retourna à Melphe, où estoit e Duc de Nemours, Viceroy. Plusseurs iours durant clearmouches & courses furent faictes sur les Espaignols ROY DE FRANCE: 35 & tant que tous les Capitaines François, l'vnd'vn 1502. costé, l'autre d'autre coururent le pays du Capitainat, & le Principat, & là preindrent bonnes Villes, & fortes places, & souuent destroussernnemis, qui ce temps durant n'auoient tenüe ne pouuoir deuant les François i lesquels pour lors auoient l'heur & la chance. Toutes ces choles finies, sut question de faire plus.

CHAPITRE X.

Comment les Françoù, qui estoyent au Royaume de Naples , s'assemblerent tous à Troie en Poüille, pour faire camp, est marcher en pays contre les Espaignols qui là estoyent.

V x premiers iours du mois de Iuil- Iuillet. let , en l'an mille cinq cent deux, Louys d'Armaignac , Duc de Nemours , & Viceroy à Naples pour le Roy, youlant felon le mandement

du Roy mettre les armes en besongne, manda venir à Troie en la Poüille tous les Capitaines, & gens d'armes François, qui eftoyent en celup pays, & que toute l'armée marchast vers luy, lequel ettoit ja au did lieu de Troie, pour là commécer à tenir camp, & guerroyer les ennemis. Ce qui seut faict, & là le tendit en arroy moult somptueux l'armée de Fran-

HISTOIRE DE LOVYS XII, 1502. ce. Le Capitaine Gonfales Ferrand sçaichant les François estre assemblez à Troie, pour tenir les champs, se retira auec ses gens sur la marine, dedans vne forte Ville nommée Barlete, où là dispersa autour deluy son armée, où estoyent six cent hommes d'armes, trois mille Alemans, quatre mille pietons Espaignols, & Biscains, & sept cent generaires, auec force artillerie: l'vne partie de ses gens reteint auec luy à Barlete, & l'autre transmeit à la Cerignolle, à Andrie, à Canose, & à quelques autres Villes champestres qu'il tenoit. Et estoyent soubs luy les Capitaines Dom Diego de Mendoze, le Dispenser Majour, le Prieur de Messine, le Duc de Terme, Italien, Petre de Pas, petit, & contrefaict, Alfonse de Sain & Seuerin, Dom Diego d'Ariglane, Dom Alonse de Sotomaiore, Peralte, Pedro de Nauarre, & plusieurs autres bons Chefs de guerre. Toute l'armée de France estoit assemblée à Troie en la Poüille, pour aller en auant, & pr'endre pays. Conseil fut tenu entre les Capitaines François, sur l'affaire de leur emprise, & apres diuerfes opinions conclud de marcher contre les ennemis. Si furent mis espies par chemin, coureurs parla campaigne, charois en voye, pietons en marche, hommes d'armes en la route, & les viures en erre. Les Capitaines & Ducteurs de l'armée

eftoyent Louys d'Armaignac, Duc de Nemours, & Lieutenant general pour le Roy, Meflire Berault Stuart, Efcoffois, Seigneur d'Aubigny, Meffire Iacques de Chabannes, Seigneur de la Paliffe, Meffire Yues d'Alegre, le Capitaine Louys Dars, Adrian de

DE. FRANCE. Brimeu, le Seigneur de Chandée, François d'Vrfé, 1502, Aymar de Courfinge, Sauoisien, Aymar de Villars, Daulphinois, Iean de la Lande, & grand nombre d'autres Capitaines Italiens, & Lombards, qui auoient charge de gens d'armes, foubs lesquels sus dicts est oyét en uiron mille hommes d'armes Francois, & Italiens : Et auffi eftoyent là trois mille cinq cent pietons François, Daulphinois, & Lombards, foubs la conduicte des Capitaines François de Daillon, Seigneur de la Crote, Yues de Malherbe, Iannot de Montauban, Pierre Louys de Constance, le Capitaine Esprit, & quelques autres, dont je n'ay sceu les noms. Soubs la main aussi d'yn nommé Regnauld de Samant, y auoit d'artillerie quatre canons, deux groffes couleurines, fix moyennes, nommées les Sacres, & quatorze faucons, auec poudres, & pierres à canon à suffire. Et ainsi le douziesme iour de Iuiller, en l'an fusdict commencea nostre armée Françoise à marcher en pays. Dont l'ordre fut tel, que le Duc de Nemours, general Chef de l'ost pour vouloir auoir la premiere veüe sur les affaires du Roy, preit la conduicte de l'auantgarde, ou estoyent trois cent cinquante hommes d'armes François, & deux cent cheuaux legers, lesquels deux cent menoient le Marquis de Licite, Italien, & vn Françoisnommé Thibauld de Mauleon, à chascun cent. Messire Berault Stuart, Seigneur d'Aubigny, gouuernoit la bataille, où estoyét quatre cent hommes d'armes,& tous les gens de pied, auec l'artillerie: laquelle se charioit comme les pietons marchoient.

HISTOIRE DE LOVYS XII, 1502, Messire Yues Seigneur d'Alegre auoit en main l'arrieregarde, qui estoit munie de deux cent cinquante hommes d'armes: Le tout ordonné si à poinct, que par compassée mesure alloit l'œuure militaire. En ce poin à branslerent les François, & preindrent les champs. Les aduateoureurs furent enuoyez pour descouurir, & prendre logis à vn lieu nommé la Couronnade, chambre du Roy de Naples, en la plaine de la Poüille, où aupres d'illec est vn buisson peuplé de bestes rousses à grand nombre, & en toutela plaine de la Poüille n'y a buisson que celuy seul. Pour rentrer, l'armée de France fut en celieu à sejour trois iours entiers, où cependant fut aduisé quelles Villes se debuoient pour le plus aisé & profit de l'armée assieger, & assaillir. Et pour sçauoir de la maniere du resister des ennemis, par le Lieutenant du Roy fut enuoyé à la Cerignole le Capitaine Gafpard de Coligny, pour là faire vne course, & veoir la contenance des Espaignols. Dont celuy Gaspard de Coligny, auec foixante hommes d'armes, se meit en voye droict à la dicte Cerignole, où estoyent troiscent hommes de pied Espaignols, & six vingt Genetaires, pour garder la place: Et là deuat enuoya, pour descouurir le pays, vingt cinq Archers, que menoit vn gendarme nommé François de Rocquebidault, & fur leurs tracsleur meitdouze hommes d'armes, soubs l'adresse du guidon du Duc de Nemours. I'en veulx nommer vne partie, pource que par vray rapport j'ay sceu que moult bons, & gaillards gens-d'armes estoyent, & dignes de re-

ROY DE FRANCE. commendation; desquels estoyent Bernardon de 1502. Toyouse, le ieune Baron de Bearn, Bertrand de Bouchede, Galcons, le Seigneur d'Arques, Malqueron, & le bastard des Hanches. Quoy que ce soit, les Archers, qui estoient allez deuant pour descouurir, furent mal guidez, & escartez: tellement que les douze hommes d'armes furent les premiers deuant la Ville, & là hors les barrieres, trouverent deux cent hommes de pied, & soixante Genetaires en bon ordre. Toutesfois pour ce ne pour leur nombre auantaigeux ne l'arresterent les douze hommes d'armes François, mais tous enfemble à la foule, & d'yn youloir deliberé, à bride abatüe, la lance baissée donnerent sur les gens de pied si rudement, que par sur le ventre leur passerent. Les Genetaires voyans leurs pictons en route l'esbranslerent, & sans attendre le choc, pour doubte des horions, tournerent le dos au lieu,où par honneur debuoient auoir le visaige,& se retirerent vers le fort, chassez par les Fraçois iusques dedasleurs bouleuarts. Les gens de pied, tandis que la fuite de leurs Genetaires se faisoit se rallierent, & tous en plaine marche approcherent la Ville de tant, que les François les veirent venir, & à l'entrée des barrieres leur donnerent vne charge, telle que à la premiere pointe l'espartirent, & seirent voye: mais plusieurs furent renuersez, & mis à terre, les autres fuirent vers les fossez, & sans ordre, ne desfence. Ce qui tel dommaige leur porta, que sur le bord des dicts fossez furent tuez à grand tas, & tous eusseussent esté defaicts, si ceulx de la Ville à coups d'artillerie &

1502. de traict & puissance de gensqui sortirent n'eussent ennuvé les François. Mais tant feirent, que partie de leurs gens recouurerent, & se retirerent tous en la Ville. Apres celle retraicte, les hommes d'armes Fraçois voyans que des vingt-cinq Archers, qui deuant eulx estoient partis du camp n'estoit nouuelles, penserent que par embusche d'ennemis estoient encombrez, on par mal aduisées guides escartez: toutesfois autour de la Ville feirent vne course, pour en cuider sçauoir nouuelles, & tant allerent, que deuant vne des portes les trouuerent en besongne, & bien empeschez. Car plus de cent Espaignols estoyent à pied, & à cheual meslez auec eulx, & l'entrebattoient à tour de bras. A la veniie de ce renfort les Espaignols seurent repoussez, & les François rescous, lesquels se meirent tout bellement à la retraicte. Mais gueres n'eurent marché, que de toutes parts Genetaires & pietons Espaignols ne fussent à leur queüe, dont se teindrent serrez, & en eulx defendant faisoient leur chemin : Ainsi comme ces escarmouches s'exploictoient, le Capitaine Gaspard de Coligny, auec ses gens estoit approché à vn mille pres de la Ville, iusques à vne vallée couuerte, & là auoit faict son embusche, dont il auoit aduerty ses coureurs, pour donner vne amorce à ceulx qui les suiuroient, ce qu'ils feirent. Car tant les attirerent, que iufques au lieu où estoit leur embusche les conduirent, & tout soubdain furent chargez de toutes parts; là furent tuez trois Genetaires, & vn pris, les autres gaingnerent à fuir. Les pauures pietons payeROY DE FRANCE.

41


rent toutl'escot. Car la plus part d'eulx furent aterrez 15 0 2. fur le champ, & les autres gaingnerent les hayes, & buissons, & se fauurerent comme ils peurent. Et ce faict, les François sen retournerent à la Couronnade, où estoit toute leur armée. Les Espaignols de la Cerignolle congnoissans que trop mal apparantez estoyent, pour attendre le siege des François, & leur armée estre sur les champs, & pres de leurs dangers, par vne belle nui et trousserent est le plus seur abandonnerent la Ville, puss sen allerent à Canose, sept milles pres du dict lieu.

PREMIER que l'armée de France voulust marcher outre entre les Capitaines feut dit que le siege feroit mis à Canose, bien forte Ville, & garnie de gens d'armes; & que si elle estoit prise ceseroit pour donner craincte aux ennemis, & esuertüer les autres, & que en ce faisant on sçauroit le vouloir de chascun. Ce propos arresté, l'armée prit les champs, & feit vn logis à vn lieu nommé les Fontaines, & approchant de Canose, & là n'arresta qu'vne seule nuict. Au plus marin les gens-d'armes François se meirent aux champs deuers Canofe, en laquelle y auoit douze cent hommes Espaignols soubs deux Capitaines nommez l'yn Peralte, homme bien expert au mestier de la guerre, & l'autre Petre de Nauarre, habile à merueilles en faict de mines. Et estoit ceste Ville fortifiée de gros bouleuarts bien percez, & de fossez larges, & profonds, & d'espaisses murailles bien crenellées, & percées, & de bonne artillerie, auec gens de cœur, & prou de victuailles. Som42 HISTOIRE DE LOVYS XII,
1502. me c'eftoit vne des Villes de la Poiiille la mieulx
defensable, & eft celle dont les histoires Romainnes
font mention autemps que le Consul Marc Varron, Romain, perdit pres de là la grand bataille de
Cannes contre Hannibal Duc de Carthaige.

CHAPITRE XI.

Du siege de Canose en la Pouille, & comment elle sut prise par les François sur les Espaignols, qui là seirent defence merueilleuse.

Inillet.



l'approcher settouua grosse escalte de Genetaires pour cfearmoucher auecles François, & commencement chascun de sa part à mettre les armes à l'essay, & donnet coups. Les Genetaires pour l'heure n'eurent du meilleur. Aussi est est est peu de gens pour y debuoir prossèters si furent chasse » menez bartans iusques dedans leur fort, & aucuns d'eulx ruez sur le champ. Tous les gens de cheual, & pietons approcherent, & se tein drent en bataille pres de la Ville, en attendant que l'artillerie sust assissée, la que le ne beau plain midy, à la veite deceulx de la Ville en beau plain midy, à la veite deceulx de la Ville

fut approchée à vn ject d'arc pres des murailles, 1502. & en mesme heure le siege assis. Les hommes d'armes selogerent dedans les maisons, & Eglises rompues, que là trouuerent à vn traict d'arbaleste pres de la place. Les pietons preindrent quartier d'autre part vis à vis de leurs gens. Et ainsi que le logis se faifoit, sans sejour traict & artillerie venoient de la Ville sur les François, & tant que plusieurs y furent estendus & morts. Mais pour ce ne demeura que chascun n'eust logis arreité, & que la nuict ensuiuant l'artillerie ne feust approchée iusques encontre les fossez de la Ville, & là les tranchées faictes, & toute l'artillerie chargée, & atiltrée. Dés l'aube du iour commença l'oraige bruyant de l'artillerie de France à peter comme fouldre, & donner contrelesmurailles de Canose sans cesser quatre iours durant tant horriblement, que creneaux, repaires, & defenfes furent mis à terre, & plusieurs des soldats Espaignols creuez, & meurtris. Grande defense faisoient iceulx Espaignols. Car pour crainte des coups mortels ne delemparoient la muraille, où nuict & iour estoyét à faire remparts, & repaires, dont tiroient à toutes heures fur nos gens, & grand abbatis en faisoient. Mais à chef de quatre iours, tant furent les murailles rompües, & aterrées, que par les Capitaines & Maistres Canonniers François fut dict que passée suffisante y auoit pour y donner vn assault. Ce qui fut faict, & pour ce ordonnéz de chascune compaignée de cent hommes d'armes vingt, & de cinquante dix, quile trouuerent par nombre cent cin-

1502, quante, ou enuiron auec leurs Capitaines, ou Lieutenans prests d'affaillir la bresche, ou escheller la muraille. Aussi furent mis pour l'exploict de cest affaire douze centhommes de pied, dont vn nommé Iannot de Montauban conduisoit trois cent Guascons, le Capitaine Esprit cinq cent Daulphinois, & Pierre Louys de Constance, quatre cent Lombards. Lefquels furent tous en armes, & deliberez de mettre la main en besongne. Pippes, & tonneaux plains de vin furent là mis lus le cul , & deffoncez , pour attinter les testes de ceulx qui debuoient aller à l'assault. Si commencerent à bel enuy à mettre le nez aux bouteilles, & à trinquer à qui mieulx mieulx, tans que en peu d'heures les fusts fur ét vuides & les testes plaines, & les gés-d'armes eschauffez comme lyons queransleur proye, & prests de commencer la noise. Les Espaignols voyans l'heure que desfence leur estoit propice, pour sauuer leur vie & acquerir honneur, l'arrengerent en bel ordre autour de la brefche, le glaiue au poing. Et sur le poinct de commencer leurs Capitaines les enhorterent de mettre corps & vies à l'aduanture, pour leur querelle, disans que si à celle fois pouuoient honnorablement refister, ce feroit pour amollir le hault vouloir des François, & rabaisser leurs cornes, & doresnauant gaigner sur eulx la chance heureuse, qui souuent par vn seul hazard demalheur se tourne en fortune contraire. A chef de ces paroles les Espaignols serauigourerent, & preindrent audacieux couraige, qui est la plus forte muraille qui soit. Et ainsi comme ceulx qui entre autres sçauent bien garder les places enuironne- 1502. rentla passée à grand foule de gens bien en point pour icelle garder, & là eurent propos de tous mourir premier que desemparer, & attendre le dernier coup des assaults des François. Tant alla le cas en auant, quel'affault fut commandé, & sonné. Dont les Capitaines & les plus estimez François se meirent des premiers, & les pietons auec, lesquels coururent les vns à la bresche, & les autres eschelerent la muraille, & de premiere adueniie donnerent tant rudement, que les Espaignols du dedans furent si mal menez, nonobstant la merueilleuse deffence qu'ils faisoient, que apres long combat perdirent place, & reculerent. Et de faict la Ville eust esté prise à ce premier assault neust esté vn de leurs Capitaines nommé Peralte, lequel voyant ses gens abandonner leur garde, & les François entrer sur eulx, leur veint au deuant , l'espée au poing , en frappant fur eulx à tour de bras, en leur dilant Tournez Maranes, infames, recreus, Tournez, & tenez pied ferme, & vouloir vertueux contre vos ennemis. Si vous fuyez, croyez que ne perdrez seulement les vies, mais l'honneur, qui de mille morts se doibtrachepter plustost que de le laisser perir. Auant compaignons, auant, ne failons que pour nostre lascheté toutes les Espaignes, d'où nous sommes, encourent reproche. Par ceste remonstrance enharditses gens le vaillant Capitaine , & les ramena battant iusques à la bresche, que les François auoyent ja gaignée, & entroient. Toutesfois celuy Capitaine Peralte meit

1502. ses gensen telle force, & de luy mesme feit telle defence, que les François feurent reboutez, lesquels rapprocherent de plus belle, & de leur pouvoir affaillirent la Ville: mais les Espaignols à lances de feu. de souffre, & de chaulx viue, auec plains pots d'huile bouillante affolerent ceulx qui estoyent des premiers, desquels estoyent le Capitaine Louys Dars, Aimar de Villars, Pierre de la Lande, le Seigneur de Corno, Chastelart, Pierre de Bayard, Pierre de Pocquieres, Lucle Groing, Marc du Frefne, & plufieurs autres bons hommes d'armes, qui sans cesser ruoient coups à toutes mains, dont aulcuns d'eulx furent bleffez, les autres bruflez, & leurs visaiges eschaudez & feurent plusieurs laquais morts & affolez. Mais ils ne reculerent pourtant. Car l'assault estoit tel, que pour mourir les François n'abandonnerent le paffaige ,'ny les Espaignols la deffence. Et dura cestuy assault plus de trois heures, auquel furent morts & blessez grand nombre d'Espaignols. Mais pour ce ne furent les autres esbahis, ains teindrent tousiours pied ferme, eurent l'œuil au guet, la main à la defence,& le cœur vertueux, qui de tant leur feruit, que à la parfin la place leur demeura pour celle fois,& l'affault cessa au desaduantaige des François, lesquels se retirerent au logis. Ce faict, n'eurent pourtant le couraige affoibly, ny vouloir de leuer leur siege. Mais derechef plus aigrement que deuant d'vn autre costé deuers le Chasteau battirent la Ville vn iour & demy, & là fans arrest nuict & iour furent tirez coups, & la muraille effondrée, & mise à basi

ROY DE FRANCE. tant que l'assault fut derechef commandé, & plus 150 Z. de gens d'armes que au premier, & grand nombre d'Alemans ordonnez, lesquels marcherent vers la muraille breschée, & tant efforcerent leur pouuoir, que malgré les ennemis planterent l'estandart contre l'abbatis. Là y eut merueilleuse noise. Car les Fraçois à grosse foule & des mieulx armez assaillirent le pas, & comme enuieux de recouurer leur premiere perte, n'espargnerent leurs glaiues, & là fut respandu du sang d'Espaigne à grands ruisseaux. Le bon Capitaine Peralte, Espaignol, à cest affaire ne l'oublia de reconforter les gens, les mettre en bon ordre, & tenir en vouloir asseuré. Et pour leur monstrer le chemin de vertu, le premier se trouua au besoing, & faisoit merueilles d'armes, & tousiours auoit l'aduis & deffence de ses gens & le glaiue au deuant des ennemis. Et est à penser que sans luy la place eust esté emportée d'assault. Car chascun des François y efforçoit le comble de sa puissance. Mais les dicts Espaignols au moyen de son aduis feirent telle resistance, que tout honneur y acquirent. Et puis que verité en tels faicts ne se doibt celer, je dis que sur ce feurent les Espaignols à recommander. Car fans faillir nul d'eulx desbranloit de sa place pour mort encourir, dont estoyent asseurez s'ils eussent esté pris. Que dirai-je, l'assault fut tant mortel, que depuis onze heures du matin iusques à Vespre sans repos dura le combat main à main, sans que l'artillerie cesfalt de tirer, & les glaiues de trancher & piequer de tous costez. Moult feirent les François vertueux

debuoir d'affaillir, & les Espaignols grandes merueilles de defendre. Car ils auoient à l'heure à besongner à l'vne partie des plus hardis hommes de tout l'ost des François. Messire Iacques de Chabannes estoit là à la bresche, qui sans sejour donnoit coups inmoderez, comme celuy qui estoit loué d'excesfines armes. Le Capitaine Louys Dars à tout vne lance au poing y assaillit vn pan de mur esbranlé, estant aupres du passaige, où la foule se faisoit, & là y eut plusieurs coups de traict, & de picques, tant que le sang luy desgoutoit iusques à terre: mais ce ne l'arresta qu'il n'approchast insques à combatre main à main dessus celuy mur, qui tomboit presques,où ioignant estoit grad nombre d'Espaignols, dont les vns chargeoient fur luy, & les autres poufsoient celuy mur pour l'acrauanter. Ce qui eust esté, quand vn François des siens nomé Luc de Groing, qui estoit pres de luy, l'aduisa de ce danger, dont l'approcha d'vn autre lieu pour combatre, & là fut iusques à la fin de l'assault, sans cesser de charger les ennemis. Ausli estoyentlà Aimar de Villars, le Seigneur de Cornon, la Lande, Chastelart, Pierre de Bayard, lequel ne cessa durant l'assault deruer patacs sur les Espaignols, & tant s'approcha, que en plusieurs lieux fut attein & blesse à coups de picques. Pierre de Pocquieres, Seigneur de Bellarbre se meit là si auant; que apres maints coups par luy donnez, luy feut à lances de feu & de soulfre brussé le visaige, & tout affolé. Aussi fut Luc de Groing bleffé d'un coup de picque, & atteint detelle forte,

ROY DE FRANCE. que de la montée de la bresche feut renuersé dedans 1502. les fossez, & emporté comme mort. Marc du Chesne fut pareillemet à celuy affault bleffé en plufieurs lieux, lequel au rapport de ceulx qui là estoyent feit tant d'armes, que ses ennemis à leur perte sceurent bien à quoy fen debuoir tenir. Plusieurs autres bons gendarmes, comme Gilbert de Chaulx, Iean de Montieux, Louys de Brandon, & assez d'autres furent là des premiers à l'assault, & des derniers à la retraicte, lesquels demeurerent au combat iusques à ce qu'ils feuillent presques tous blessez, & tant lassez que sang poux, & haleine leur faillissent. Et fault entendre que les Espaignols qui n'estoient que douze cent, ou enuiron, ne l'estoyent reposez. Car plus de cinq heures, comme j'ay dict, sousteindrent les heurts de plus de deux mille hommes François, forts, & vigoureux. Ie ne veux donc par ma Chronicque mettre les biensfaicts des Espaignols en oubly, mais dire que pour vertueuse defence, doibuent auoir louange honnorable. Quoy plus? L'assault fut tel, que les François celuy durant à grands poux de lances chargeoient leurs ennemis iufques au vif, lefquels aussi à tout longues picques aduantaigeuses se garantissoient, & blessoient nos gens, sans que grad dommaige on leur peust faire, ne toucher à plain coup, pour l'aduantaige de la grandeur de leurs dictes picques, qui de moult leur profita. Et auec ce les aucuns d'eulx auoyent en main grands pots plains de graisse, de feu, & de souffre, qu'ils iectoient

à la volée sur ceulx qui l'approchoient pour gai-

1502. gner la bresche, les autres huisles boüillans, & lances à feu, de quoy si grand ennuy & empeschement feirent aux dicts François, que apresauoir si longuement combatu,comme j'ay dict,cesserent l'assault, à leur perte & dommaige, auquel furent bruslez & ensouffez plus de trente hommes d'armes, & d'autres plus de cinquante morts & mutilez. Des Espaignols furet aussi mis à sac & blessez plus de quarante. Et ainsi fut par les François donné le second asfault à la Ville de Canofe. Moult furent despits & malcontents les François de ce que si peu de gens comme estoyent les Espaignols qui là dedans tenoient, resistassent ainsi deuant leur puissance, qui maintesfois auoit foubmis moult de forts pays, & conquesté Villes imprenables. Que fut ce ? Sin'est, que pour ce n'amollirent leur vouloir, ny n'abaisserent leur couraige, mais proposerent de tous mourir là, ou deviue force prendre la dicte Ville de Canofe. Et voulurent lelendemain icelle derechef affaillir. & detous costez escheller, sans que nul fust exempt du labeur. Dont les foldats du dedans nonobstant la refistance des deux assaults par culx vigoureusement faicte ne se voulurent tant tenir forts de leurs armes, ne eulx fier en fortune, que auec Messire Berauld Stuart, Capitaine de la bataille de l'armée des Françoisne parlementassent, & promeirent derendre la place, & icelle vuider, si par composition seure leurs bagues leur demeuroient saufues. Aucuns des Capitaines François ne feurent d'opinion de les laisser ainsi aller: yeu que plus n'en pouuoient, &

ROY DE FRANCE. que tant de dommaige leur auoient faich. Les gens 15 0 2. de pied, desquels plusieurs estoyent demeurez, ne furent d'aduis que ainsi deussent eschapper : mais dirent que l'ils sortoient que tous les tueroient, à qui en deust desplaire. Quoy que ce soit, la composition fut par le Viceroy & le Seigneur d'Aubigny arrestée, & francée par le dict Seigneur d'Aubigny. Et pour ce que iceulx Espaignols se doubtoient de la menace des pietons, demanderent ostaiges : aufquels furent baillez Iannet d'Arbonuille, Seigneur de Bimo, & François de Daillon, Seigneur de la Crotte, lesquels furent menez à Andre, que tenoient les Espaignols. Et doubtant le Seigneur d'Aubigny que les gens de pied voulussent faire quelque force, comme auoyent dict, voulant acquitter fa toy, & resister à leurs motifs, luy en personne auec deux cent hommes d'armes se meit deuat les portes de la Ville, pour fairelà passer les dicts Espaignols, comme estoit promis, lesquels sortirent auectoutes leurs bagues. Desquels de douze cent qu'ils feurent au dedans deuant le siege n'en sortit que neuf cent. Car le surplus seut tué à coups d'artillerie, durant la batterie, & aux affaults, à coups de main. Si tost que tous furent hors la Ville, le Seigneur d'Aubigny auec ses gens les conduisit iusques en seureté. Lesquels apres ce furent par le Capitaine Gonfales mis fur mer, & enuoyez renforcer la Ville de Tarente, où n'auoit lors que soixante Espaignols. Ainsi fut reduicte la Ville de Canose, & mise entre les mains


des gens du Roy, auccle chasteau, qui estoit assez

Gij

52 HISTOIRE DE LOVYS XII, 1502, fort, où fut misebonne seureté, & grosse garnison. Et là dedans sut l'armée trois iours à repos.

CHAPITRE XII.

Comment Gonfales Ferrand apres la prifa de Canofe voulut detenir les oftaiges François, qui pour la feureté de fes foldats auoyent efté bailleZ.



bonne police, & loyale maniere de guerre dont ils 15 0 2. ont vlé enuers nous, & aussi comme en composant pour la seureté de vos gens, qui autrement eussent esté tous tuez, ont baillé bons ostaiges : lesquels j'ay promis, & vous, pour autant que l'appointement auez consenty, faire mener à Andre, sauf à les faire ramener tout en seureté jusques où seroit leur armée. Ce que à la peine de ma foy soubmectre à vilain reproche je fuistenu de faire, & yous obligé de tenir. En oultre ne sçauez vous pas comment le Seigneur d'Aubigny, I'vn des Lieutenans generaulx du Roy de France, malgré les pietons François, qui vouloient courir sur nous auec grosse puissance de gens d'armes nous meit hors de Canose, & du danger où estions? Pourquoy me semble si retenez les dicts oftaiges, que ne ferez loyal debuoir, & me garderez d'acquicter deue promesse, & donnerez loy aux ennemis d'enfraindre vostre saufconduict, & aux autres cause de n'adjouster foy à vostre dire, & que de mesmes en pourront faire les François à quelqu'vn des vostres, dont en pourrez receuoir douleur & dommaige. Aduifez que en faict d'armes oftaiges sont baillez pour moyener entre paix, & discorde, & pour plus affeurer la chose promise: lesquels se doibuent amiablement receuoir, soigneusement garder, doucement traicter, & rendre à heure deüe. Ce sont les ceremonies de la guerre, qui selon les Statuts de l'art militaire se doibuent tant estroictement observer, que qui presume faire le contraire, est digne de punition mortelle encou-

1502. rir. Parquoy Seigneur, à ce debuez auoir l'œil ouuert, & par aduis de conseil ouurer, ou au moins à l'honneur de vostre florissanterenommée, que sur toutes choses debuez auoir pour recommandée. Ce dict, le Capitaine Gonsales, nonobstant la raifonnable remonstrance ne mua son esgaré propos, mais meit gens en auant, pour aller à Andre querir les dicts oftaiges François qui là estoyent, & iceulx faire amener à Barlete; pour les traicter selon son aduis. De ceste entreprise fut aduerty le Capitaine Peralte, lequel dict en luy mesme que à son pouuoir y pouruoyeroit en forte, que son honneur y seroit gardé, & le profict des oftaiges maintenu. Et comme celuy, qui par crainte de perdre vie, ou estat, ne voulut son los rabaisser, preit vn geneton des siens viste,adroict,&leger,&par chemin couvert se meit en poste, & tira vers Andre, où fut plustost que ceulx qui alloient pour querir les oftaiges, & fans fejourner feit iceulx monter à cheual, & le plus tost qu'il peut les emmena à l'ost des François, qui estoit à Canole, & ce faict l'en retourna à Barlete. Le Capitaine Gonfales fut aduerty comment les oftaiges François par le moyen de Peralte estoyent hors de fes mains, dont tant fut espris de courroux, que celuy Peralte voulut faire pendre, difant qu'il auoit intelligence auec les François, & tellement le guerdonna, que pour les bons seruices qu'il auoit faicts au Roy d'Espaigne, le feit prendre, & mettre en galere; où demeura long temps. Et puis par le secours d'aucuns de sesamis fut mis en liberté, & esROY DE FRANCE. 55 chappa: dont sen allarendre François: & feit de-150 22 puis, comme j'ay sceu, bonne guerre aux Espaignols: pour quoy sut appointé du Roy & bien à point entretenu à son service.

CHAPITRE XIII.

Comment le Capitaine Louys Dars preit Befeilles , en la Poüille , fur les Espaignols.



E 10 v R enfuiuant que Canose sur rendüe aux François, le Capitaine Louys Darsaduerty que les Espai gnols chassez du dict Canose, alloient rensorcer Tarente, pria le

Duc de Nemours, Viceroy, qu'illuy pleust bailler des gens d'armes, pour aller coupper le chemin à iceulx Espaignols, à la décente de la mer, où ne saudroir point de les rencontrer, & iceulx desfaire. Et ce faisoit, pour ce que ja auoit esté semons par ceulx de Tarente, des mettre dedans, & aduisté que si cent hommes d'armes François se monstroient là deuant, que les Espaignols de la garnison tueroient, qui peu de nombre estoyent, & dedans mettroient les François. Et de tout ce seit compte au Duc de Nemours, en luy remôstrant que par deux moyens celle Ville de Tarente se pouroit prendre sans faillir, ou par defaite le renfort qui par la mer y allois,

1502. lequel estoit foible, pour soustenir foule de bon nombre de François, où pour se monstrer deuant la Ville, qui estoit forte pour chasser petite compaignée d'Espaignols. Le Ducde Nemours ne voulut prester l'oreille à celuy Louys Dars, pour oüir son profictable propos, ne luy bailler renfort, pour executer sa louable entreprise: mais differa tant, que pour l'heure autre chose n'en fut, si n'est que celuy bon Capitaine Louys Dars, qui la charge, comme j'ay dit, auoit des places qui là appartenoient au Comte de Ligny, voulant à son pouuoir seruir le Roy, & obeir à son Maistre, se meit aux champs auec soixante cheuaulx legers, & adressa vers Beseilles, terre du Comte de Ligny, à cause de sa femme. Et est celle Ville sur la mer, & forte à l'aduantaige. Le peuple de laquelle sçaichant la venüe du Capitaine Louvs Dars, Lieutenant du dict Comte de Ligny, leur Seigneur; & si tost que deuant eulx le veirent auec ses gens, France, France fut là dedans à voix commune mise en cry, & les portes de la Ville malgré les Espaignols ouuertes aux François, & à grand tumulte toute la commune infultée contre les Espaignols. Là entrerent les François, & auec les Beseillienschargerent sur les Espaignols, & les assaillirent de toutes parts, & tant, que iusques dedans le chasteau qu'ils tenoient tuant & battant les repousferent. Et eulx retirez commencerent à tirer artillerie au trauers de la Ville, & contre les François, tellement que de Canose à quatre milles de là, où estoit l'armée de France, feut ouy le bruit des coups. Dont

57

vn Gentil-homme, nommé Lucle Groing, de ceulx 1502. du dict Louys Dars, qui là estoit demeuré pour les affaires de son dict Maistre, scaichant que besoing estoit de luy faire secours, aduertit le Duc de Nemours de son affaire, en luy disant Monseigneur, oyez vous comment l'artillerie tire de Beseilles, je fuis feur & vous aduertis que le Capitaine Louys Dars est à cest affaire. Et pour ce lesçais-je, que à son depart me dit que là l'en alloit pour veoir la maniere & puissance des Espaignols qui sont dedans, & pour congnoistre le vouloir de ceulx de la Ville, qui auec luy ont intelligence. A ce moyen pouuez congnoistre qu'il y a messée, ou assault. Pourquoy Monseigneur en faisant seruice au Roy, amitié à Monfeigneur de Ligny, & secours au dict Capitaine Louys Dars, plaife vous luy enuoyer quelque renfort: car mestier en est. La priere & semonce de celuy Gentil-hommefut pour l'heure non oüye par le Duc de Nemours, & differée jusques à temps. Pourquoy iceluy l'adressa à Messire Iacques de Chabannes, Seigneur de la Palisse, qui là estoit, & luy dit que s'il luy plaisoit secourir le Capitaine Louys Dars, que ce seroit setuir le Roy, & acquiter fon honneur: & de cele pria bien fort. Le dict Seigneur de la Palisse deliberé à tous propos d'exploicter son pouvoir pour les affaires du Roy, l'offrit de prendre celle charge, auec le vouloir d'y besongner à toute force, mais au parfaire le congé ne luy fut octroyé. Dont celuy Gentil-homme, voyant que ailleurs luy failloit pour fon Maistre cercher ayde,

sçaichant que à Rouure, Ville à quartier, pres de Befeilles à quatre milles, estoient cent hommes d'armes François, dont les cinquante estoyent à Francois de la Trimouille, Seigneur de Mauleon, & les autres cinquante à Messire Aimar de Prye, pensant de ceulx là auoir quelque secours, droict là courut en poste, & hastiuement aduertit les Capitaines de gens d'armes qui là estoient de l'affaire qui estoit à Beseilles,& comment le Capitaine Louys Dars auec peu d'effort soustenoit là grand charge. Et que si par default de secours il estoit oultré, que ceulx qui lecourir luy pouuoient en auroient reproche. Dont ceulx de Rouure, aufquels il f'adressoit, n'en seroyét ignorez, veu la proximité du lieu, qui n'estoit que de quatre milles, & fur ce les pria en uoyer des gens à la recousse. Lesquels diret que peu de force estoyent pour seurement garder la Ville de Rouure, & à l'aduantaige secourir le Capitaine Louys Dars. Et ce dict, celuy bon Messaiger à tant ne demeura au pourchas, mais leur dit Vous auez cent hommes d'armes, baillez moy cinquante d'iceulx, pour tenir vostre Ville, & cinquante pour le renfort de Louys Dars, & je prens sur ma vie de sut ce faire tel debuoir, que la Ville sera gardée à proffict, & le dict Capitaine secouru honnorablement. A ceste remonstrance & jeu party ne differerent plus: mais promeirent à grosse bande aller à Beseilles. Et des premiers fut à la voye vn nomé Pierre de Bayard, qui n'attendit la conclusion du propos: mais si tost qu'il sceut l'affaire du dict Louys Dars, sans regarder

59

qui le suiuroit, luy auectrois de ses gens montez & 1502. armez se meit à la course: & tantost apres luy fut Louys de Sain & Bonnet, Lieutenant de Messire Aimar de Prie, auectrente hommes d'armes, & quarante Archers, courans tous à bride abatue. Pendant que au pourchas de ce renfort besongnoit Luc de Groing, sur ce auoit penséle Duc de Nemours, au moyen de l'aduertissement qui luy auoit esté faict par cy deuant, & auoit enuoyé à Beseilles vn Capitaine Picard, nommé Messire Pierre de Bellefourriere, Lieutenant de Cefar Borgia, Duc de Valentinois, auec cent hommes d'armes le squels pensans le long trauail des François qui estoyent à Beseilles, & la grande course qu'ils auoient à faire, qui estoit de plus de six milles, aduanturerent tout, pour estre d'heure à ce besoing. Et là coururent si toit, que plusieurs d'eulx tuerent leurs cheuaux. Ainsi comme iceulx estoyent à chemin, Pierre de Bayard, qui de Rouure estoit des premiers deslogé pour aller à ce hutin, quec ses trois hommes arriva à Beseilles, & à l'entrée de la Ville luy & ses gens commencerent à crier France, France, à haulte voix, & tout le cours le long des rijes l'en alla vers le chasteau, où le bruit se faisoit, & là se rangea auec Louys Dars, l'espée au poing, où commencea à frapper à bras desployez, & à grands efforts secourir les François, qui grand besoing auoyent d'aide. Car leur combat durant vn Escumeur de mer Espaignol nommé Vilemarin, auec trois galeres armées de trois cent hommes estoit venu au secours de ceulx du chasteau, & à sa

1502. venüe furent les François foulez. Mais eulx & ceulx de la Ville leur teindrent pied à ferrer longuement. Toutesfois à la longue teniie, voyans les Espaignols que peu de secours venoit aux François l'eluerrüerent, dont le Capitaine Louys Dars, & fes gens furet à force repoulsez, & chassez iusques à la porte de la Ville. Et à la fin eussent esté forcez, & mis hors, n'eust esté la merueilleuse resistance que celuy Capitaine Dars faisoit de sa main. Car à tour de bras gardoit l'issue de la Ville, & assailloit l'entrée : tellement que ses ennemis ne pouuoient sortir, pour chasserles siens, ne les siens desemparer pour abandonner la Ville. Que fut ce? Si n'est que Espaignol ne l'osoit approcher de tant que son glaiue tenoit d'ombre qu'il ne fust assommé. Là escumoit comme vn fanglier aux abois, & disoit à ses gens Sus Messieurs, lus à ce besoing extrelme se doibt monstrer la perfection de vertu, gardons sur nos vies que l'honneur de la deffence du pas que nous tenons ne perdions en peu d'heure, qui tout le iour auons emporté le pris de l'assault, & que le fruict de nos labeurs ne soit perdu par default de le garder. Mieulx vault mourir icy à honneur foubs l'escu de vertu, que viure à reproche foubs ombre de lascheté. Ne foyons pour trauail arrecrus. Car pour nous foulager le secours nous est prest. A ces mots chascun reprit vigueur, & couraige. Là estoit Pierre de Bayard, comme j'ay dict, qui n'entendoit qu'à fraper au desesperé. Aussi y estoyét Gilbert de Chaulx, Sieur du dict lieu, Ican de Montieulx, Seigneur de

Contract Contract

Tary,

Brand

deBo

aucc

Arch

pres,

TORS

l'aire

desc

Lou

char

tant

& c

cou

Fr

V

C

Tary, Arnaud de Barbiane, Neapolitain, Louys de 1502. Brandon, & peu d'autres, lesquels pour mourir ne reculerent l'issue de la porte. Durant ce bruit, le Capitaine Louys de Sain & Bonnet, & Messire Pierre de Bellefourriere, & Lucle Groing, qui les amenoir, auec fix vingt-dix hommes d'armes, & deux cent Archers arriverent, & eulx estans à deux jects d'arc pres, commencerent à sonner les trompetes & clairons si hault, qu'il sembloit autour de Beseilles que l'air esclatast, & tant alloient tost, que la poussière des cheuaux obscurcissoit le temps. Le Capitaine Louys Dars, qui plus de fix heures auoit foustenu la charge du combat des Espaignols auec ses gens & tant que de Canose, dont y auoit plus de six milles & de Rouure auoit cependant donné loifir au fecours de venir là, sçaichant approcher le renfort des François, reprit vigoureule force, asseuré vouloir, & vertueux couraige, & à force de coups immoderez commencea à outrer les ennemis, & sur eulx gaigner place. Lefquels oyans le bruit du renfort, & pressez du dict Louys Dars,& de ses gens, se voulurent retirer vers le chasteau. Mais ainfi qu'ils faifoient leur retraicte, Louys de Sainct Bonnet, & Messire Pierre de Bellefourriere, auec grosse route de gens d'armes François entrerent en la Ville, & tant hasterent leur train, que entre la marine & le chasteau coupperent le chemin aux Espaignols, lesquels se vouloient mettre en mer; & la sur eulx fut faict tel chapplis, que plus de trois cent d'iceulx furent desgoillez. Les autres, qui pouvoient estre deux

1502. cent, ou peu moins, gaingnerent le chasteau: dedans lequel yn peu de temps deuant ce auoient mis iceulx Espaignols en prison huict ou dix des Seigneurs & Marchans de la Ville, pource qu'ils tenoient aulcunement pour le Roy. Lesquels prisonniers ne veirent si tost les François maistres de la Ville, & les Espaignols deffaicts, que au plus hault d'vne groffe tour ne montaffent, en laquelle estoiét detenus, & de là commencerent à ruer grosses pierres du hault en bas sur ceulx du chasteau, en maniere que Espaignol qui là fust ne s'osoit monstrer qu'il ne feust-assommé. Ettant alla l'ouuraige auant, que le Capitaine Louys Dars feit soubdainement escheler & affaillir le chasteau, lequel fut pris d'affault, & tous les Espaignols qui estoyent dedans mis à l'espée. Cefaict, grosse garnison de François sut mise là dedans. Et apres ce, le dict Capitaine Louys Dars feit bailler force argent & bonne monture à plusieurshommes d'armes, & Archers François, qui de Canofe estoyent venus à ce besoing, ou auroyent par force de courir & trop se haster ,tuéleurs cheuaux, dont les aucuns estoient à pied. Dont sur aimé de chascun, comme requeroit le merite de ses loüables faicts. Apres toutes ces choses, chascun se retira à Canose, où estoit l'armée de France.

63

CHAPITRE XIV.

Comment les François deslogerent de Canose, & coururent le pays de la Poüille.



ARME E de France, qui à Canofe auoit demeuré trois iours, fut mife aux champs, pour gaigner pays, laquelle fut de Canofe à Coral tre, ter-

redu Comte de Ligny , estát assise en la plaine, & à cinq milles pres de la marine, qui peu de jours deuant ce auoit esté prise sur les Espaignols par le Capitaine Louys Dars. Et là sejournerent les François trois iours, pour aduiser à leur surplus. Et cefaisant eurent grand default d'eaues douces, pour les cheuaux, & tant que de foif cuiderent tous mourir. Et de faict pour ce destour leur conueint retourner vers Canofe. Si preindrent leur chemin droict à Barlete, où estoit Gonsales, & toute l'armée d'Espaigne, & approcherent la Ville si pres que les Espaignols les peurent veoir. Le Capitaine Gonsales feit mettre aux champs deux cent Genetaires escarmoucheurs, & entre les bouleuarts & barrieres de la Ville feit asseoir son artillerie, & tenit trois cent hommes d'armes en bataille la lance fur la cuisse, pour donner à la passée quelque venüe sur les François, l'ils voyoient leur aduantaige de cefaire, ou pour au besoing recueillir leurs coureurs, si par

1502. force estoyent chassez. Les Capitaines François, qui en approchant veirent la maniere des ennemis, se ferrerent,& eurent confeil fur ce qu'il estoit de faire, & feut ordonné leur donner vne escarmouche, pour veoir leur effort. Et pour ce le Duc de Nemours appella vn François, Seigneur de Saincte Colombe, auquel bailla quatre vingt cheuaux legers, pour aller charger fur les coureurs de Barlete, en luy disant que trop ne se meist auant sans propos. Carpour souvent trop advancer folle hardiesse honteule perte l'en ensuit. Mais à ce pourueut cestuy de Saincte Colombe, Cartres-hardiment donna sur les ennemis, & à temps se retira commesaige. Carauec ses gens les approcha vis à vis, & point ne l'oublia de prier les siens que si pour honneur feirent oncques chose que à celle fois le monstrassent, & que temps en estoit. Là meirent les François leurs cheuaux au cours, & tous ensemble s'entremesserent auec les Genetaires d'Espaigne, lesquels estoyent deux cent, ou plus: & bien à point l'entrebatirent, & tant, que à plusieurs courses & recharges les François armez à l'aduantaige meirent les Espaignols en fuite, & les suivirent iusques contre leurs barrieres, le glaiue au dos. Le Duc de Nemours qui tout ce voyoit, doubtant que par embusches, ou renfort d'ennemis, ou par trop aller auant ses coureurs n'eussent du pis, pour obuier à ce, leur transmeit yn nommé Hieronime Payonnet, seruiteur du Sire d'Aubigny, pour leur dire qu'ils se retirassent , lesquels pour ce ne laisferent à charger les Genetaires, mais iusques dedans leur

homm carm paigr carm carm

leur fo

outre de B: Cani quilchar Cap fes I

Sir pic ch a ROY DE FRANCE. 65 leur fort les chassernt, où surent recueillis par les 1502. hommes d'armes Espaignols, qui là estoyent, sans ce que nul d'eulx feist semblant de vouloir sortir de leurs barrieres. Parquoy s'en retournerent iceulx coureurs François à leur armée, laquelle durant l'escarmouche passoir deuant la Ville à la veile des Es-

carmouche passoit deuant la Ville à la veue des Espaignols en bon ordre, & bataille rangée, & tira outre iusques au pont de Canne, trois milles loing de Barlete. L'armé de France estant à celuy pont de Canne, eust à secours trois mille Suisses, que le Roy qui lors estoit en Lombardie, luy transmeit, soubs la charge de deux Capitaines des leurs, l'vn nommé le Capitaine Ambrois, & l'autre Ance. Les dicts Suisses furent par le Viceroy baillez soubs la main du Sire d'Aubigny: lequel estoit ducteur des gens de pied,& d'vne partie de ceulx de cheual.Pour rafraifchir iceulx Suisses, qui las estoient du bransle de la mer, dont estoient venus de Gennes iusques là, & aussi pour veoir au demeurant du faict de la guerre, quatre iours furent là les François & les Suisses en repos. Et cependant aucuns d'iceulx Suisses nouueaux venus eurent enuie de prendre l'air, & veirent que les raisins estoyent desia bons. Car en celuy pays, à la Sainct Iean, ou tost apres sont meurs. Et ainsi pour la nouvelleté soixante d'iceulx sans le congé de leur Capitaine, meirent leurs picques au col, & preindrent les champs entre le camp des François, & Barlete, où estoyent les Espaignols. Et là furent cercher leur proye, dont mal leur en prit. Carils furent apperceus par aucuns Genetaires cou-

1502., reurs, lesquels si tost qu'ils les aduiserent, leur courarent, & donnerent sur culx. Et comme ceulx, qui
fans guet par les vignes s'estoyent amusez à la vendange s'vn deçà, l'autre là, en desarroy furent tous
tucz, sans ce que s'vn tout seul en sceust rapporter
nouvelles à ceulx de leur camp, ne à leurs ennemis
porter dommaige que de la mort d'vn Generaire
seulement, qui depuis sut auec eulx trouué mort
soubs le cep de la vigne.

CHAPITRE XV.

Comment cent hommes d'armes Françoi & fept cent hommes de pied furent en Calabre, pour guerroyer aulcuns Espaignols qui là couroient le pays.

EDvc de Nemours, Viceroy, &les autres Capitaines furét là afgauantez que en la Calabre eftoyent defcendus grad nombre d'Elpaignols, qui pilloient & gaftoient le pays. Et

mesimement Emanuel de Benauide, Dom Huguesde Cardonne, & vn autre nommé Salazart, Capitaines Espaignols auec trois cent hommes d'armes, & onze cent pietons, lesquels par force occupoient partie de celle terre: Parquoy su aduisé que la seroit enuoyé quelque rensort de François, pour là gaigner pays, & rabatre l'esson des ennemis. Et pour ce y fur

Hur

ne f

ROY DE FRANCE.

v furent transmis Adrian de Brimeu, Seigneur de 15 0 2. Humbercourt, & le Seigneur de Grigny, à tout cent hommes d'armes, & Yues de Malherbe auec quatre cent hommes de pied, & d'autres iusques au nombre de sept cent, lesquels s'en allerent en Calabre, comme leur estoit enchargé. Du pont de Canne fut l'armée de France à Canose, & là furent difperfées les garnisons, & mises par les Villes & places du dict pays tout autour de Barlete, pour tenir les Espaignols quilà estoyent tousiours enserrez. Et furent les garnisons des François mises si pres l'yne de l'autre, que l'armée d'Espaigne n'eust si tost sceu assieger ou courir l'vne, que tout à l'heure l'autre ou toutes ensemble ne se feussent peu assembler, & donner secours. Les gens d'armes François, qui estoyent allez en la Calabre, ne furent si tost à chemin, que les Espaignols qui là estoyent ne fussent par espies de ce aduertis, dont se meirent tous en-Temble, & au deuant des François se trouverent bien ordonnez à l'entrée de la Calabre. Les François pareillement leur feirent barbe, & plusieurs cfcarmouches eurent les vns contre les autres ; & tant, que à la parfin se messerent. Tellement que les Espaignols, qui à plus du double estoyent contreles François, furent vainqueurs, & les deffeirent tellement, que le Seigneur de Grigny mourut fur le champ, en se defendant par tel effort que à ses ennemislaissa la victoire sanglante, & luctueuse, & luy perdit la vie transitoire, pour acquerir honneur immortel. A ceste defaicte Adrian d'Humbercourt,

1502. qui entre ses ennemis s'estoitlonguement combatu, apres son cheual mort entre ses iambes, & luy blessé en plusieurs lieux, fut pris, & mis à rançon. Plusieurs autres François furent occis, & blessez, & les autres se sauuerent comme ils peurent, & se rassemblerent derechef, pour eulx garentir : Et ce faict; aduertirent le Viceroy de leur affaire, & comment sans secours ne pouuoient là encourir que dommaige, & deshonneur acquerir. Sur quoy futtenu conseil entre les Chess François, & par eulx dict, que Messire Berault Stuart, Seigneur d'Aubigny, auec cent hommes d'armes, & quelques gens de pied feroit le voyage, lequel fut tantost prest pour y vouloir aller. Toutesfois au partir entre le Duc de Nemours & luy y eur different, par le moyen d'aucun de ceulx du Viceroy, difans que celuy voyage feroit de tel aduantaige, que en la Calabre ce seroit le profict du gaing, & en la Poüille la peine du labour. Dont le Viceroy fe disposa de se mettre en pays. Ce qu'il feit auec cent hommes d'armes, & peu d'autres, sans artillerie, & tant feit, que en allant trouua quelques Villes rebelles à luy lesquelles voulut assieger, & prendre: mais mal accompaigné se trouua pour ce faire. Aussi n'auoit-il artillerie, ne gens à suffire pour tenir siege, ne donner assaults. Ainsi s'ennuya sur ce desault, & pensaque plus conuenable chose estoit à luy de se tenir auec l'armée, dont il estoit Chef, ou aupres d'icelle, pour garder honneux, que iceluy comme conuoiteux d'auoir esloigner: pour autre part cercher profict incertain. Ce qui le ROY DE FRANCE.

Meit auretour, & f'en alla à Canofe, honteux de fon 1 052.

improuueüe entreprife, & malcontent d'auoir vfé
de volonté au lieu de raifon à la remonstrance de
tel qui debuoitestre peu oüy surce, & moins obey.

Quoy que ce soit, au Sire d'Aubigny manda qu'il
allast au dict voyage de Calabre, comme parauant
auoitesté appointé. Ce qu'il feit volontiers, & preit
cent hommes d'armes Éscossois des siens, & six
cent hommes de pied, & ainsi auec sesgens s'en alla
en Calabre, où feit comme cy apres sera dict.

CHAPITRE XVI.

Comment le Roy estant lors à Ast, eut par deuers luy plusieurs Princes & Seigneurs d'Italie. Et d'aucunes plainties à luy faites du Duc de Valentinou, qui lors auoit faitt à Rome grosse armée.

E R o y estant en sa Ville d'Ast, comme dessitus a esté dict, deuers luy furentle Duc Hercules de Ferrare, le Duc d'Vrbin, Romain, le Marquis Francisque de Gonzague, Marquis de Mantoüe, Louys, Marquis de Salusses, Antoine, Marquis de Montserrat, les Ambassadeurs du Roy des Romains, ceulx de Venise, & de Florence, de Boulongne, de Pise, de Gennes, & plu-

I iij

1502. fieurs Prelats, & Seigneurs des Villes, Seigneuries, & Communaultez d'Italie. Desquels les vns veindrent la pour offrir seruice au Roy, & luy faire obeissance, les autres pour auoir amitié auec luy, & alliance confederée, les autres, pour avoir de luy quelque charge, ou pension, & les autres, pour se plaindre à luy du Duc Cesar Borgia, Duc de Valentinois, lequel estoit lors forty de Rome, auec grosse gendarmerie, & affailloit leurs places, & couroit leur pays, & prenoit à toutes mains ce que par force pouvoit conquester, & rauir. Et entre autres se plaignit de luy le Duc d'Vrbin, disant que à faulses enseignes & faignant faire la guerre par l'adueu & vouloir du Roy, auoit emprunté l'artillerie de celuy Duc d'Vrbin, & que apres ce de sa mesme artillerie auoit battu & pris ses places, lesquelles il tenoit par force, & occupoit sans autre droict y auoir, de quoy demandoit celuy Duc d'Vrbin auoir restitution, & requeroit au Roy que en son affaire luy pleust donner ayde, & secours: veu que pour luy cuider faire seruice, & plaisir auoit perduses dictes places, & aussi que son plaisir fust mander au Duc de Valentinois, que entre ses mains remeist les dictes places, comme raison le vouloit. Aussi feirent plainte au Roy les Ambassadeurs de Florence, & dirent que celuy Duc de Valentinois auoit parforce pris & pillé plusieurs Villes, & chafleaux deleur Seigneurie, & que sansiuste querelle guerroyoit les Florentins, lesquels pareillement demandoient contre luy secours au Roy comme ses seruiteurs, amis, & confederez. La Seigneurie de

www.m.Caugle

Boulo

nois r

rolen

bósa

de M

de ce

çoitt

& fa

82

lan e

ma

du

qc.

fu

lu

n

ROY DE FRANCE. 71

Boulongne disoit aussi que à main hostile, & sans 15 0 z. autre droict couroit sesterres, & faisoit aux Boulonnois mortelle guerre, & durs affaults, dont requeroient aussi au Roy comme ses humbles subjects & bos alliez auoir ayde. Le Duc de Ferrare, le Marquis de Mantoue, & tout plain d'autres seiret leur plainte de celuy Duc de Valentinois, & dirent qu'il exercoit toutes cruaultez, tyrannies, forces, & violences. & faifoit toutes les inhumanitez dont il se pouvoit aduiser. Et que si le Roy ne mectoit sur ce briefue prouision, queles Seigneuries d'Italie ses subjectes & alliées, voire les pays melmes de Naples & de Milan en pourroient encourir ennuy, perte, & dommaige. Ce qui totalement seroit au desaduantaige du Roy, & au rabais de la loüable reputation des Françoissyeu que le Roy mesme, & son armée estát de là les monts, celuy Duc de Valentinois ofoit prefumer de guerroyer les alliez, & amis, & faire pres de luy hostile assemblée; & telle que de plus de vingt mille hommes estoit renforcée, & tous les iours multiplioit d'effort. Et ja estoit celuy Tyran tant boursoussé d'orgueil, que en armes ne cuidoit à luy premier ne second. Et pour monter au sommet de presomption en son estandart feit attacher en grosse lettre d'or son tiltre, disant Casar aut nihil. Ce qui se pouuoit imaginer ou entendre que à l'exemple du preux Cesar subjugueroit le monde, ou par la main d'aduerse fortune mourroit à la poursuite. Quoy que ce soit, oyant le Roy le cry des plaintes, & rapport des violences que chascun faisoit d'iceluy,

1502. luy transmeit la poste. Et ayant veu les lettres du Roy, par lesquelles il luy mandoit qu'il cessast de plus guerroyer ses amis, & alliez, & que s'il auoit sur eulx faict furprise, que sans plus le luy faire dire rendist le malacquis, & aussi qu'il luy mandast à l'occasion de quoy il auoit missussi grosse armée. Par la mesme poste il luy feit response, disant que au regard de luy n'entendoit faire chose qui feust contre ion vouloir, & qu'il estoit son tres-humble & tresobeissant seruiteur, & au surplus toutes les Villes, places, & pays, qu'il auoit pris, quand il luy plairoit les mectroit entre fes mains. Et la cause pourquoy il les auoit prises estoit pour les remettre en l'obeissance du Pape, lesquelles estoyent tenües de luy à foy & hommaige, ce que n'auoient voulu faire ceulx qui les tenoient, ny recongnoistre leur souuerain Seigneur. Et quant estoit de son armée, pour autre chose ne l'auoit faicte, que pour au besoin l'exploicter au seruice du Pape, & l'employer aux affaires du Roy. Plusieurs autres excuses & raisons meit en fes lettres, lesquelles le Roy leut, & aduisa d'vn mot à autre, & icelles monstra à ceulx qui deluy se plaignoient. Lesquels prierent le Roy derechef qu'il ne laissaft ainsi molester les siens, & que si quelque hommaige & temporele recongnoissance à cause des dictes places surprises estoyent deues au Sainct Pere le Pape, que tout au vouloir & plaisir du Roy en feroient la raison. Et sur ce leur promeit le Roy de les rendre contents. Toutesfois execution de guerre faisoit tousiours le Duc de Valentinois, & en. prenoit ROY DE FRANCE.

prenoitoù en pouvoit trouver. Dont le Roy feut 1502. deliberé luy enuoyer au deuant grosse armée pour scauoir qu'il vouloit dire, & luy rabatre ses coups, & fur celle disposition demeura la chose pour yn temps.

LE Roy fut lors aduerty comme au Royaume de Naples estoit la guerre exercée entre les François & les Espaignols, & ascauanté de tout ce qui là auoit esté faict. Parquoy commanda aux Espaignols de vuider de la Cour, mesmement à l'Ambassadeur du Roy d'Espaigne, nommé Messire Graille, lequel auec tous ses gens feut sommé de desamparer les terres du Roy, & ce dedans vingt-quatre heures. Dont en mesme heure partit auec tous ses Espai-

gnols, & preit pays vers fon quartier.

PAR les Geneuois furent lors enuoyez à Ast Messire Philippes de Rauestain Gouuerneur de Gennes pour le Roy, Messire Iean Louys de Flisco, Comte de Lauaigne, & plusieurs autres, pour prier le Roy qu'il luy pleust aller veoir & visiter sa Cité de Gennes, & luy dire que les subjects, les Seigneurs & le peuple de la Ville sur toutes choses le desiroient veoir, & luy faire seruice, & le bien traicter. A la priere desquels promeit que de Lombardie ne s'en iroit que premier ne les cust veus, & visitez. De quoy furent moult ioyeux, & tres-humblement l'en remercierent.

CHAPITRE XVII.

Comment wne maison fut brussée à Ast, durant que le Roy y estoit, & luy mesme fut au bruit accompaigné de tous ses gens.

> N LA Ville d'Ast auoit lors tant de François Lombars, & Italiens, & autres estrangers, que la dicte Villequi estoit bié logée, & moult spatieuse, ne pouvoir suffire pour tout mettre à couvert la nuics, ny

le iour. Or adueint vn de ces iours, ainsi que le Roy sust et de lable, par desaut de mettre de l'eaile en son vin, s'endormit en salicitiere, s'anssoussier sa chandele, & là se preit à ronsier, & la chandele à bruster, tellement que à la cheute ou ne sçay comment les shammesches s'espandirent par la paille, & le seu courue partour, & tant, que s'oubdainement toute la maison sur ensemment en de la ville, comme en semblable cas on a de coustume, & ce sur sur les conces de nuict, que chascun est content à ruste le maison sur de coustume, & ce sur sur les onze heures de nuict, que chascun estoit à repos. Les cloches sonne en temblable cas on a de coustume, & ce sur sur les onze heures de nuict, que chascun estoit à repos. Les cloches sonnerent de toutes parts, comme en maniere de Tocssin, dont plus de vingt mille hommes de la Ville, aus on du s'eus sur ent sur est suis se.

à tout grands cris coururent où estoit le feu. Le Roy, 1502. qui lors estoit couché en son lict, oyant le son des cloches, & le bruit du peuple, tout hastiuement se meit en pieds, habillé legerement, & la hache au poing, & auec vn Varlet de chambre fortit en la cour de son logis, où là trouua son guet tout debout, & ainsi se meiten rue, pour aller où estoit le bruit. Qui eust là veu les Gentils-hommes, & Pensionnaires du Roy, les Archers de la garde, les Alemans, & tous les François qui là estoyent sortir en place, les vns armez la hache en main, les autres en pourpoint, la halebarde ou la picque au poing, c'estoit assez pour dire ou penser que en la Ville y auoit quelque hutin. Car en moins d'yn quart d'heure deuant & autour du logis du Roy furent plus de six mille François en armes, & és rües plus de douze cent torches allumées. Et ainfi marcha le Roy le long d'vne rue, qui duroit plus d'vn ject d'arc de longueur, & le Comtede Ligny, le Seigneur de Rauestain, le Sire de la Trimouille, le Mareschal de Gié, & les autres Seigneurs de France, qui là estoyent à Ast, se trouuerent tous autour de luy. Dont il fut pour l'heure si bien accompaigné, que tout le long de la rüe où il estoit n'apparoissoit que haches, picques, & halebardes. Ainfi se tenoit le Roy saisy de ses armes, & aussi le cas le requeroit assez, veu le son tumultuaire, l'heure intempestiue, la multitude desestrangers,& la seureté non fiable du pays, qui là à chascun estoit en veiie. Et en ce point s'en alla le Royiusques au lieu où estoit le bruit, comme celuy qui hardiment

1502. Se youloit trouuer où besoing estoit. Et lors qu'il veit que c'estoit à cause du seu, commanda à chascun que la main sust mise à cest affaire. Dont tant de gens y besongnerent, que la maison seutrant ost brisée, & le seu estein ct. Puis le Roy se retira à son logis, & chascun s'en alla reposer.

Le Cardinal d'Amboife effoit en cetemps à Aft griefuement attainct de fiebure continüe, qui lors auoit le cours de par delà, lequel fut par les Medecins du Roy veu à toutes heures, & fouuent par luy mefme vilité, & faict foigneusement penser: tellement que en peu de temps fut sainement guairy, lequel pour changer l'air sen alla à Lumel, Comté pres Viegue, que le Roy luy auoit autresfoisdonné. Et là sejourna, attendant le Roy aller à Milan, tousiours vacant à la dépesche des Ambassades, & aux autres affaires suruenans.

Tuillet.

L & dix-neufielme iour du mois de Iuillet, le Roy partit d'Aft, pour l'en aller à Milan, & furceluy iour coucher à Feiiffant, Ville du Marquifat de Montferrat, à huict milles pres d'Aft, le lendemain à Valence, terre de Milan, puis à Vigeue où fut l'espace de fixiours de Vigeue à Biagras, petite Ville à quatorze milles pres de Milan, affic fur yn petiteleuue progeniels en la progeniel.

ce, terre de Milan, puis à Vigeue où fut l'espace de fixiours de Vigeue à Biagras, petite Ville à quatorze milles presde Milan, assissée propertie ver le le avent de la riuiere du Testin, lequel se que tracte de la riuiere du Testin, lequel se une victoriet à la ligne de Biagras à Milan, & est faict artificieus emme, pour aller par batteaux d'une Ville à l'autre, aux deux lez duquel sontes grands aulbiers feuillus, pour donner ombraige aux passans, & des deux costez la belle & grande prairie verdoyante,

plaine

ranse.

lesbel

ries:

aller

bord

blon

poil

me

fon

tant

terr

gra

m

tin

plaine d'arbresfruictiers, & de petits ruisseaux cou- 1 0 5 2. rans en plusieurs endroicts. Sur le bord de l'eüe sont les belles maifons de plaifance, & les groffes hofteleries: & autrauers de celuy fleuue les ponts leuis pour aller d'yn costé à l'autre; & entre les aulbiers, & le bord de l'eaue aux deux costez sont les chemins sablonneux faicts expres pour passerles gens de cheual, & de pied. Et là dedans le pesche force menu poisson, & melmement escreuisses sansnombre. Et me dit-on là mesmes que le Seigneur Ludouic pour son plaisir auoit ainsi approprié le lieu, lequel est tant agreable, & plaifant, que il femble yn paradis terrestre. Par là sur batteaux s'en alla le Roy de Biagras à Milan, où il arriua le vingt-huictiesme iour du mois de Iuillet, sur le poinct de huict heures du matin. Au deuant de luy furent les Seigneurs & Potestats de la Ville, auec plus de mille cheuaux Lombards, lesquels l'accompaignerent iusques à l'entrée du chasteau, où s'en alla descendre. Et à sa venue feirent les Capitaines de la place descharger & tirer plus de cent coups d'artillerie, & icelle bruire par dessus la Ville. Là dedans les trompetes, clairons, & tambours de Suisses retentissoient, si que on n'eust pas ouy tempester. Au deuant du Roy marchoient les deux cent Gentils-hommes de sa Maison, tous à cheual, la hache au poing, desquels estoyent les Capitaines le Vidasme de Chartres, & Messire Guyon d'Amboife. Puis alloient les cent Suisses de la garde, lesquels cheminoient tous en flote, la picque au col, foubs la códuicte de Messire Guillaume de la Mar-

1502, che, leur Capitaine. En apres les vingt-quatre Archers du corps, lesquels estoyent tous Escossois. Le Roy alloit apres, môté sur vn coursier bayart, & vestu d'vne robe de drap d'or, & auec vn bonnet de velours noir à deux rebras sur son chef. Auecluy & tout ioignantestoyentle Cardinal d'Amboise & le Cardinal de Triuulce. Et apres estoyent le Duc de Ferrare, le Comte de Ligny, le Seigneur de Rauestain, le Seigneur de la Trimouille, le Marquis de Mantoue, le Marquis de Saluces, le Marquis de Montferrat, le Mareschal de Gié, le Seigneur Iean Iacques, le Seigneur de Chaumont, & plusieurs autres grands Seigneurs. Apres estoyentles quatre cent Archers de la garde, tous à cheual, & en armes; Et à leur queüe plus de douze cent Lombards à cheual, moult richement accoustrez. En cest estat entra le Roy dedans son fort chasteau de Milan. Les mortespayes de la place, qui en nombre estoyent cent cinquante hommes d'armes, & trois cent Archers, furent là tous en armes, c'est à sçauoir les hommes d'armes armez à blanc, & tous la hache au poing; & les Archers en brigandines, la falade fur la teste, & l'arc tendu. Et estoyent tous à pied, & à deux rangs, en moult bel ordre, depuis l'entrée du pont du chasteau iusques deuant la porte de la salle du Roy : Ce qui duroit presque vn ject d'arc de chemin, entre lesquels passa le Roy, auec ses Gentils-hommes, & toutesa garde. Et puis entra en la salle pour reposer.

DEDANS la Ville de Milan demeura le Roy l'espace de onze iours, & là feit droict à chascun, & ROY DE FRANCE. 79

les contenta tous, en maniere que tout son pays de 1502. Lombardie foubs fa main fut en tranquille repos, & vnion paisible. De Rome veindrent lors vers le Roy les Cardinaulx Petri ad vincula, Sainct George, Sainct Seuerin, Euesque de Maillezais en Poictou, le Cardinal Vrfin , le Cardinal d'Albret , & grand nombre d'Archeuesques, Euesques, Abbez, & Protonotaires, lesquels luy feirent offre de le seruir à Rome à leur possible de tout ce que mestier seroit. Et pource quele Pape Alexandre Sixiesme estoit lors perclus, & mal de sa personne, dirent iceulx Cardinaulx au Roy que s'il venoit tost à mourir que la main tiendroient tous pour quelque Cardinal qu'il voudroit estre Pape. Et est à penser que si le cas fust lors aduenu, que Maistre George Cardinal d'Amboise estoit en voye d'en auoir les cless Apostoliques pendues à sa ceinture.

Pò v a dire plus, en ces iours le Roy eut derechef force plaintes des excez que par armes faifoir le Duc de Valentinois, nonobstant la desence que autressois luy en auoit faiste. Dont seit marcher en auant sept cent hommes d'armes, & meis sus situs six milles Suisses. Auce ce seit mettre au charroy dix-sept pieces de son artillerie prises dedans le chastleau de Milan, c'est à sçauoir deux gros canons, quatre couleurines, & onze faulcons. Et les feit mener à Turin en Piedmont, pour illec les faire mettre sur la riuiere du Pau, & les conduire par eatie iusques à Parme, de quelle artillerie estoit condusseur vn nommé Guillaume Legier, Preuost d'icelle. Etauoirt le Roy Guillaume Legier, Preuost d'icelle. Etauoirt le Roy

1502. fai& Chef d'icelle armée le Sire de la Trimoüille,lequel estoit ja prest de partir pour aller mettre les gens-d'armes en besongne, lesquels auoient marché iusques à Parme, & à Plaisance, pour aller au secours de la Seigneurie de Florence, confederée du Roy contre celuy Duc de Valentinois, qui à tous efforts assailloit les Florentins, & couroit leurs terres. Tantost qu'il sceut que l'armée des François estoit sur les champs contre luy, & qu'elle marchoit, il ne voulut attendre sa venue, mais feit tenir ses gens d'armes cois sans plus guerroyer, & dit à ses Capitaines que nul bruit pour lors ne feissent: & qu'il s'en alloit deuers le Roy, pour aulcuns de ses affaires, & que iusques à ce que ils oüissent de ses nouuelles, que homme dessiens ne desemparast son camp, qui lors estoit dedans les terres de Florence. Et ce dict, auec trois hommes seulement se meit en poste, & courut deuers le Roy à Milan , où illec arriua le sixiesme iour d'Aoust, sur les neuf heures de nuict, où trouua le Roy en la rue, qui à la clairté des torches, auec toute sa garde, & plusieurs des Seigneurs de France, venoit d'vne des maisons de la Ville, & s'en alloit au chasteau. Et je qui lors estoyelogé en ceste mesme rue ainsi que le bruit des cheuaux se faisoit, sortis pour les veoir passer, où je choisis entre les autres aupres du Roy le Duc de Valétinois, qui encores estoit monté sur le cheual de poste, & estoit iceluy vestu d'une robe de veloux noir, troussée à la Turque, & toute pouldreuse, sur la teste vn chapeau d'Aseman, & en cet estatfeit la reuerence au Roy, & le suiuit iufques

ROY DE FRANCE. iusques deuant la porte du chasteau, en parlant de 1502. plusieurs choses. Là estoyent le Marquis de Mantoue, le Duc d'Vrbin, & force autres qui le hayoient de mort. Pourquoy se doubtant de faulse compaignée, requit au Roy qu'il luy pleust bailler seure conduite. Dont luy bailla cent deses Alemans, qui la halebarde au poing le menerent iufques à fon logis. Le lendemain le Roy fut ouyr Messe en l'Eglise de Sainct Estienne de Milan, où autre fois vn Duc de Milan, nommé le Duc Marie fut tué par vn des Seigneurs de la Ville, pource que la femme d'iceluy Milanois entretenoit à son plaisir, ainsi que me dirent plusieurs. Quoy que ce soit, le Roy apres la Messe ouye, fut disner chez le Cardinal de Come, qui tres-honnorablement le festoya de viandes exquifes, & de plusieurs sortes de entremets, auec bons vins. Et après difner tranfmeit querir le Duc de Valentinois, lequel n'estoit encores issu de la chambre, mais l'estoit reposé iusques entour le midy, comme celuy qui las eltoit de courir la poste, toutesfois si tost qu'il sceut que le Roy le mandoit, se hasta de Phabiller, & puisse meit à chemin pour aller où luy estoitmandé. Et luy arriué au logis du Roy, apres la reuerence faicte, difina là. Et apres ce le Roy eut auec 🎤 luy plusieurs propos, & diuerses paroles, en luy demandant pourquoy il auoit faict armée, & couru les pays de ses subjects, & alliez; dont aucuns estoy ét là presens : lesquels persistoient tousiours en leurs

plaintes contre celuy Duc de Valentinois. Lequel l'excusa en la maniere que au Roy en auoit escript.

1502. difant, que les terres desquelles par force l'estoit emparé estoyent tenües du Sainct Siege, & que par default de debuoir non faict comme Gonfanonnier de l'Eglife, & parle commandement du Pape les auoit prises, & remises en la main & obeissance du Sain ct Pere le Pape, comme chose à luy appartenant par droict proprietaire. Plusieurs autres choses sur ce propos furent d'vn costé & d'aultre alleguées, & debatües, lesquelles oyant le Roy, voulant chascun contenter à son pouvoir, ordonna que sur ce fust veu à la raison, iustement appointé, & à tous faict bon droict. Ainsi les foulez à tort eurent esperance de recouurer le leur, les paisibles possesseurs fauuegarde de seureté, & les violans vsurpateurs defence d'vser de force. De là en auant le Duc de Valentinois se mainteint si à point deuers le Roy, que à la parfin eut tres-bonne chere, & tant prochain se trouua pour l'heure de son heur, que le Roy n'alloit nulle part que pres de luy ne fust. Et s'il aduenoit que en cheuauchant le Roy meist pied à terre, (ainfi que j'ay veu maintesfois,) celuy Duc de Valentinois au lieu de l'Escuyer, ou du lacquais au deualer & au monter tenoit l'estrier, ou la bride de sa mulle, ou de son cheual. Et ainsi faisoit du bon varlet le Compaignon.

A PRES que le Roy eur mis ordonnée police, & veu à clair en tous les affaires du Duché de Milan, d'illec partir pour aller à Pauie. Et le huictiefme outt. iour du mois d'Aoult, le meit à chemin, pour aller ce iour au giste à vnlieu nommé Binasque, estant à

my-chemin de Milan, & de Pauie, fur le grand che- 15 0 2. min. Et la sont les belles grandes hosteleries, tresbien logées, & en moult beau lieu fur la petite riuiere courante, plaine de poissons & escreuisses. Et la coucha le Roy ceste nuict, puis le lendemain s'en alla à Pauie, & preit son logis au chasteau, qui est vne moult belle place,& forte,& là est le grand parc tout plain de bestes fauues. Et au dehors & pres de là est la Chartreuse, qui est vn des plus excellens, & somptueux Colleges de toute la Chrestienté. Dedans la Cité de Pauie est enclose la florissante Vniuersité de toute l'Italie, en laquelle est l'exercice de toutes Sciences à portes ouuertes. Là repose le glorieux corps de Sain & Augustin, & Sain & Seuerin, dict Boece, lequel fut martyrisé par le Roy Theodoric, Roy des Gots, Arrian. Plusieurs autres choses dignes de commemoration font à Pauie, comme les belles & riches Librairies de plusieurs Ducs de Milan, les grandes & somptueules Eglises, & vn millier d'autres choses dont le me tals, pour dire que le Roy pour vn temps preint là ioyeux sejour.

L'a dix-feptielme iour du dict mois d'Aoust, trois Aoust. Docteurs de l'Université de Pauie furent au soupper du Roy, & là luy feirent chascuns a Harangue en Latin, demandans que son bon vouloir & plaisir feust que les Colleges & Escholes de celle Université feussen par luy entretenües, & augmentées, comme du temps des autres Ducs de Milan auoyét esté, à celle sin que la fontaine de Science, qui de par là à tout le monde espandoir se stuisse autre suisse au treust

Lij

par default de entretenement misea sec, & estan? chée. Aufquels Docteurs feit le Roy faire response par vn François nommé Maistre Iean Poncher, Seigneur en Parlement à Paris, & Chancellier de Milan, lequel leur respondit pour le Roy en tres-bon & Rhetoric Latin iouxte le vouloir du Roy, & l'intention de leur demande, dont apres ce l'en allerent iceulx Docteurs tres-contents.

LE dixiesme iour de celuy mois d'Aoust, les Ambassadeurs des Suisses veindrent à Pauie deuers le Roy, lesquels furent enuoyez au Cardinal d'Amboife, qui lors estoit logé aupres du Roy dedans le chasteau, pour là ouir & despescher toutes choses. Lesquels Ambassadeurs baillerent leurs requestes par Articles, & feirentleur demande selonleur charge. Dontapres que par le Confeil fur ce fust arresté, despesche leur fut faicte, vne partie à leur plaisir, l'autre à l'ordonnance du Confeil, & le tout au vouloir du Roy.

LE dix-neufiesme iour du dict mois, le Roy fut

à la Messe en l'Eglise de nostre Dame, hors la Ville de Pauie, & là touschales malades des Escrouelles, dont il y en auoit deux cent, ou plus. Le lendemain fut pareillement ouir la Messe au College de Sain & François, aussi hors la Ville, où fut monstré le corps de Sain & Bernardin, Cordelier de l'Observance, lequel auoit esté nouvellement & depuis dix ans canonisé. Et estoit celuy Sainct corps en chair, & en os, comme ie le veis auec plusieurs, & enleué de terre enuiron trois pieds de hault dedans yne Chappel-

ROY DE FRANCE. le estant à l'entrée du Chœur sur la main dextre. Et 1502. là y eut grand presseà le regarder. Car le lieu estoit estroict, & la Chappelle petite. Toutesfois par l'ouuerture d'vnes grilles de fer, qui deuant le corps Sainct faifoient obstacle, chascun le regardoit tout à clair. Et pour ce que ce glorieux Sain et auoit en sa vie à tous monstré exemple de Saincteté, apres sa mort reluisoit par miracles.

CHAPITRE XVIII.

D'un combat à outrance faict par deux Lombars à Pauie en la presence du Roy.

N CEL v Y temps furent de par là deux Lombars nommez I'vn le Comte Marc Antoine de Gonzague,&l'autre Iean Pero Marc Antoine aussi de Gonzague, cousins germains du Marquis de Man-

toüe ; lesquels eurent querelle de combat ensemble fur ce que le dict Comte Marc Antoine de Gonzague disoit qu'iceluy Iean Pero Marc Antoine luy auoit faulsement & mauluaisement menty sa foy, & faulfé promesse. Et en oultre disoit que au Marquis de Mantoue estoit faulx traistre, & desloyal, & que tout ce vouloit maintenir & prouuer à la force de son corps contre le sien, & sur ceste querellele

combatte en champ de bataille. Au contraire disoit le dict Iean Pero Marc Antoine, qu'il n'en estoit rien, & que faulsement par la gorge auoit menty,& que de son pouvoir iusques à la mort se desendroit. Ét est à sçauoir que quelque téps deuant ce sur ceste querelle auoyent esté jectez & leuez gaiges de bataille: dont pour accomplir leurs armes deuant la venüe du Roy en auoient demandé congé au Seigneur de Chaumont, Lieutenant general pour le Roy en Lombardie, lequel les auoit remis à sa venue. Donc si tost qu'il fut delà les monts, les dicts quereleurs auecle dict Marquis de Mantoüe luy demanderent le champ, & congé de faire leur combat. Et ce dict, luy baillerent leurs Articles, lesquels furent parluy & son Confeil yeus & bien visitez. Et v eue leur querelle, qui touchoit foy faulfée & trahifon, leur octroya le champ de bataille, & voulut que le combat fust faict dedans le chasteau de Pauie, & là assigné au vingt-vngniesme iour d'Aoust. Ce qui futfaict. Leslices furent dresses, & faictes fix vingt pas en longueur, & de quatre vingt en largeur, & de cinq pieds de hault, dedans le dict chasteau de Pauie. Et vis à vis de l'entrée de la porte fut faicte vne des entrées des lices: & de l'autre costé vers le parc au droict de celle mesme entrée vne autre pour entrer au champ de bataille: & aux deux autres costez feurent tendus les deux pauillons des Champions, l'yn au droict de l'autre, deuers l'entrée du chasteau. Par desfus les lices furent faicts les eschaffaults, & la place du champ gratée partout, & semée de fable, ROY DE FRANCE. 87
pour mieux soustenir les cheuaux à ferme. Tout au- 1502.

tour du chasteau par le dedans au dessus des eschaffaults, y auoit des galeries regardans au bas, où pouuoit auoir lieu pour mettre sept ou huich mille perfonnes, qui de là pourroient veoir tout le combat. Et là estoyent logez le Cardinal d'Amboise, le Comte de Ligny, le Mareschal de Gié, le Seigneur de Chaumont, l'Euesque d'Alby, l'Euesque de Cisteron, Confesseur du Roy, & plusieurs aultres Seigneurs d'Eglise. Dont aulcuns d'eulx n'eurent point de peur pour iceluy combat que irregularité pour la mort des combateurs l'en enfuiuist, & pource ne se retirerent, mais regarderent les armes comme les autres. Pour rentrer doncques, grand nombre de Dames & de Damoiselles du Duché de Milan, & des pays prochains se trouuerét là pour veoir la bataille d'iceulx deux Lombars. Lesquels entrerent au chasteau au iour sus dict entre les dix & onze heures du matin, & f'en allerent à leurs pauillons, où furent menez leurs cheuaux, & portez leurs harnois. A costé dextre estoit le pauillon du Comte Iean Marc Antoine, appellant. Au senestre celuy de Iean Pero Marc Antoine, defendeur, où là furent armez, & montez, & leurs harnois & cheuaux veus & visitez. & leurs glaiues pareillement, affin que l'vn n'eust aduantaige plus que l'autre. Le Roy ordonna estre leurs parains & conducteurs fix Capitaines, desquels les trois premiers du Comte Iean Marc Antoine estoyet frácisque de Gonzague, Marquis de Mantoiie, Messire Brandelis de Champaigne, & le Capi-

1502. taine Montoison, Les autres trois parrains, & guides de Iean Pero Marc Antoine furet Messire Robinet de Fremefelles, Messire Antoine Marie Paluezin, & Bernard de Ricault. Les gardes & escoutes du champ furent Messire Guyon d'Amboise, Messire Iacques de Crussol, Messire Gabriel de Montfaucon, & le Capitaine Maunourry, lesquels furent deputez pour garder que nulapprochast les lices, & pour escouter si quelqu'yn parleroit ou feroit signe à l'yn des combateurs, pour en faire le rapport aux Iuges; & aussi pour escouter si l'vn des dicts Champions en combatant ou autrement, se rendroit, ou diroit fur ce quelque mot, & aussi pour iceulx departir, apres que le Roy auroit jecté le baston. A l'heure que les Champions furent prests pour debuoir combatre, vn Roy d'armes veint à cheual sur l'entrée des lices, & là feit de par le Roy trois cris, & cinq defences. Dont la premiere feut. Que nul durant le combat ne peust porter armes, ne glaiue quelconques, sur peine de perdre corps, & biens. Si n'est les gardes du champ, & autres qui de ce faire auoient commandement ou congé du Roy. La feconde defence feut. Quela bataille durant nul de quelque condition qu'il feuft la ne se trouuast à cheual , exceptez seulement les parrains, & conducteurs des combateurs, & gardes du champ. Et ce fur peine de perdreles cheuaux aux Gentils-hommes, & aux feruiteurs d'auoir l'oreille ostée. La tierce defence feut à tous de non entrer és lices, referuez ceulx qui pour ce seroient deputez, ny de monter dessus, sur peine de

ROY DE FRANCE. 89

de perdre corps, & biens. La quatriesme sut de non 1502. estre sur pieds, mais assis sur banc, ou à terre, affin que chascun peust veoir plus clairement les parties, & leur combat aduiser, & ce sur peine de perdre le poing. La cinquielme & derniere defence feut à tous de non parler, touflir, cracher, crier, faire figne, ou lemblat, quel qu'il feust, & ce sur peine de perdre corps & biens. Le Roy estoit lors en son eschaffault auec plufieurs Princes, & autres grands Seigneurs. Les luges estoyent Hercules, Duc de Ferrare, & Louys, Marquis de Saluces, lesquels estoyent dedans vn eschaffault pres de celuy du Roy, duquel pouuoient veoir tout à clair tous les coings & endroicts du champ, & sans empeschement aduiser tout l'exploict de la bataille. Les Dames, & Damoifelles qui là estoyent venües pour veoir celuy combat, auoient leur eschaffault presque ioignant celuy du Roy, où estoyent à grand nombre, & moult richement accoustrées, & parées de draps d'or, de foye, & de pierreries. Apres que iceulx Champions eurent faict les fermens fur ce requis, & toutes les ceremonies de gaige de bataille accomplies, iceux auec leurs conducteurs fortirent de leurs pauillons montez, & armez, & se meirent au champ, l'vn à l'entrée de la lice, & l'autre d'autre costé, la visiere baissée, & la lance sur la cuisse. Leurs pauillons furent à leur issue ruez par sus les lices, & les portes d'icelles fermées à grosses barres. Vn Roy d'armes sut lors pres de l'entrée des dictes lices, lequel cria par troisfois Laissez les aller, Laissez les aller, Laissez les

1502. aller faire leur debuoir. Et à chef de ce cry les trompetes & clairons commencerent à sonner Dedans, dedans, pour resueiller les Champions, & esmouuoir leurs cheuaux lesquels commencerent à bransler bien à poinct soubs la main de leurs maistres. Et ainsi donnerent les deux Champions des esperons, & adresserent l'vn à l'autre la lance baissée, courans de droict fil. Toutesfois quand ce veint au choquer ils croiserent, & passerent oultre sans attainte. Et là meirent lances à terre, & tirerent leurs estocs, defquels plusieurs coups se donnerent l'yn à l'autre. Mais si bien furent armez que la pointe de leurs glaiues ne fut point enrougie de lang, sin'est que le Comte Marc Antoine Appellant donna en combarant au cheual du Defendeur de l'estoc au trauers du col, dont issit grande force de sang : & tant que le cheual blessé se trouua moult affoibly, dont requift ceftuy Defendeur au Roy auoir autre monture. Ausli estoit-il dict entre eulx premier que entrer au champ que si le cheual de l'vn d'eulx, ou tous deux estoyent blessez au combat, que pour mettre à fin leurs armes, plus seurement se pourroient remonter. Dont le Roy voulut & ordonna que celuy Defendeur eust nouvelle monture. Et pour ce faire furent ouvertes les lices, & hors d'icelles fortit celuy Iean Pero Marc Antoine de Gonzague, & monta à cheual. Sur ce dire se peut que si le Roy n'eust à celuy Defendeur permis sortir hors des lices, que plus n'estoit receuable au combat, & que dedans les dictes lices ne debuoit plus entrer. Car fur ce en faict

ROY DE FRANCE.

de gaige de bataille est vne Loy ordonnée disant 1 0 52. que apres que les Champions sont entrez en champ de bataille, & les lices closes pour combatre, que nul d'eulx doibt sortir que le combat ne soit premier mis à chef. Et que s'il aduient à l'yn d'eulx en combatant ou aultrement, mettre par fus la lice ou ailleurs hors d'icelle pied, main, bras, glaiue, ou quelque partie de son corps, ou de son cheual, si l'autre requiert fur ce Iustice, le Roy, oules Iuges seronttemus faire coupper tout ce qui hors des dictes lices aura esté mis. Pour reuenir a mon propos, le Defendeur fut remonté, & rentré auxlices, & le combat recommencé de plus belle; tant que de leurs estocs coups à defrois se donnerent, & se chargerent par tout. Toutesfois leurs armes ne furent si cruelles, que par estoc ne tranchant de glaiue en sortist vne seule goute deleur fang. Le Roy voyant leur long combat, & le peu d'effect de leurs armes, leur transmeit Messire Pierre de Rohan, Mareschal de Gié, Messire Iean Iacques de Triuulce, Lombard, & Messire Charles d'Amboife, Grad-Maistre de France, pour leur dire que tres-bien l'estoyent acquitez, & que assez en auoyent faict pour debuoir cesser, & ausli qu'il vouloit que leurs armes n'allassent plus auant, & que de leur question ne fust plus de nouuelles, mais que de là en auant fussent bons & loyaux amis ensemble, comme doibuent estre parens qu'ils estoyet, & que en signe d'amitié ils l'entre-embrasfassent, & pardonnassent l'vn à l'autre en sa presence. Lesquels pour ce ne voulurent finir leurs armes,

1502. mais encores se combatirent aigrement, & rant, que le Roy quine vouloit la mort de nul, pour les faire cesser je da son baston à bas, dont surent par les gardes du champ incôtinent departis. Et eulx en la prefence du Roy & de tous ceulx qui là estoyent se pardonnerent, & embrasser ent mis hors du champ l'vn quand & l'autre, pour eulx aller desarmer. Ce qu'ils feirent, & chascun serveix aller desarmer. Ce qu'ils feirent, & chascun serveix aller de Pauie, où surent set son de pauie, où surent set son de pauie, où surent set soy et se Cheualiers, & Gentils-hommes, Dames, & Damois elles du pays, qui là furent pour veoir le dict combat. Aussi surent à ce dict Conuy les deux Champions assis l'un deuant l'autre, en signe d'amour reconciliée, & vnion passible.

LA Royne de Hongrie, qui sen alloit de Lombardie en son pays, comme j'ay dit, arriua lors à Padoüe, Ville de Saince Marc, à douze mille pres de Venise. Et à luy furent au deuant pour la receuoir vn Duc de Hongrie, nommé le Duc Laurent, & trois Euesques, auc bien douze cent cheu aux Hongrois. Et aufi pour plus honnorablement la receuillir veindrent par eaile de Venise tres-grand nombre de barques plaines de gens de feste, & solembre de barques plaines de gens de feste, & solembre de la Maison du Roy qui là est oyen rillec fai receile & traistéte aun haultement, que le racompter de ce deburoit donner merueilles aux oyans. Six sepmaines sur là en ioyeux sejour, où cependant par le Roy

ROY DE FRANCE. de Hongrie luy fut enuoyé vn collier d'or valant 15 02. vingt mille ducats, ou plus, anquel collier estoient attachés soixante douze perles orientales, dix sept riches pointes de diamants, & dix-sept rubis cabochons. Et elle voyant l'heure que partir luy failloit, pritauec elle sa tante la Marquise de Saluces, & les Gentils-hommes François, qui iufques là l'auoient accompaigné, & tout son train, & se meit en mer. Et apres auoir faict vne iournée, auec piteux regrets, &larmes espandües elle & sa tante preindrent congé l'une de l'autre. Et à son depart feit dons à mains ouuertes aux Gentils-hommes François qui là l'auoient conduicte, & plusieurs emmena auec elle iusques en Hongrie, ausquels promeit de les moult aduancer, & traicter à profict. Et ainsi s'en alla Madame Anne de Foix, & les François retournerent.

CHAPITRE XIX.

Comment le Roy partit de Pauie, pour aller à Gennes, auce le triomphe la fituation, & la force d'icelle, & la fomptueuse entrée du Roy.

O V L A N T le Roy acquiter s'a promesse enuers les Geneuois, & fen aller d'a Gennes , pour là sejourner quinze jours, stut deliberé de desloger de Pauic, pour aller là. Parquoy les Mareschaulx des logis,

15 02. & les Fourriers du Roy furent deuant, & là marquerentlogis pour vingt mille cheuaux, & feirent vuider aux Geneuois les haultes chambres de leurs maifons, pour là loger les gens du Roy. Et ce feirent, afin que iceulx Geneuois, qui autresfois auoyent par leurs haultes fenestres & du dessus de leurs maisons à coups de pierres & de barres de fer parmy les rües assommé tout plain de François, & autres qui là passoient, ne peussent par là leur iouer de pareil cas. Toutesfois vouloir n'en auoient, comme ils montrent depuis. Car toutes leurs haultes chambres, & basses boutiques, & lieux propices pour loger gens & cheuaux desempescherent, & pour la venue du Roy & deses gens feiret prouision de farines, chairs, vins, bois, & de toute autre prouision necessaire pour le sejour du Roy, & deson train. Auecce feirent là venir vingt mille charges d'auoine, & plus de trente mille quintaux de foin, outre la provision de la Ville. La grand' rue par où le Roy debuoit paffer feirent toute semer de sable, pour la seureté des cheuaux. Dedansle mole de la Ville estoyent groß fes carraques, nauires, & brigandins chargez d'artillerie,& de poudres à canon, pour faire merueilles,& tonner sur la mer, & saluer le Roy à son entrée. Et aussi estoyent dedans iceluy haure pour le Roy la grosse carraque nommée la Charante, la Cordeliere, la Louise, la Clermont, & plusieurs autres, toutes chargées de grosse artillerie, & dedans grand nombre de gens-darmes. Le chasteau qui sur la croupe d'vne haulte montaigne estoit à main senestre vers

ROY DE FRANCE. l'entrée de la tour de Codefa, & hors la Ville, droict 1502. vis à vis du mole, estoit fortifié de trois cet mortes payes François, pour le Roy, & moult bien artillée. Et en estoit lors Capitaine yn nómé Guyon le Roy, Seigneur de Chillou. Et pouuoit-on de là tirer & battre sur le haure, & le long de la mer autour de la Ville, si besoin en estoit. Entre le dict chasteau, & les nauires du Roy estoyent encloses les carraques & nauires de Gennes. Dedans le Palais de la Ville .lequel est assez fort, & situé au milieu de la Cité, estoit Messire Philippes de Rauestain, Gouverneur de Gennes pour le Roy, lequel auoit vn Lieutenant, nommé Guillaume Dais, & bonne garnison de François, & force artillerie, pour tenir la Ville d'icelle part en subjection. Et ainsi estoyent les gens du Roy maistres, à cause des forts lieux qu'ils tenoient. Ce qui estoit pour les François, qui là sans danger vouloient aller chose bien requise, & ioué au plus seur, si les Geneuois leur eussent voulu vser de force, ou de trahison.

S 1 du pouvoir & de la fituation de la dicte Ville de Gennes voulois faire entjere description, ceseroit par trop eslargir ma Chronique, & ennuyer lesefecourans. Toutes fois selon commune voix, & cry public, & aussi i soutre ce que j'en ay peu veoir, & congnoistre, la Ville de Gennes est en force l'vne des plus aduantaigeuses du monde. Et pour en faire que que brief recit, Elle est afsisée entre la grand' mer de leuant, & les monts inacces sibes de Lombardie, desquels monts elle est enclose en maniere de demy

roulte deffus & ch aussi res d font

Ville

 n_{JU}

me,

celu

fon

fte:

ia

q

S

1502. cercleiufques au bord de la mer des deux costez, re? ferué seulement deux entrées entre la mer, & la montaigne. Les dictes entrées sont faictes artificicusement en roc encis, & contre le bord de la mer, pour passer à la fois yn charroy, ou deux hommes à cheual de front; dont l'yne de ces entrées est du costé de deçà, & comméce à l'issue d'vn bourg nommé Sainct Pierre d'Areine, en montant jusques au droict d'yne haulte tour assise sur vn roc en mer. Et est ceste tour nommée la tour de Codefa, & est loing du dict bourg d'Areine d'vn grand ject d'arc, ou peu plus, au sommet de laquelle est vne grande lanterne de voire, pour esclairer la nuich, & donner lumiere d'adresse en mer aux nauires, qui veulent approcher de Gennes, & aussi pour defendre l'entrée d'iceluy costé. De ceste tour de Codeta iusques dedans la Ville est une descente entre le rocher encis de la montaigne, & le bord de la mer, flotant au costé du mole, laquelle descente est droicte, & malaifée, & large de dix à douze pieds seulement, pour la defence de laquelle entre la Ville & la tour est vn portail nommé le portail de Sainct Thomas, & vn autre, bien percez, & garnis d'artillerie, & de gens. A l'entrée de la Ville sont deux portes, l'yne pour aller fur le mole, & l'autre pour entrer dedans la Ville le long des grandes rües, le squelles sont longues, & estroictes à passer seulement trois hommes à pied de front, ou vn sommier chargé de coffres. Les maisons sont toutes à quatre ou à cinq estaiges de haulteur, fermées, & closes de grosses portes de fer & voultées

97

voultées de pierre, pour obuier au danger du feu, & 1502. dessus toutes pauées, de maniere que l'on peut aller & cheminer par amont iusques au bout de la rüe aussi à l'aise comme par la nef d'yne Eglise. De barres de fer, de lances, & de dards, & de tous harnois font icelles maisons garnies à suffire. Les gens de la Ville sont tous hommes de mer, & belliqueux par nature. A l'issue de la Ville, tirant le chemin de Rome, est vn bourg nommé Besaine, & au dehors de celuy bourg, au long & au costau de la montaigne, font quatre ou cinq mille maisons fortes, & chasteaux imprenables, tous enclos de la dicte montaigne, & de la mer. Et là dedans les Seigneurs & Marchans de Gennes tiennent leurs threfors, & cheuances. Et tout autour des dictes maisons sont les beaux iardins de plaifance plains d'orangers, & de grenadiers, & autres arbres fruictiers de toutes especes. Somme c'est vn Paradis terrestre. Au bout de celuy bourg de Besaine, pour entrer au chemin de Rapale, & tirer à Rome, entrela mer & le rocher de la montaigne est l'autre entrée ou issue moult estroi-Cte, & deforte aduenüe, fermée à grosses portes, & bonnes barrieres, gardées foigneusement, & à grads efforts defendües par les Geneuois: lesquels se disent portiers de l'entrée d'Italie. Aussi sont-ils. Car quiconque est Seigneur de Gennes malgré tout le mondeaura son entrée dedans le pays d'Italie. Du mole & haure de celle Ville de Gennes peuvent à la foissortir en mer quatre vingt ou cent nauires, auec dix ou douze grosses carraques, pour aller en mar1502. chandise, ou conquester paysiusquesen Grece, en Turquie, en la terre Saincte, & par tout le monde. Et autresfois, ainsi que j'ay appris par le dire & rapport d'aucuns Marchans & autres gens de Gennes dignes de foy, & comme j'ay leu par les Escripts touchant leurs gestes, iceulx Geneuois, auec grosses armées en mer furent prendre Hierusalem, Antioche, Negrepont, Metelin, Modon, la Sude en Candie, Scio, que encorestiennent, auec plusieurs autres Illes, & pays en Grece, & outre mer, & plusieurs fois ont assiegé Venise, & mile à la raison. En somme le nauigaige de Gennes est de tout le monde tenu en telle reputation & si grande estime, que les Geneuois sont intitulez & approuuez Roys de la mer. Or en est le Roy tres-Chreitien Seigneur, possesseur,& Maistre paisible, ce que oncques autre Roy ne Prince du monde n'a peu estre longuement. Et si la Ville peut seuremét garder, & la gent d'icelle en amour & crainche entretenir, les terres luy seront tributaires & les mers subjectes.

E T à tant finis ce propos, & dis que toft apres que dedans Gennes furent pour le Roy & fa fuite marquez les logis, & la Ville aprouifionnée de ce qui mestier y faisoit, le Roy partit de Pauiele vingt-deuxiesme iour dumois d'Aoust, pour tirer vers la dicke Ville de Gennes, & preisson chemin à Totonne, à Noue, au Bose, à Casteigneure, au bourg de Busale, & à Sainct Pierred' Araine, faulx-bourg de Gennes, & arriual e vingt-fixiesme iour du dick mois d'Aoust, s'un l'heure de midy. Messire Philip-

Develop Lichards

pesd

la ve

plac

celle

tou

du!

que

cef

bra

les

fen

for

dе

еſ

pes de Rauestain, Gouuerneur de Gennes sçaichant 1502. la venüe du Roy, feit en la dicte Ville dedans la place Sainct Laurent crier par vn Trompete que à celle heure que la grosse cloche là sonneroit, que tous les Seigneurs, & Citadins allassent au deuant du Roy, qui ce iour là debuoit faire fon entrée. Parquoy chascun l'appresta pour ce faire. Tantost que cestuy cry fut faict, & que la cloche commença à bransler, toutes les Dames, Damoiselles, & belles filles de la Ville de Gennes fortirent en place. Et là aux fenestres, aux galeries, & aux balcons de leurs maifons, & par tout où à l'aise se pouvoiet mettre le log de la grand'rüe, s'emplacerent à deux rangs. Elles estoyent toutes ou presques toutes vestues de draps de soye blanche, ou de fines toiles blanches. Et leurs habillemens estoyent differens à tous autres. Car leurs robes estoyent courtes iusques à my-iambes, ou enuiron, ceintes soubs les aisseles, & au derriere, au droict des espaules auoyent yn feustre qui tout le dos leur engrosiissoit. En leur coiffure elles auoyent fur le col & derriere le chef vn petit cercle de linge embourré, & leur blonde cheuelure entortillée tout autour en maniere d'vn diadesme. Tout à l'enuiron deleur front descouuert y auoit force orfeburie & riche pierrerie, & au col portoient grosses chaisnes d'or, & desioyaux d'incomparable richesse. Tous les doigts de leurs blanches mains est oyent plains de fins diamans, & garnis de rubis, faphirs, & esmeraudes, leurs bras veitus de fines & larges manches de chemises de toile de Holande. & enuironnées de

1502. riches brasselets d'or, & de fines pierreries, ouurez de diuers & somptueux artifice, & auoyent des chaulses blanches, ou rouges bien tirées, & de souliers de mesme couleur. Que en dirai-je plus? En qualité font de moyenne & rondelete stature, en visaige assez bien charnües, moult fraisches, & blanches; en alleure vn peu altieres, & ficretes, en attraict benignes, en accueil gracieuses, en amour ardentes, en vouloir constantes, en parler facondes, & en condition loyales, & auec ce sçauent degaudir si bien leurleçon, que rien ne leur en fault apprendre. Ie passeray outre, & laisseray ce propos, pour dire que au son de la cloche de Gennestous les Seigneurs, & citadins de la Ville, ainsi qu'il leur estoit commandé tous chascun selon son ordre sortirent hors pour aller au deuant du Roy. Et premierement douze des plus hónorables de Gennes, pour aller faire la ioyeule reception, lesquels surent insques à l'entrée du bourg de Sainct Pierre d'Areine : où trouverent le Roy en triomphantestat. Et là luy feirent humbles faluts, douces harangues, & gracieux recueil. Iceux douze estoyent nommez Messire Lucas Spinula, Messire Iean Doria , Francisque Lomelin , Paul de Flisco, Simon Bigna, Stephanus Iustinian, Raphaël Ragius, Raphael de Furnarijs, Anfaldus de Grimaldis,Durand Cathanius,Liquin de Marinis,& Iulian Centurion, lesquels par l'ordonnance des Seigneurs

& du peuple de la Ville receurent le Roy, en quoy tres-honnorablement facquicterent. Auec eulx issirent tous les Seigneurs de la Ville l'yn apres l'autre, 800

Ge

&

ua

bε

le:

G

P

tor

& en bon ordre. Et premierement vn Cheualier 1502. Geneuois nommé Messire Gourrate, accompaigné de cinq à six cent Gentils-hommes de Gennes, & plusieurs autres citadins, & marchans, tous à cheual, & vestus tres-richement. Les vns de longues robes de veloux cramoify, les autres de veloux noir, & les autres de damas, & de camelot. Apres celuy Gourrate, & sa compaignée, sortit yn nomé Iheronime de Flisco, fils du Seigneur Iean Louys de Flisco, Comre de Lauaigne, & l'vn des plus grands Seigneurs de Gennes.Le dict Iheronime estoit accompaigné de plusieurs autres Gentils-hommes de la Ville, & de deux cent hommes d'infanterie, auec la plus grande partie du peuple , honnorablement arroyez. En apres veint en auant yn nommé Messire Iean de Grimaldis, & auec luy vingt-cinq autres Gentils hommes, vestus tous d'vne liurée: c'est à sçauoir de robes longues de damas gris, lesquels furent tous infques où eston le Roy. Lequel pres toutes leurs harangues, & manieres de faire feit iceulx tous marcher deuant, tirant vers la Ville, & apres auec son train se meit à la voye pour approcher. Et ainsi f'en alla iusques à vne des entrées de la Ville, nommée la porte de Sainct Thomas, deuant laquelle trouua les vingt-quatre Archers de sa garde du corps, tous à pied, pour illec le receuoir, & conduire iusques à son logis. Aussi furent là Messire François de Giuerlay, premier Escuyer, & deux Escuyers d'Escuyrie, pour le conduire, & seruir au descendre, & au monter, à l'heure que mestier en seroit.Pareil102 HISTOIRE DE LOVYS XII,

lement furent là huict Senateurs des Seigneurs anciens,& de l'Office de la Monnoye de la Ville nommez Messire Bricius Iustinian, Paul de Nigrato, Ambroise de Prementorio, Baptiste de Passagio, Laodifius Lercarius, Paul de Odono, Iheronime de Facio, & Iheronime Doria, lesquels comme les plus estimez de la Ville estoyent ordonnez à porter le poisse du Roy. Et cstoit celuy poisse my-party de drap d'or, & de veloux violet, à franges de mesme couleur. Au deuant du pont de la porte de Sain& Thomas, à main senestre estoit vn spectacle de verdure tout garny de pommes de grenades, & d'oranges, tendu en maniere d'yne Chappelle, au milieu duquel en hault estoit attaché l'Escu de France aux armes toutes plaines. De l'autre lez à main dextre estoyent les armes de France, & de Bretaigne; myparties. A la fenestre main vn peu plus bas estoyent les armes de Messire Philippes de Rauestain, & vis à vis au dextre costé estoyent celles de la Ville de Gennes. Et depuis la porte de Sain& Thomas iufques à l'Eglise de Sain& Laurent, qui est le grand Dome de Gennes, estoyent les rüestendües & parées de tapisseries, tissues & ouurées d'imaiges viues, & parlantes, c'est à sçauoir de Dames, & Damoiselles, bourgeoifes, & Marchandes, toutes en blanches robes, & tant belles, & richement ornées, que à Nymphes ou Deesses mieulx ressembloient, que à humaines femmes. Toute la grand' rue où le Roy passa estoit semée & reuerdie de rameaux feuillus, & de palmes d'orangers, & grenadiers, plantées

auec les pommes verdes, & pendantes aux branches 1 0 5 2. des dicts arbres. Les Seigneurs, & le peuple de la Ville entrerent les premiers. Les deux cent Gentils-hommes de la Maison du Roy furét apres, tous à cheual, la hache au poing, & presquestous vestus de robes de veloux. Et apres & ioignant eulx estoyent Iacques de Vendosme, Vidasme de Chartres, & Messire Guyon d'Amboise, Seigneur de Rauel, leurs Capitaines. Puis marcherent lean Stuart, Duc d'Albanie, François d'Orleans, Comte de Dunois, le Seigneur de Laigle, & Messire Guillaume de la Marck, Capitaine des cent Alemans du Roy, lesquels tous empennachez, la halebarde au poing, & le halecret deuant, trois à trois marcherent en bel ordre. Douze Trompetes couuertes de fleurs de lys furentapres, & deuant le Roy, lesquelles sans cesser sonnerent à toute force, si que le tonnerre n'eust esté ouy. Les vingt-quatre Archers Escossois dela garde du corps estoyent tout autour du Roy, & à pied, la halebarde en main, armez bien à point, tres-richement accoustrez. Le Roy estoit entre eulx & au milieu sur vne bonne mulle noire, harnachée de veloux cramoify, & frangée de fil d'or, & luy vestu d'vne robe de drap d'or, auec vn bonnet de veloux noir sur son chet, & estoit soubs yn poisse que portoiet huict des Seigneurs de Gennes dessus nommez. Apres le Roy estoyent le Cardinal d'Amboise, le Cardinal Petri ad vincula, le Cardinal de Sainct George, le Cardinal d'Albret, l'Archeuesque de Sens, l'Archeuesque d'Arles, l'Euesque de Bayeux, le Duc de Valenti1502. nois, Louys Monseigneur de Luxembourg, Comte de Ligny, Messire Philippes de Rauestain, Louys Monleigneur de Vendosme, Louys Sire de la Trimouille, & Messire Pierre de Rohan, Mareschal de Gié. Et puis marcherent les quatre cent Archers de la garde, tous à cheual, armez de brigandines, & de falades, les arcs bandez. Ioignant eulx & derriere estoyent leurs Capitaines, c'est à sçauoir Messire Iacques de Crussol, Capitaine de deux cent d'iceulx, Messire Gabriel de la Chastre, Capitaine d'autres cent, & Messire George Cocquebourne, Capitaine de cent Escossois. Au derriere d'iceulx y auoit tant d'Archeuesques, Euesques, Abbez, & Protonotaires, & autres gens d'Eglife, que c'estoitassez pour debuoir celebrer yn Concile. Tel nombre de peuple, & de commune sui uoit apres, que la multitude d'iceulx defendit à ma veile n'en estimer autre compte fors vne fomme de tourbe innombrable. Que dirai-je plus? Si n'est que le Roy en tel triomphe approcha la porte de la Ville de Gennes, & ja estoit sur le poinct de quatre heures apres midy, que hommes, & femmes, & petits enfans, tous à haulte voix crioyent France, France, France, sans cesser, & menoient vne feste tant ioyeuse, qu'il n'y auoit cœur qui ne fremist, ne poil qui ne dressast. A lors que le Roy eust passé le bourg de Sainct Thomas, & qu'il fut deuant le mole au descouuert, grosses carraques & nauires commencerent dedans la mer à tonner, & tempester, & faire petter artillerie tant horriblement qu'il sembloit là que les vents fussent defliez

deffic

esclar

nese

Rov

deli

fem

foul

crit

Ç01

tes

Pe

uc

lo

F

ROY DE FRANCE: 105 defliez, les ondes defroyées, les rochers fendus, l'air 1502. efclaté, la terre el branflée, & toute la Ville de Gennes deuft profonder. Durant ce bruit merueilleux, le

Roy tout le petit-pass l'en alla iusques deuat la porte de la Ville, en laquelle estoit à mont vin grand Escu semé desarmes de France toutes plaines, & au deffoubs de celuy Escu en grosses lettres d'or estoit escript en Latin, Louys douziesme Roy des Fran-

çois, Seigneur de Gennes.

S I toit quele Roy fut entré dedans la Ville, tou? tes les cloches commencerent à fonner, & tout le Peuple à crier France, France, France. Ce fut merueilles: non feulement les grands, & les moyens faisoient feste, mais aussi les petits, voire estans entre les bras de leurs nourrisses. Quoy plus? Oncques Prince ne fut receu à tel honeur, & à joye solemnele, que fut là le Roy de toute la Seigneurie, & Commune de la Ville de Gennes. Ainfi doncques f'en alla -toutlelong dela grand' rüeiusques au grad Dome de Sain& Laurent, où estoit l'Euesque de Gennes, & les Chanoines de l'Eglise, auec tous les Colleges de la Cité reuestus, & tenans les sain ctes reliques entre les mains. Deuant l'Eglise meit le Roy pied à terre, & se meit à monter les degrez, pour entrer dedans, A l'entrée de laquelle trouua l'Euesque, & les Colleges de Gennes, & les reliques facrées: aufquelles feit tres-humble reuerence, & obsecration, & là offrit aux Saincts de Dieu. Ce faict, tous les Colleges qui là est oyent commencerent à chanter vnes Diuines Laudes: & ainsi convoyerent le Roy iusques au 106 HISTOIRE DE LOVYS XII,

15 02. maistre Autel de la dicte Eglise, où derechef seit à Dieu deuotes Oraifons, iuites prieres, & dignes offrandes. Là estoit l'Euesque de Gennes en habits · Pontificaux , lequel benit le Roy en presence de tousles Cardinaux, Archeuelques, & Euelques, & detous les Princes, & Seigneurs qui là estoyent en moult grand nombre. Ce faict, le Roy feit là les sermens accoustumez, & promesses deues pour maintenir & garderles droicts, franchises, & libertez de fa Ville de Gennes, comme au Seigneur du dict lieu appartient de faire. Toutes ces choses miles à fin, le Roy se meit au retour droict où son poisse estoit demeuré, & là trouua ceulx qui l'auoient porté, & vn nommé Iannot l'Escuyer, lequelluy bailla fa mule. Et là monta dessus, pour tirer vers son logis: lequel estoit hors la Ville tirant au bourg de Besaine, chez vn Seigneur Geneuois nommé Messire Louys de Flisco, Comte de Lauaigne, & de Sain & Valentin, en la terre de Naples, Seigneur de la Riuiere du Leuant de Gennes, où font cinq bons Ports de merscomme Port-fin, le Gouffre de Rapale, le Gouffre de Sextie, le port de Venere, & le port de Lespece. Quoy que ce soit, le Roy en allant à son dict logis passa par le trauers du Palais de Gennes, dedans lequel estoit Messire Philippes de Rauestain, Capitaine & Gouverneur de la Ville pour le Roy, auec luy estoyent pour la garde du dict Palais deux cent hommes François, lesquels estoyent là dedans tous en armes, & à deux rangs depuis l'entrée infques à l'iffüe. Par là passale Roy auec sa com-

tabo

brus

parl

hor

l'ap

pou

luy

fon

&t

tan

rec

 R_0

pl:

m

paignée, où force trompetes, & clairons, gros 1502. tabourins de Suisse, & autres diuers Instrumens bruyoient parmy ce Palais, que l'vn n'entendoit parler l'autre. En ceste maniere s'en alla à son logis hors la Ville, lequel estoit en hault lieu, & penible à l'approcher. Car plus de cent degrez failloit monter pour y aller. A l'entrée d'vne large place deuant celuy logis estoit yn portail fai& de toile, bien hault & fomptueusement ouuré à ronds piliers bien arcelez, & tous faicts à feuillages selon la mode Lombarde, tant magistralement composé, que il sembloit estre reellement de pierre de taille. Et là dedans entra le Roy, où fut receu à grand honneur & traicté à son plaifir. Tout ioignant son logis, dedans yne autre maison, que le dict Flisco en peu de iours auoit faict faire fut logé le Cardinal d'Amboise, lequel faisoit despesche à Messaigers, & Ambassadeurs, & sans sejour mettoit la main & auoit l'aduis au besoing des affaires qui au Roy de iour à aultre de par delà suruenoient, & moult estoit soigneux de ce, comme celuy qui en auoit toute la charge.

LE lendemain fut le Roy ouir Messe à vn College de Religieux de l'Observance de Sain & Dominique, nommé Sain & Marie de Castel, & là feit ses

prieres, & oraifons tres-deuotes.

CE mefine iour, sur les deux heures apres midy, vn nauire marchand d'Espaigne, chargé de bleds, artius deuant le port de Gennes, à deux milles pres en mer, & en approchant, ceulx qui eftoyent dedans veirent sur les tours du chasteau, & du mole, & 1502. au Palais bransler au vent les estandarts du Roy, dont s'arresterent. Et lors que à ces enseignes congneurent que le Roy estoit dedans, sçaichans la guerre ouverte entre les François, & les Espaignols, penserent que là n'y auoit bonne seureté pour eulx; parquoy voulurent tourner les voilles: mais tantost furent aduisez de ceulx qui estoyent aux nauires de France, au port de Gennes, entre lesquels estoit vn nommé le Clermont, bon cursoire, & leger. Si se meit apres l'Espaignol, auec trois brigandins, & deux elquifs. Il alla si tost, que en moins de deux heures eust attaint de vistesse celuy nauire, & par force le prit, & arresta, & destroussa, & le mena à Gennes. Tantost de ce fut le Roy asçauanté, & sçaichant que c'estoit yn nauire marchand de viures, feit tout rendre, & en seureté mettre celuy nauire en mer.

Ca iour fur le foir apres fou pper le Roy pour foy defduire, & veoir se galeres, nauires, & carraques, & le nauigaige de Gennes, fur fur le mole, & là veid plusieurs passetemps nouueaux, & esbastemens ioyeux. Là veid les Matelors môter les pieds à mont du bas des nauires iusques dedans les hunes, & edecendre la teste contre bas iusques au fond des nauires, & les vns se jetter d'amont les hunes iusques en mergles autres nager sur l'easie, & les autres dessous moult longuement tirer attillerie, sonner Instrumens, courir esquis, brigandins, & galiotes de nauire à autre, & faire là mille autres algarades, & ieux diuers, en quoy prit moult grand plaiss.

gnede:

non,(

chers,

fur l'a

où la

l'eauc

plus

me a

fes p

pres

pou

bar

 m_i

lc

n

P

ROY DE FRANCE. fe meit à regarder le mole, qui est vne chose bien di- 150 2. gne de record. Et pour en faire vne briefue description, C'est vne muraille assise en mer sur gros rochers, qui artificielement sont jectez là dedans l'vn sur l'autre à pierre perdue, & tant, que à l'endroit où la muraille est assise, iceulx rochers surmontent l'eaue, qui en aucuns endroicts a de profondeur plus de cent pieds. Toutesfois ainsi que moy mesme ay veu faire, tant y mettent les ouuriers de grofses pierres, qu'ils prennent par les montaignes de là pres, & mettent dedans leurs nauires propices à ce pour jetter là bas, que dessus & à fleur de l'eaue apparoissent: & là mettentmenue pierre, & force ciment, pour applanir leur fondement, & pour asseoir leur muraille fur iceluy rocher artificiel. La dicte muraille a d'espais & de largeur au bas quarante pas, ou enuiron, de haulteur par sus l'eaue quinze pieds, ou plus. Le dessus de celle muraille est tout paué à carreaux larges, & bien vnis. Et là dessus en plusieurs endroicts sont haultes grandes & grosses colomnes rondes de marbre, aufquelles sont attachez gros chables, & cordaiges, qui là tiennent les nauires à ferme. Et prend celuy mole commencement au default des maisons de la Ville, entrant en mer. & tirant au trauers deuers latour de Codefa, distant d'unlieu à l'autre la portée de troisiects d'arc, ou presques. Et ja sont les deux parts ou plus de l'œuure parfaicts. Et tousiours y belongnent, & feront,

ce disent insques à ce que leur muraille soit si pres de la tour de Codesa, que d'yne chaisne de vingt toises 1502. long puissent toucher de l'vn à l'autre. Au dedans de la closture de celuy mole, entour vingt pas en mer est assife vne haulte & forte tour, au sommet de laquelle est vne lanterne comme à l'autre tour, pour donner lumiere & adresse aux nauires, qui la nuich veulet là approcher: & aussi pour defendre le mole si besoing en estoit. Enuiron le milieu de ceste muraille,&deffus,est vn spectacle esleué hault de quatorze pieds, ou de pres, prenant aux deux bords de la dicte muraille, & faict à voulte arcelée parle dessoubs, & le dessus tout carellé à large paué, & bien applany. Et tout autour de celuy spectacle sont murailles crenellées, haultes de trois pieds, ou peu plus, pour illec fouftenir ceulx qui dessus se vouldront appuyer & regarder en mer. Toutlelong de celle muraille, du costé par où la mer flote, sur le bord est assise vne autre muraille de la haulteur d'yn homme de moyenne haulteur, & fenestrée en plusieurs endroicts, pour regarder la mer, & veoir approcher les nauires, & pour veoir heurter les ondes cotre la muraille Jefquelles viennent à la foistant impetueusement, que au choquer des rocs iectez là dedans, qui de ce lez & au bas defendent la dicte muraille, par dessus & par les fenestres de l'auant mur saultent outre iusques dedans le mole & bien souvent tant est en cest endroict la mer enflée, que plus de douze pieds montent encontre. Et ainsi que j'ay ouy dire à ceulx de Gennes, & que fur leur mole j'ay veu par escript, &

engraué en pierre : depuis dix ans la mer fut tant orgueilleufe, qu'elle monta à fleur de celle muraille, & en rü n'eul

ded.

feigi

que

tem

dep

tes p

cha.

pro

teir

 m_0

te

 \mathcal{L}

S

ROY DE FRANCE.

111
en riia grande partie en mer, & tout euft destruich 1502.

1502.

n'eust esté le recours que les Geneuois eurent à l'ayde du tres-glorieux Sainct plus que Prophete Monfeigneur Sainct Iean Baptilte, leur Protecteur, duquelils ont le corps. Parquoy eulx voyans l'horrible tempeste de la mer defroyée, & le danger eminent de perdre leur mole, & tous leurs nauires, auec deuotes prieres, & humbles Oraisons furent querir la chasse du benoist Sainct, & auecle Clerge tous en procession l'apporterent sur la muraille du mole. Si feirent leurs prieres à ioinctes mains, & descouurirent la chasse reueremment, & cefaict, soudainement le bruit impetueux de la mer courroucée fut reduict en douceur de tranquillité paisible. Dont à Dieu & au bien-heureux Sainct rendirent louanges.Et à tant de ce me deporteray,&n'en diray plus, fi n'est que j'ay oüy dire aux Geneuois que dedans leur mole n'y a pied de muraille mis en œuure de perfection, qui à la Ville de Gennesne couste mille ducats. le laisserai ce propos, & dirai que apres que le Roy eust long tempsetté sur celuy mole auec ses Gentils-hommes, & la garde, & plusieurs autres, se meit au retour. L'heure estoit ja tarde, & presques nuict, dont tout le long des rües furent allumées tant de torches, que aussi clair faisoit que de iour. Le peuple de la Ville crioit sans cesser France, France. Les femmes fortoient de leurs maisons en rue, à grosses compaignées, pour veoir le Roy, & le regarder. Les petits enfants à grosses troupes se trouuoient au deuant de luy,auec flambeaux de feu,& couroiét par les rües au deuant de luy, & le conduifoient iufques pres de fon logis, en criant France, France à haulte voix, Et feut là faict feste tant ioyeuse, que telle solemnité estoit bien digne de memoire. En ceste manière estoit le Roy traicté dedans sa Ville de Gennes.

L e lendemain fut à la Messe à vn College de Saind François, où sont Cordeliers de l'Observance: & là oùit le Diuin service deuotement, & y donagrands dons, & richtes offirandes. Et puis s'en alla distiner à son chasteau de Gennes, où sur recueilly du Capitaine nommé Guyon le Roy, & de semortes payes, & soldats, lesquels trouva là en bel ordre, & bien armez, la place bien remparée, & auitaillée, & garnie de bonne artillerie.

CHAPITRE XX.

Comment le Saint Graal fut monstré au Roy à Gennes. Et comment fut là apporté par les Geneuou.



les

lts Cha

Vaille

auque fes Ag

on ap

mun là app

futpr

niere

ks Pi

auec

àtoı

EGU.

Me

ch Ià bl

> H F

> > t

Ç

ROY DE FRANCE. 113 les Chanoines de là apres la Messe monstré le riche 15 0 2.

Vaisseau smaragdin, c'est à sçauoir le precieux plat auquel nostre Seigneur Iesus-Christ mangea auec ses Apostres, le iour de la Cene. Et est celuy plat que on appelle le Sain & Graal, lequel felon le dire commun de Gennes, & ce que j'en ay veu par lectres, fut là apporté par les Geneuois en l'an mille cent yn, & fut pris en la Saincte Cité de Hierusalem, en la maniere que vous orrez. En l'an sus dict mille cent vn, les Pisains, qui lors estoyent comme Roys en la mer, auec les Venitiens, & Geneuois, furent oultre mer, à tout grand nauigaige, & grosse armée, & conquirent fur les Turcs & fur le Souldan plufieurs Villes, Isles,& chasteaux.Et entre autres preindrent Antioche, & Hierusalem, & occirent tous les infideles que là rencontreret, où gaignerent richesses innumerables, & incomparables trefors. Apres ceste prise de Hierufalé question fut entre les conqueras du butin. Et fut appointé entre eulx, pour ce que à ce estoyent trois contendans, que en trois parties seroit diuisé. C'est à sçauoir la Seigneurie & Domaine pour l'vne, les trefors meubles & richesses pour l'autre : & le precieux Plat d'esmeraulde pour le tiers. Lesquelles choses furent ainsi diuisées, & parties. Et pource que les Pisains, qui lors estoyent les plus forts & aduantaigeux des trois bandes, & aussi que plus auoient trauaillé, & faict de mises pour les dictes conquestes, fut accordé entre eulx que iceulx Pisains auroient le choix des parties, & que premiers mettroient la main au butin. Lesquels apresauoir sur ce

1502. aduilé, preindrent pour eulx la terre & Seigneurie de Hierusalem, comme la plus honnorable partie des trois. Et pour monstrer de quoy, ils preindrent toutes les grandes portes de la saincte Cité, & feirentmener à Pise, lesquelles y sont, reseruées deux que les Florentins leur ont depuis tolluës & ostées. Pour reuenir, toutes les forteresses, places, & chasteaux leur furent baillez, & la possession de la Seigneurie mise entre les mains, laquelle ils garderent par force contre le Souldan grand espace de temps, & d'icelle iouirent paisiblement. Ce qui leur sut & eust esté à iamais yn tiltre d'honnorable louange, sa les meschans malheureux ne l'eussent par leur auarice vendue aux infideles. Ce qu'ils feirent, dont commeirent crime tant damnable, que pour ce forfaict furent forclos de toute grace de bien faire, & de toute cure de proficter en vertus, tant que oncques puis ne feirent honnorables faicts pour eulx, ne profict à leur Seigneurie, mais sont tousiours venus en descheant de bon los,& d'heureuse prosperité. Or apres qu'ils eurent ainfi choify, & pris, les Venitiens fuiuirent,& come conuoiteux de denare, embourferent l'or, & l'argent, & preindrent pierres precieuses, vailfelle,ioyaulx, draps d'or,& de foye, & de laine,& en somme tout ce qu'ils peurent emporter de valeur, reserué seulement le sainct Vaisseau, lequel demeura pour le parraige des Geneuois, que dedans leur Ville de Gennes apporterent, qui ores y est comme je îçay pour l'auoir veu, ainfi que cy apres racompterai.

CHAPITRE XXI.

La description du sainct Graal de Gennes, du Dome aussi de Sainct Laurent, es de la Chappelle de Sainct Jean Baptiste. Et d'autres choses.

> EL v Y tres-precieux V aiffeau, dôt j' ay parlé parauat, eft vne Efmeraude faiche & entaillée en maniere d' vn grad plar, en largeur de deux palmes, de fi tres-reluifant luftre, & trant ver de couleur, que

toute esmeraulde aupres d'elle est obscurcie & esfacée,&de nulle monftre,& fans vertu.Et contient en rond au dessus du plus large six palmes en quadrature. Au fonds du dict plat est vn autre petit rond faict au compas selon la proportion de sa grandeur, & dés le bord d'iceluy rond iusques au hault du plat sont six quarreures faictes à la ligne. Et pour soustenir celuy plat, au dessoubssont deux ances de mesme pierre, larges assez pour la passer la main d'vn homme. Ce qui est vn œuure merueilleux à regarder, & faict par artifice tant somptueux, que mieulx femble miraculeux que manuel. Aussi est-il, selon le dire de plusieurs, & l'imaginer de chascun. Car nostre Seigneur Dieu au iour de sa Cene, comme despourueu de riche vaisselle pour manger l'aigneau Paschal, & voulant aux humains magnifier son 1502. Pouvoir divin, feit miraculeusement de terre vile ceste precieuse pierre. O bon Alchymiste: Oncques n'en fur nen'en sera de tel. Ores ont les Genevois ce precieux ioyav, que plus cher tiennent que cout l'or du monde. Et de vray c'est bien vntresor d'incomparable richesse, & d'inestimable prix, sequel est soigneusement gardé dedans le Sacraire du grand

Dome de Sainct Laurent de Gennes. En celuy Dome sont maintes autres choses recommandables, comme peuuent auoir veu ceulx qui là ont esté. Et pour en aduertir les autres, à qui par default de ne l'auoir veu la choseseroit incongnüe, en brief escript j'en diray ce que j'en ay peu aduifer, & rediger en memoire. Premieremet à l'entrée de la dicte Eglise de Sainct Laurent de Gennes est yn grand portail faict & entaillé à meniie imagerie de marbre blanc, & bis, autentiquement ouuré. Au deux costez d'iceluy sont enleuez deux grands lyons de pierre foustenans deux haults piliers de marbre blanc. Le tabernacle estant sur l'entrée des portes est tout de marbre bis, & d'albastre, & de porphyre, taillé à menu ouuraige, & peint de fin or, & asur. Le dedans de l'Eglise est faict à trois belles nefs affez larges, à l'entrée desquelles, & des deux lez bien pres de la porte sont les voultes, soustenues de deux gros piliers de marbre blanc, & bis. Aux deux costez de la grand nef, tirant vers le grand Autel, sont seize autres piliers, huict de chascun rang, à dix pasloing l'vn de l'autre, lesquels sont de porphyre, semblant chascun estre d'yne piece. Les voultes du Ci toute ften: dore les. I cher que du Chœur sont soutenies à quatre autres piliers de 150 2. toute sorte de marbre. Tous les petits piliers soutenant les acceaux de la voulte du Chœur sont tous dorez, & azurez, & faicts à histoires moult nouvelles. Le dessu de l'Autel de nostre Dame est tantrichement peint, & de precieux ornemens embelly, que c'est plaisante chose à regarder. La table du grand Autelest moult grande & large à l'aduenant, & de demarbre bis. Le deuant & au bas couvert de sin argent, le dessu de drap d'or, & le tableau ouuré à

imagerie riche, & somptueuse.

A LA main senestre du grand Autel est la Chappelle de Sainct Iean Baptiste, & là dedans la chasse, où reposent les sainctes cendres de son precieux corps, lequel l'Empereur Iulian l'Apostat, dixiesme persecuteur del'Eglise, feit jadis brusser par sa tyrannie. Toutesfois le chef fut garanty par aulcuns Religieux Chrestiens, & translaté d'oultre mer en France, duquel vne partie est en l'Abbaye de Sainct Iean d'Angely, & l'autre à Sainct Iean d'Amiens. Aussi fut sauué le doigt indice duquel il monstra au desert le Redempteur du Monde, en disant Ecce Agnus Dei. Lequel pour la dignité de son divin office fut surpernaturelement exempt de la puissance du feu, & transporté de delà la mer à Sainct Iean de Morienne, en Sauoye. Lequel j'ay veu par maintes fois, & auec celuy fetient le moyen doigt, où apparoissent les nerfs, la peau, & les ongles. Les Sainctes cendres furent recuillies par aulcuns Chrestiens, & portées dedans vne Ville nommée Smyrne, où depuis fut enseuely le digne corps de Sain& Nicolas, lequel fut de là par les Venitiens emporté en Italie. Et par les Geneuois, qui venoient d'outre mer aussi de Smyrne transportées les cendres sacrées à Gennesen l'Eglise de Sainct Laurent, & là faicte vne mirifique Chappelle; laquelle est toute de marbre bis, & blanc, voultée de marbre aussi, toute peinte à fin or, & riche asur, & partoutsemée de fleurs de lys. La place pauée de carreau bien vny, & my-party de marbre blanc, & bis. Pour entrer dedans sont deux portes aux deux costez, & entre deux venant de l'vne à l'autre est un Obstacle de marbre blanc, ouuré à la Turque, & percé à iour, pour veoir par là le dedans de la Chappelle. Au dessus & ioignant de cestuy Obstacle sont dix imaiges Angeliques tenans entre les mains chascune vn chandelier, & le tout d'albastre. Au dedans de celle Chappelle, contre la muraille à huict pieds de hault, ou entour, aux costez dextre & senestre sont six imaiges enleuées, toutes de fin albastre, dont à la dextre part sont Adam, Zacharie, & Abacuk. A la part senestre est Eue vis à vis d'Adam l'vn & l'autre tous nuds, & moult bien entaillez. Elizabet au droict de Zacharie, & Balaam visà vis d'Abacuk. Au plus pres de l'Autel au rang des autres sont deux sieges vuides, pour y mettre quelques autres imaiges. Au milieu de cette Chappelle, sont quatre grands candelabres de cuiure, pendus, en chascun vn cierge tousiours ardant. Le Tabernacle de l'Autel est dessus desfoubstout de fin argent. Au derriere & attouchat du dict

lean

ben

fou

me

du

im

ſté

chi

&

ch

ch

te

ìr

c

ROY DE FRANCE.

dict Autel est la chasse enleuée du glorieux Sainct 1502. Iean Baptiste, où sont les cendres sanctifiées de son benoist corps, comme dict est. Et est celle chasse foustenue de quatre piliers de marbre blanc, richement ouurez. Tout autour de la chasse, à l'endroict du hault du Tabernacle de l'Autel, sont enleuez en imaiges Y saie,& Zacharie au deuant.Au dextre costé leremie & Daniel. Au senestre Dauid & Ezechiel. Et au derriere Simeon, & Abacuk. Au dessus, & autour de celle chasse, sont quatre Anges tenans chascun en la main vn cierge de cire vierge. Icelle chasse est de pierre de marbre blanc, dorée, & peinte de riche est offe, & entaillée tout autour de petites imaiges, & menus piliers de finguliere fabrique, & ouuraiges artificieux, laquelle chasse est close& fermée soubs le loquet de douze cless gardées par douze des plus suffisans citoyens de Gennes. Dedans la dicte chasse de marbre est enclose vne autre petite d'argent, autentiquement ouurée, & perlifiée richement, en laquelle sont les dignes cendres Propheticques honorablement mifes, precieusement gardées, & divinement folemnisées. Ainsi est la dicte Eglise de Sainct Laurent de Gennes de merueilleufe matiere embellie, de precieux ioyaux enrichie, & de dignes reliques sanctifiée. Le n'en veux plus autre chose dire, si n'est que pour magnifier la saincteté du lieu, je dis que lors que j'estois en la dicte Chappelle, à l'heure que la Messe du Roy là se disoit, je feus attainct d'vne colicque passion, & touché iufques à perdre la veüe, l'oūir, l'aller, & le parler. Si que

15 02. je fus contrainct laisferle Breuiaire, & m'appuyer contre vn des piliers qui foustiennét la dicte chasse. Et ainst d'angoisse restinant eu mon recours au glorieux Sainct plusque Prophete Sainct Iean Baptiste, duquel estoit ce iour la sette, & les reliques prefertes. Et si tost que de pensée deuote mon Oraison eus finy, & ma priere faicte, soubdainement me reueint santé plainiere, dont je rendis graces à Dieu deuotement, & du benoist Sainct seis solemnele remembrance.

APRES quela Messe fut dicte, & la saincte Esmeraulde monstrée, le Roy fen alla à son logis, & par l'espace de dix ioursfut là à sejour, où plusieurs Messaigers, Ambassadeurs de lieux diuers, & Nations eltrangeres, furent enuoyez, ouis, & despelchez. Des grands banquets, & ioyeux conuis qui ce temps durant furent la faicts au Roy ne dirai autre chole, si n'est, que oncques ne fut veu faire meilleure chere, ne Prince plus honorablement receuilly. Que fut ce; grands & petits faifoient la vie aux Anges. Les vns apres les autres, à qui mieulx mieulx l'efforçoient de doucement l'entretenir, & le festoyer à souhait. A la fois les Dames de Gennes se trouvoient aux banquets, habillées à la mode Millanoise, & à la fois à leur mode. Et entre autres fut la vne Dame Geneuoise, nommée Thomassine Spinole, l'vne des plus belles de toute Italie, laquelle jecta fouuent ses yeux sur le Roy, qui estoit vn beau Prince à merueilles, tres-sçauant, & moult bien emparlé. Tant l'aduisa celle Dame, que apres plusieurs regards, amour. S, yul

Roy,

lonti

chol

voya

tres-l

illuy

quic

inte!

поь

gné

poi

au,

amour, qui rien ne doubte, l'enhardia de parlerà 1502. luy, & luy dire plusieurs douces paroles. Ce que le Roy, comme Prince tres-humain, preint à gré volontiers, & souuent deuiseret ensemble de plusieurs choses par honneur. Et tant que ceste Dame se voyant familiere de luy, vne fois entre aultres le pria tres-humblement, que par vne maniere d'accointe, il luy pleust qu'elle fust son Intendio, & luy le sien, qui est à dire accointance honnorable, & amiable intelligence. Et tout ce luy octroyale Roy, dont la noble Dame se teint plus heureuse que d'auoir gaigné tout l'or du monde, & eust ce don si cher, que pour se sentir seulement bien voulüe du Roy, tout autre meit en oubly, voire iusques à ne vouloir plus coucher auec son mary. Ce qui pourroit donner à penfer ce qu'on vouldroit, mais autre chose selon le vray dire de ceulx qui ce pouuoient mieulx sçauoir n'y eust que toute probité. Pour rentrer donc ques à nos banquets, danses, nouvelles mommeries, saults, & gambades venoiét en jeu, & tant d'autres ioyeufes nouuelletez, que là n'y auoit cœur qui cust cause d'auoir ennuyeux foucy. Les Geneuois contre la nature de leurs mœurs, menoient là leurs femmes, & filles, fœurs, & parentes, pour donner ioyeux passetemps au Roy, & à ses gens. Et les aucuns d'iceulx prenoient les plus belles, & les presentoient au Roy, en les baisant les premiers, pour faire l'essay, & puis les baifoit le Roy volontiers, & danfoit auec elles, & prenoit d'elles tout honnorable deduict.

OR se passa le temps en ce plaisant sejour, & le

iour veint que le Roy voulut desplacer de sa Ville de Gennes, pour retourner en France. Or estoit le Roy lors tant recommandé entre les bien voulus de Dame Fortune, que toutes les Seigneuries d'Italie luy estoyent tributaires, & les François tenus en telle reputation, que leur florissante renommée voloit iulques oultre mer. Et si n'y auoit place ne chasteau en Lombardie, ny en Toscane, ne en la plus part d'Italie, où le lysne fust en spectacle de triomphe, & le nom de France misen cry commun. Par quoy le Roy & les François, à la peine d'estre nommez ingrats, & dignes de malheur encourir, n'en debuoient plus hault leuer les cornes, mais recongnoistre que toute humaine prosperité vient seulement de Dieu qui donne les victoires, triomphes, Couronnes, Sceptres, Diadesmes, & richesses qui il luy plaist, & les ofte quand il veult.

Pova rentrer en propos, le Roy qui estoit lors en son pays de Lombardie, pour auoir l'amour des Seigneurs de delà, & iceulx tenir en crainte, prir plusieurs de leurs enfans à la pension, desquels estoit François Marie, Prefect de Rome, Charles Marie, sils d'Antoine Marie de Sainch Seuerin, Hieronime de Fisico, sils de Messire lean Louys de Fisico, hoste du Roy à Gennes, Sacremolde Viscomte de Milan, Ican Louys Paluesin, & plusseurs autres, lec-

quels meit tous de sa Maison.

LES Geneuois doncques voyans l'approchement dupartement du Roy, auant ce luy feirent de leurs terres & Seigneuries, qu'ils tenoient de luy à caule

ferm

loya

auce

leur

qua

lans

vn

cin

ref

cen

mo

cat

loi

d

ti

cause de sa Ville de Gennes leur foy, & hommaige, 1502. serment de fidelité, & promesses iurées de bien & loyalement le seruir enuers tous, & contre tous. Et auec ce pour descouurir leur largesse, & magnifier leur liberalité, luy donnerent au partir quatre plats, . quatre couppes, & quatre aiguieres, le tout d'or, vallans douze mille ducats. Au Cardinal d'Amboife vn plat, & vne aiguiere d'or, du pris de deux mille cinq cent ducats. A Messire Pierre de Rohan, Mareschal de France, de vaisselle d'argent pour quatre cent ducats. A l'Euesque d'Alby autant. A Florimond Robertet, Secretaire du Roy, trois cent ducats. Aux Mareschaulx des logis cent palmes de veloux noir, & vingt-cinq de cramoily. Aux Varlets de chambre cent palmes de veloux noir. Aux portiers à chascun douze ducats. Somme il y eut bien peu d'Officiers en la Maison du Roy, qui des dons d'iceulx Geneuois ne fust enrichy. Et ainsi monstrerent leur noble vouloir & largesse liberale. Ce faict, le Roy bien voulu de tous, & aimé de chascun, partit de Gennes pour l'en retourner en France. Plusieurs de Gennes eurent regret du Roy, qui si tost les laissoit, & entre autres Dame Thomassine Spinole, qui monstra bien par le degoust de ses larmes que le cœur en estoit marry, en disant que iamais n'oublieroit son Intendio. Ce que ne feit, comme je dirai à temps. Or apres grand nombre de Seigneurs Geneuois le conuoyerent long chemin, puis preindrent leur congé, & s'en retournerent à leurs ho-Acls.

124 HISTOIRE DE LOVYS XII,

DE Gennesle Roy preit son adresse à Pontedefme, & au bourg de Busale, Etlàle Duc Borgia de Valentinois preit congé de luy, en promectant sur sa foy de tousiours estre bon seruiteur de la Couronne, & loyal François. Etce dict, fen retourna à Gennes, où fe meiten mer, & tira vers Rome : auquellieu estant arriué, feit marcher son armée, pour le fuiure au befoin. Et tantost que là fut arriué, commencea à courir sur les Vrsins, tant que plusieurs d'iceulx feit cruellement mourir. Et entre autres le Cardinal Vrsin, lequel peu de iours deuant estoit allé deuers le Roy luy offrir son seruice: mais pour ce nelaissa à le faire prendre, & donner tant d'estrapades, que dedans celuy tourment mourut attaché à la corde. Aussi feit mourir l'Euesque de Caille, bon homme, vicil, & ancien, lequel il meit entre les mains d'vn fien fatellite, nommé Miquel, executeur de toutes ses cruaultez. Et preit cestuy bon Euesque, & le mena sur le sommet d'yn haultrocher, & de là le feit precipiter, & iecter du hault en bas; dont fut brilé, moulu, & acrauanté, & mort à martyre.Pareillement il feit mourir Leuro Vrfin, Vitelloze, le Duc de Grauine, le Duc de Faience, & tout plain d'autres qu'il feit par son Miquel, les vns estrăgler auec seruietes, & aux autres trancher les testes, en parlant auec culx, & en trahifon. Plufieurs femmes & filles preit ausli par force dedans la Ville, & autour de Rome, & feit tant d'autres tyrannies, sacrileges, & cruelles choses, que de le reciter seroit horreur. Parquoy je les laisse en la vengeance de fault Roy

fe :

ne lo

ROY DE FRANCE. 125 celuy qui nul forfaict delaisse impuny, ny ne de- 1502, fault à chastier.

O R suiuons propos: Droict à Ast s'en alla lors le Roy, où illec sejourna seulement deux iours, & puis se meit en voye, pour retourner vers Lyon. Où là autour estoit la Royne sur les champs, qui de iour eniour luy mandoit nouuelles, pour se haster. Ce qu'il feit. Car d'Ast ne demeura que six iours pour aller à Grenoble. Ce qui contient pres de cent lieues de montaignes, & malaifé pays. Où là pres trouua la Royne, comme je diray. Par la Duché de Sauoye ne voulut passer, pour monstrer aux Sauoisiens, qui lors estoyent mauuais François, que par ses pays malgré leur vouloir passeroit à son plaisir. Parquoy feit commander par tout son pays de Daulphiné que chascun meist la main à l'œuure, pour nettoyer les chemins, & eslargir le passaige. Dont plus de cinquante mille payfans pour cest affaire furent embelongnez, & tant graterent, que les postes y couroient plus toft & les autres cheuaucheurs, & gens de pied plus aifément y alloient que par la Sauoye. Et ainsi le Roy preit son chemin droict à Villeneufue d'Ast, à Pignerol, Peruse, Briançon, & de là au bourg Duisant, lequel est au Comte de Dunois, puis à vn bourg pres de Grenoble de deux lieües, où enuiron, où trouua la Royne qui l'attendoit auec grande compaignée de Gentils-hommes, de Dames, & Damoifelles. Or fut le Roy le tres-bien venu, & moult ioyeusement recueilly, comme celuy qui auoitlong temps demeuré dehors, & auoit esté à

126 HISTOIRE DE LOVYS XII.

1502. long voyage. Là donna congé à les Gentils-hommes, & Penfionnaires, & à la plus part des Archers de la garde, pour eulx en aller repoler. Et demeura aucc la Royne huich iours entiers, en passant le téps à la chastle des grosses bestes, & à la volerie, & à plusieurs autres es bats diuers, & solacieux deduichs. Et puis s'en alla à Lyon sur le Rhosne, où sejourna tout le mois d'Octobre. Et cependant veindrent le Duc Pierre de Bourbon, & Madame Anne de France, sa femme, qui furent là bien traistez du Roy, & de la Royne. Plusieurs nouuelles surent lors en Cour, Ambassadeurs, Messagers, Postes, & Cheuaucheurs d'Italie, de Naples, & de maintes terres.

Septembre.

L E vinge-huictiesme iour de Septembre le Roy eust lectres du Seigneur de la Londe, Capitaine en mer, estantions sur la coste d'Isque, Isse de Naples, qu'il auoit trouué sur mer cinq ness d'Espaignes, chargées de harnois, de lances, & halebardes, d'artillerie, & de pouddre à canon. Lesquelles ness auoit prises, & destrousses de la vivne d'icelles mise à sonds, & dedans l'une des autres trouué cinq cent suste de lances.

De Lyon deslogeret le Roy, & la Royne, auec tous leurs gens, & se meirent en chemin, pour retourner en France, & tent voyagerent, que entour la Sainc Martin seurent à Loches, où Madame Claude leur fille estoit, & demeurerent iusques apres la seste de Noël. Où ces iours durant le Roy teint se Estats, & despeschales Ambassadeurs qui lors estoyent en

rant

ROY DE FRANCE. 127 Cour. Austi commencea à tenir la Legation le 1502. Cardinal d'Amboise, de laquelle il n'auoit vsé durant le voyage de delà les monts.

CHAPITRE XXII.

Comment Meßire Berault Stuart, Seigneur d'Aubigny, defeit grand nombre d'Espaignols en la Calabre.



N LA Calabre estoit le Sire d'Aubigny, auec deux cent hommes d'armes, & huict cent pierons, lequel au comencement des saicts employa ce qu'il auoit d'argent pour la deliurance des prisonniers

François qui à la defaicte du Seigneur de Grigny auoyent elté pris. Et pour auoir Adrian de Brimeu, Seigneur de Humbercourt i lequel tenoit à groffe rançon, luy fallut vendre toute la vaisselle d'argent. Et ainsi lebon Cheualier meit ce qu'il auoit encores en auant pour lerachapt des detenus, & so no corps à l'exploict des armes, pour servir le Roy. Et si tost que les prisonniers feurent au deliure, les feit armes, & remonter au mieulx qu'il peut. Et ce faict se meit aux champs, & là cerchoit de iour en autre se ennemis, & tant les poursuiuit, que auec se gens le propre iour de Noël les approcha d'vn mille pres deuant la Ville de Terrenoue, en Calabre. Et eux spaint

128 HISTOIRE DE LOVYS XII,

1502. chans sa veniie si prochaine, & qu'il tenoit les chaps pour les combatre, & que ja estoit en leur veue à groffe puissance, preindrent la fuite: aufquels donna la chasse iusques deuant vne Ville nommée Girace condiane, où vne partie d'iceux se retirerent, les autres feurent pris en se defendant, & les autres en fuyant. Et est à noter que le dict Seigneur d'Aubigny leur estargit tant de pardon, que à nul d'iceulx à la deffence ou à la fuite par luy vaincus ne voulut estre faict force mortele; maistant à la prise que à la prison lestraicta humainement. Et par apres eulx confians en la douceur des François, n'eurent crainte de faire auec eux mellée, disans que si des François sommes vaincus en bataille, piteux nous seront, au detenir gracieux & au rançonner traictables. Ce qui leur osta la crainte du glaiue, dont les François à la parfin se trouuerent mal, comme sera dict. Quov que ce soit, le Sire d'Aubigny preit la plus part d'iceux, & feut aslieger les autres qui l'estoyent retirez à Girace condiane, & à la Rochelle en Calabre, lefquels ne peut auoir par default d'artillerie, dont estoit trop malgarny. Parquoy se meitaux champs à la conqueste, & tant feit que plus de soixante Villes se rendirent à luy, & apporterent les cless; voires iusques aux portes de Rege feut gaigner pays. Et là deuant par tant de foistransmeit coureurs, & mesmement vn nommé Yues de Malherbe à tout ses gens, que ceulx de la Ville abandonnerent leurs maifons, & f'enfuirent tous en Sicile. Le Sire d'Aubigny voyant que les Espaignols, qui tenoient Girace Girace condiane, & la Rochelle ne pouvoit pren- 1 0 5 2. dre d'affault, f'en alla à la Mote Bouuelline pres de là,& ses gens meit tout autour des ennemis, pour les cuider affamer: & là fut long temps. Cependant les Espaignols manderent au Roy d'Espaigne quesecours leur estoit tant necessaire, que sans cela toute la Calabre feroiten brief entre les mains des François, lesquels auoient ja deffaict la plus part des Espaignols, quilà estoyent, & les autres tenoient assiegez, & presquestoutes les Villes & chasteaux auoiet concquestez, & prenoient tout. Le Roy d'Espaigne scaichant cest affaire, meit diligence en auant, qui est vne telle ayde aufaict de la guerre, que les vainqueurs faict tousiours prosperer, & les vaincus souuent ressourdre. Doncques celuy Roy d'Espaigne meit sus soubdainement trois cent hommes d'armes, quatre cent genetaires, & quatre mille hommes de pied nommez Galliegues, lesquelsmeit en mer, foubs la charge d'vn nommé Portocarrero, Espaignol, lesquels singlerent à voisse tendüe vers le port de Rege en Calabre.

L A feste de Noël passée, le Roy partit de Loches, & l'en alla à Blois dedans son chasteau, que lors faisoit faire tout de neuf, & tant somptueux que bien sembloit œuure de Roy. Et là auec la Royne, & Madame Claude, sa fille, demeura jusques à la fin

du mois de Feburier.

En celle mesme année mille cinq cent deux, la 1502peste eut cours par le Royaume de France, & mesmement en Bourbonnois, Berry, Sainctonge, Poi15 0 2. Étou, Touraine, Anjou, & au pays de France, comme à Paris, à Orleans, & en plufieurs autres lieux. Et tant, que aucunes Villes, & villaiges demeurerent inhabitez, & fenfuioit le peuple par les bois, & deferts, pour illec fe loger, & garantir leurs vies, où fouuent mouroient fans fecours, fans ayde, & fans confession, demeurans comme bestes brutes, estendus sur la dure au danger des chiens, & des loups, qui fouuent à pance plaine en faisoient leur pasture. Tellement que apres que acharnez en furent, se preindrent aux petits enfans par les champs, & à la parsin aux hommes. Si que plusieurs en deuorerent, & eussen plus à plain, si le Roy & les Seigneurs de France n'y eussen pour eure par chasses continüelles, dont ils nettoyerent le pays.

CHAPITRE XXIII.

Comment Philippes , Archiduc d'Austriche retourna d'Espaigne en France, & des ostaiges qui luy seurent baillez.



N T o v R la feste de Sainct Hilaire l'Archiduc Philippes d'Austriche, qui lors, estoit en Espaigne, voulut retourner en ses pays: lequel manda au Roy que pour le bien & amitié de luy, & du dict

Roy d'Espaigne, auoit charge & procuration ex-

preffe

rer 8

proc

paig

trai

enu

ver

du

qu'

ren Fo

å

presse pour traicter de la paix entre eulx, & icelle iu- 1502. rer & accorder: comme il monstreroit par sa dicte procuration, signée du Roy, & de la Royne d'Espaigne, & pour ce vouloit passer en France, pour traicter de cest affaire. Mais premier que vouloir entrer és pays du Roy demanda pour sa seureté auoir ostaiges. Ce que le Roy trouua assez estrange, veul'alliance qui estoit entre luy, & le dict Archiduc, & le bontraictemet que à son allée d'Espaigne auoit eu en France, dont plusieurs y penserent ce qu'ils voulurent. Toutesfois pour ostaiges luy furent baillez René Duc d'Alençon , le Comte de Foix, Charles de Bourbon, Comte de Vendosme, & Louys de Bourbon, Comte de Montpenfier, lesquels furent menez à Valenciennes en Hainault. Et là au deuant des dicts oftaiges fut pour les recepuoir le Comte de Cimai, auec grande Noblesse de Flandres, lesquels les emmenerent au dict lieu, & les traicterent honorablement. Ce faict, l'Archeduc partit d'Espaigne, & se meit en voye pour reuenir deuers le Roy, qui lors estoit à Blois, & sçaichant le partement du dict Archeduc, preit le chemin de Lyon, & la Royne quand & luy auec leur train tirerent celle part.

CHAPITRE XXIV.

Comment Meßire Jacques de Chabannes, Seigneur de la Palisse, estant en la Poüisse aucc quaire cent hômes d'armes, presenta la bataille par plusseurs sois à Gonsales Ferrand, & à toute son armée essant dedans Barlete. Et de plusseurs courses & prisse que les François seirent lors sur les dicts Espaignols.



ARME'E de France estoit lors tout autour de Barlete en la Poüille, où le Capitaine Gonsales Ferrand, & grosse autrée d'Espaignols estans là sans cesser se donnoient

les vigs aux autres allarmes, & affaults, & se battoient à bras estendus. Le Duc de Nemours, Viceroy au Royaume de Naples, apres la prise de Canose, dont j'ay cy dessus parlé, bailla à Messire lacques de Chabanes, Seigneur de la Palisse quatre cent
hommes d'armes, & deux mille hommes de pied,
pour tenir frontiere aux Espaignols, qui estoyent à
Barlete, & à Andre. Lequel aucc ses gens sut plusieurs sois cercher ses ennemis, & pour la premiere
insques deuant les portes de Barlete leur sur presenter la bataille. Et là se teint si longuement que bon
loissir leur donna de courir aux armes, de monter sur

treher

Mais'

que

man fon

uoir

du'

Ccu

Pri d'(

ďι

leurs cheuaux, & faillir aux champs. Car plus de qua- 150 2. tre heures durant, la lance fur la cuisse, là les attendit. Maisle trop long attendre luy donna à congnoistre que les Espaignols pour l'heure n'en vouloient manger. Dont auec fes gens l'en alla prendre garnison dedans trois Villes assez presde là; C'est à sçauoir à Rouure,où luy auec ses gens d'armes,& ceulx du Duc de Sauoye, qui estoyent cent cinquante hommes d'armes, preindrent logis. A Corastre meit ceulx de Messire François de la Trimoüille, Seigneur de Mauleon, & ceulx de Messire Aimar de Prie. Età Treillis ceulx de François d'Vrfé, Seigneur d'Orose, & ceulx de Aimar de Villars, dit Pocquedenare. Et estoyent en tout quatre cent hommes d'armes. Les pietons departit à chascune des dictes garnisons, huict cent, & plus. Quelque peu de temps apres ce la peste se meit à Corastre, dont ceulx de Messire Aimar de Prie qui là estoyent deslogerent, & l'en allerent à vne autre Ville pastrop loing de là, nommée Castellanet.

E T ces iours durant, celuy Messire I acques de Chabannes tenát lors garnison à Rouure, à quatre milles pres de Barlete, estoit de iour en iour deuant la dicke Ville, où souvent trouvoit à qui parler. Car dedans estoit le Capitaine Gonsales, Lieutenant general du Roy d'Espaigne, Dom Diego de Mendoze, le Difpenser majour, Petre de Pas, & autres bons Capitaines Espaignols, en grand nombre, & force bons soldats, les que se toy entre une resultant pleques estoyent souvent de tors. A infi estoit bien à point la guerre mise au resule. A la fois le Sei-

1502. gneur de la Palisse, auec grosse compaignée les alloit veoir, & à la fois à petite escouade sur cheuaux legers, pour diuersifier la guerre. Et aucunesfois leur enuoyoit peu de nombre de coureurs, pour les retirer aux champs, & si d'aduenture ils essoignoient la Ville pour chasser les coureurs, iamais ne failloit de leur donner vne amorce, & de les surprendre par embusche, & les rembarer à leur mortelle perte. Ainsi à divers tours de vieille guerre les endommageoit, & tellement conduifoit les entreprises, que sur les ennemis auoit toufiours eschec à l'aduantaige. Souuentesfois les ramenoit des champs battant & tuant iusques deuant les portes de la Ville, sans faire que bien peu de perte. Et quand venoit à l'assembler, de son costé faisoit tel chapplis, (comme j'ay sceu par ceulx qui souvent l'ont veu aux coups departir,) que nul des ennemis, fil ne vouloit estre mis à outrance, l'osoit attendre. Qu'en dirai-je plus? Tant fut lors par l'excessif exploict de sescontinuelles armes redoubté de ses ennemis, que pour magnifier fon los, le cheualeureux tiltre de fecond Hector luy attribuerent, & tous ainfi à voix commune le nommerent. Dont luy & les siens qui ses faicts ensuiuront, seront à iamais louez des vertueux. Ce neantmoings le Capitaine Gonsales, enuieux de fes biensfaicts, comme fon mortel ennemy fur tous les autres François l'auoit en continüelle haine, & à toute heure pensoit la maniere de le defaire, & comment ille pourroit surprendre. Vn iour entre les autres auec quatre cent hommes d'armes fut derechef

deuant

puissa

auc d

Pasr

le di

en a

le co

cffo

dre

Die

Eſp

te i

gπ

ve

d

ROY DE FRANCE. 135

deuant Barlete, & là presenta la bataille à toute la 1502. puissance des Espaignols qui là estoyent. Et ainsi que depuis vn Capitaine Espaignol nomé Petre de Pasrecita & diten la presence de plusieurs François, le dict Seigneur de la Palisse estant deuant Barlete en armes, comme j'ay dit, & comme il presentast le combat aux Espaignols, qui là estoyent à grand effort, & que nul d'iceulx l'esmeut pour y respondre, là fut vn Capitaine Espaignol, nommé Dom Diego de Mendoze, qui en la presence de plusieurs Espaignols dit à Gonsales Ferrand, que grand honte & peu de vertu leur estoit de ce que le dict Seigneur de la Palisse ainsi mal accompaigné qu'ils le voyoient n'estoit par eulx combatu. Veu que tant de fois les auoit appellez en bataille, & qu'on ne l'alloit combatre; veu aussi la puissance aduantageuse que fur luy auoient, qui à double nombre estoyent. Ce que ne voulut permettre le dict Gonfales, difant que à la requeste & entreprise de son ennemy ne se doibt nul aduanturer au combat, quelque pouuoir qu'il aye, si necessité ne le contrainct. Et voyant celuy Dom Diego de Mendoze les Espaignols refroidis, dit Certes j'aimerois mieux estre le Seigneur dela Palisse doué au pris de sa louable renommée, que Roy d'Espaigne paisible de tous ses pays, ny Gonfales Ferrand auec fon bruit florissant. Et ce compte feit le dict Petro de Pas, estant en ostaige dedans la grand carraque du Roy, la Charante, pour la composition de Caiete, comme sera dict apres, en la presence du nepueu de Gonsales, qui là

136 HISTOIRE DE LOVYS XII, de Pierre de Bayard, & de plusieurs autres qui là estoyent, desquels je l'ay sceu. Toutes sois pour mettre à ches ce propos, le Seigneur de la Paliste qui deuant Barlete attendoit la venüe des Espaignols, pour les combatte, voyant que nul ne sortoit, s'en retourna sans coup frapper, luy & les siens, & s'en allerent chaseun à sa garnison.

CHAPITRE XXV.

D'une course que feit lors Messire Robert Stuart, Escossois, deuant Barlete, où il prit plusieurs Espaignols, auec peu de nombre de François.

E v A N T Barlete faifoient les Frangois courfesà defroy: & tant que dés que les vnsy eftoyent allez vn iour, les autresy eftoyent ellendemain, où les Espaignols à pareil relais faifoient leurs courfes, & faillies, & fouuent escarmouchoient. Ainsi les Frangois auoient peu de sejour, & les Espaignols moins de repos. Que fut ce, vn iour Messire Robert Stuart, Capitaine Escossos, seit vne s'aillie de la Cerignole, où il tenoit garnison, & auce soixante hommes d'armes seit vne course vers Barlete, dont à toutes heures fortoient les Espaignols. Ses auanteoureurs furent descouurir, & luy se meit à leur queüe pour les receuillier. ceuilli

pres l

gene

aux I

à ch

ÇOIS,

liere

Don bulc res c

> out flor

> ľer

tro

36

c!

ceuillir au besoing. Tant allerent, que à vn mille 1502. pres les premiers coureurs rencontrerent deux cent genetaires, lesquels de premiere pointe adressernt aux François, & àbride abatüe les commencerent à chasser droict par où venoit le surplus des François. Messire Robert Stuart veid de loing la poussiere des cheuaux, & ses coureurs mis à la chasse. Dont feit arrester tous ses gens, & les meiten embusche tout à couvert pres du chemin. Les genetaires chasserent tant les dicts auantcoureurs, que ils outrepasserent l'embusche, sans rien aduiser: & si tost qu'ils furent outre, les trompetes sonnerent, & l'embusche fortit. Les auantcoureurs oyans leurs trompetes, soubdainement tournerent bride, & adresserent aux genetaires, qui ja auoient l'embusche au dos. Là y auoit hayes, & fossez, & chemins encombreux, parquoy iceulx generaires ne pouuoient fuir. Si furent deuant & derriere chargez si lourdement pour eulx, que au premier choc allerent plus de vingt-cinq parterre. Les François les rechargerent derechef, & meirent à bas plusieurs, & en tuerent aucuns. Les autres cuiderent fuir, mais les cheuaux estoyent las de la longue traicte que apres les coureurs auoient faicte, dont furent tous pris, sans ce que bien peu s'en sauuast. Somme de deux cent qu'ils furent aux champs, ne l'en retourna que dix, lesquels est oyent montez à l'aduantaige, & les autres furent menez prisonniers à la Cerignole, & payerent leur rançon. C'est à sçauoir chascun vn quartier de leurs gaiges, auec leur monture, ainsi

138 HISTOIRE DE LOYYS XII,
1502. que par les Capitaines François & Espaignols auoit
esté dict & ordonné. Toutes sois Gonfales Ferrand
nevoulut tenir ce traicté, mais tous les François que
depuiseut entre se mains ne voulut rendre par ran-

con, comme vous pourrez oùir cy apres. GASPARD de Coligny, Lieutenant du Duc de Nemours, feit pareillement courses, & prises sur les Espaignols de Barlete, & d'Andre, lesquels garda bien souuent de dormir. Vn autre Capitaine François nommé Louys de Sainct Bonnet, auec cinquante hommes d'armes feit vne course deuant Andre, où estoit grand nombre d'Espaignols; lesquels à la venue des François ne faillirent de fortir, mais à tout grand nombre de genetaires & gens de pied se trouuerent aux champs, & là commencerent à se charger à tour de bras, & tant que les Espaignols furent repouffez iufques contre leurs portes: & là moult pressez. Et n'eust esté vne faillie que vn autre nombre à cheual d'Espaignols feirent sur nos gens, la retraicte leur eust esté tardiue : mais grand force de secours leur surueint au besoing. Et tellement que les François furent rechassez, & aucuns d'iceulx pris, & des Espaignols aussi. Et ainsi que les Françoisse retiroient le petit-pas, & les Espaignols pareillement, chascun auec son butin, là fut des derniers à la retraicte vn homme d'armes nommé François Morin , de ceulx de Louys de Sainct Bonnet, lequel auisa vn Espaignol vn peu à l'escart de ses gens, qui derriere luy sur son cheual emmenoityn Albanois François. Et sans dire mot partit

paig

affez

feni

alla

pai

del

feit

re

δz

ROY DE FRANCE. 139

partit tout seul, & se meit au cours apres cest Ef. 1502, paignol, tant qu'il l'atteignit, & lors qu'il se veid assez pres pour donner, baisse la lance, & en assez fenna le dict Espaignol au trauers du corps: dont alla parterre. Et ce s'aict, à la veile de plusieurs Espaignols, & des François qui ce regardoient, seit descendre le dict Albanois, & au dict Espaignol luy feit deunchuy trancher la teste, & emmena le dict Albanois, & le cheual de l'Espaignol. Et ce saict,

chascun se retira en son quartier.

L E Capitaine Louys d'Arsn'auoit lors heure de repos, mais fans ceffergaignoit pays fur les ennemis, & à toutes rencontres les deltroussoit. François d'Vrsé, le Seigneur de Chandée, l'Ocquedenare, la Lande, & en somme tous les Capitaines François estoyent nuic & iour aux champs. Et vn temps sur, comme chacun à son tour ale sien, que les François eurent bonne fortune contre leurs ennemis tant à gré, que chemin ne tenoient deuant eulx, & tant mal furent menez, qu'ils nes spauleur auel Sainct faire offrande. Les viures leur surent si chers, que ailleurs que parla mer n'en auoient, dont souvent en estoyent soustereux iusques à l'extremité. Toutes sois comme gens de cœur, pour ce ne laissoient à desendre leurs sorts, & faillir aux champs.

CHAPITRE XXVI.

D'un combat à outrance faict lors par onze François contre onze Espaignols deuant la Uille de Trane, en la Poüille.

I E n Souuent, comme j'ay dit, alloient les François courir deuant Barlete, & à Andre. Aussi à la fois fortoient les Efpaignols, & alloient courir sur leurs aduerlaires. Er souuent surent à l'estrade

les vns, & les autres, sans eulx rencontrer. Dont les Espaignols dirent que à eulx ne tenoit. Aussi faisoiet les François: Et vray estoit. Car lors que les Espaignols faisoient d'vn costé leur course, les François estoyent de l'autre. Et ce nonobstant que parauant fe feussent plusieurs fois essayez aux armes, il estoyét les Espaignols qui auoient esté foulez enuieux de recouurer. De quoy furent les François aduertis, &: pour leur en vouloir donner sans faillir, yn Capitaine nommé François d'Vrfé, estant en garnison à Treillis, leur enuoya yn trompete, pour leur dire que si bonne volonté auoient de rencontrer les François, affin que à cenefaillissent, s'ils estoyent dix Espaignols contre dix François, ou onze contre onze, que en champ clos les trouueroient à tel iour que par eulx seroit aduisé. Ce que ne refuserent les Espaignols, mais accepterent ce party, & dirent

qu'ils se trouveroient onze d'eulx contre aultant de 1502. François. Or alla la chose tant en auant, que d'vn costé & d'aultre fut accepté le combat, & dit entre eulx que le champ seroit faict deuant la Ville de Trane, terre des Venitiens. Ce qui fut faict. Ettant pres de la dicte Ville de Trane, que d'yn costé les fossez du champ de bataille estoyent ioignant les fossez de la Ville, le chemin seulement entre deux. Or auoit celuy champ en quarrure de coin à autre huict vingt pas,& estoit fosfoyé d'vn costé & d'autre, clos à pierre fur pierre d'vn pied de hault, ou peu plus, pour congnoistre seulement les metes de la lice. François d'Vrfé qui auoit mis les armes en jeu, enuoya par deuers le Seigneur de la Palisse l'aducrtir de la besongne, & pour selon son aduis y ouurer à l'honneur & profit des François. Lequel choisit par les garnisons pres de luy les hommes d'armes qui luy fembloient mieulx adroicts, pour debuoir faire bon exploict d'armes, & foustenir grand labeur. Desquels escut premierement celuy Fraçois d'Vrfé, Seigneur d'Orose, Pierre de Bayard, Pierre de Pocquieres, dit Belabre, Hector de la Riuiere, Pierre Guiffray, Noëldu Fahis, Louys de Sainct Bonnet, René de la Chesnaye, Clermont, Montdragon, & Bouuant. Ie n'ay point sceu le nom des Espaignols, que d'vn seulement que je nommeray à heure deile. Quoy que ce soit, furent entre les autres choisis iceulx pour les mieulx montez, & plus aduantageux aux armes. Le iour assigné pour combatre veint, & les Champions se trouuerent au lieu. Les François

HISTOIRE DE LOVYS XII, 1 502. auoient leurs cheuaux bardez, reseruez trois, & tous ceulx des Espaignols l'estoient. Pour defendre & garder le champ furent ordonnez d'vn & d'autre costé nombre pareil, & grande puissance de gens d'armes; lesquels se teindrent pres des lices, tous la lance sur la cuisse. Sur les murailles de la Ville de Trane estoyent plus de dix mille hommes pour veoir celuy combat, lequel commencea fur les dix heures du matin, que les François premiers entrerent au champ, la lance sur la cuisse, & la visiere baiffée. Apresentrerent les Espaignols en mesme arroy que estoyent les François. Lors que tous furent en ordre, & prests de donner, les trompetes, & clairons commencerent à sonner à toute force, & les gens d'armes tous en foule donnerent des esperons, & baisserent leurs lances. Au partir des cheuaux sembloit que terre soubs leurs pieds tremblast, & alloiet si rudement, que au choquer deslancestrois Espaignols furet par terre, & quatre cheuaux des François tuez: dont les Maistres demeurerent à pied , les vns foubs leurs cheuaux, les autres affolez. Toutesfois deux se releuerent sur bout, l'espée au poing. A ceste premiere venüe Pierre de Pocquieres, Seigneur de Belabre, & vn Espaignol, nómé Gonsales d'Ales, se rencontrerent de tant rude force, que les lances allerent par esclats, & celuy d'Ales, homme & cheual tomberent par terre.Dont se releva le dict d'Ales,&

comme tres-hardy qu'il estoit, reueint contre son homme l'espée au poing , & se se voulut reuanger: mais à l'approcher celuy Belabre à la pointe de l'eftoc &

o,flot

mett

Fran

entr

vov

que

rep

lcs'

Ce 1

nic

&

lal

f:

9

FRANCE. ftoc & à poux de cheual mena son Espaignol si 1502. toft, que à viue force luy feit vuider le champ, & l'en meit hors dont fut vaincu. A ce mesme heurr vn François se trouua soubs son cheual, qui luy mourut entre les iambes, & fut pris par vn Espaignol, qui le voulut tuer: mais il se rendit, & fut emmené. Lequel apresla foy baillée, eschappa à son homme, & reprit vne lance au poing, puis l'en alla ranger auec les François en vouloir deliberé de ne se feindre. Es ce voyant les Espaignols, demanderent leur prisonnier, disans que plus n'estoit receuable au combat, & que sa foy auoit baillée. Dont le Seigneur de Belabre, l'vn des Champions François, à qui premier l'adresserent ces paroles, voyant la juste demande d'iceulx, nonobstant que le François dont question estoit fust sain & entier, & que grand secours pouuoit donner à ses compaignons, qui besoin en auoient, & aussi que eschappé leur fut, tout ce mis arriere leur renuoya. Vn autre François nommé Clermont, à ceste premiere charge sut mis par terre, lequel à la cheute se rompit vn bras. Ainsi ne demeurerent plus des François à cheual que sept, & deux à pied, qui defendre se peussent. Desquels les vns de ceulx de cheual auoient lances, les autres espées. Les Espaignols à ceste premiere venue, auoient donné sur les cheuaux des François, disans f'ils sont une fois desmontez peu de resistance feront apres. Et en ce faisant n'auoient rompu que peu de leurs bois. Parquoy auoient commécement

d'aduantaige. Les François, qui estoyent à cheual,

1502. & qui auoient rompu leurs bois, voyans leurs ennemis entiers, & garnis de lances, pour leur vouloir rompre leur cours, & les embefongner tous en foule f'entremesserent auec eulx : & à coups d'espée leur donnerent tant long & aspre combat, que les vns & les autres furent plusieurs fois à mettre leurs cheuaux en haleine, & eulx repofer. Et cefaict, recommençoient de plus en plus fort, que là leur fallut aduancer le sçauoir & pouuoir. Durant le combat des cspées auleuns d'eulx sortirent de la messée, & se tirerent à quartier, en aduisant les cheuaux des François au descouuert, & donnerent à trauers tant de fois, & si à point, que peu à peu les desmonterent presque tous. Les François qui encores aulcunes lances auoient ne chargeoieut nulle fois sur les cheuaux des Espaignols, mais sur les hommes, qui bienarmez estoiet, que au chocquer ne demeura aux dicts François lance qui n'allast par esclats, & eulx à bas, si la merueilleuse resistance qu'ils faisoient ne les eut ressours. Car quand I'vn d'eulx estoit à pied aux aultres se retiroit l'espée au poing, & autour de leurs cheuaux morts & entre le surplus de leurs gens de cheual se garantissoient. Leurs ennemis voyans la plus part d'eulx estre à pied, dirent que à ceulx là failloit parler, ou à lance baissée adresserent. Les aucuns des François estoyent encores montez, & entre aultres Pierre de Bayard, & François d'Vrfé, lefquels auoient mis entre eulx les desmontez, pour supporter la charge des cheuaux. Et eulx voyans venir la route de leurs ennemis l'eslargirent, & ainsi qu'à qu'à le

les cu reni f

oultr

fée ?

dega

flier.

ďva

poin

Guif

renc

lequ

porz

deu

mo

po

pe

CC

q

tc

ſc

ſa

ic

aı

C

d

la.

 p^{c}

145

qu'à leurs compaignons voulurent approcher pour 1502. les cuider rompre, celuy d'Vrfé, & Bayard croiferent sur eulx; & leurrabatirent le choc : Si passerent oultre les Espaignols, sans rien meffaire. Et à la pasfée François d'Vrfé leur monstra vn tour, dont peu de gens fe sçauent bien ayder. Aussi en estoit-il mestier. Car à la trauerse & en courant saisit la lance d'vn des dicts Espaignols, & par force la luy osta du poing, & la bailla à vn François nommé Pierre Guiffray, l'vn de ceulx qui estoyent à pied. A ceste rencontre fut tué le cheual de René de la Chesnaye, lequel le sentant soubsluy chaceler meit vne iambe hors de la felle, & cuidant mettre pied à terre, en deualant tira fon dict cheual en maniere que tout mort tomba fur luy, dont ses compaignons, qui pour mourir ne l'eussent abandonné, eurent grand peine à le releuer. Car les Espaignols qui vis à vis d'eulx estoyent à cheual, la lance sur la cuisse, leur coururent moult rudement, & n'eust esté l'ayde que leur faisoient les deux François à cheual, qui tousiours rompoient le coup des Espaignols, ils eusfent esté affolez. A ceste course François d'Vrfé defarma derechef yn autre Espaignol de la lance, & icelle bailla à ses compaignons de pied, lesquels en auoient ja deux. Vne autre course feirent coup sur coup les Espaignols sur les François, mais à la trauerse auoient en barriere les deux François de cheual, dont Pierre de Bayard à celle fois empoigna vne lance d'un des Espaignols, & malgré luy la luy meit hors de l'arrest; tant qu'elle luy demeura, & la bailla

HISTOIRE DE LOVYS XII, à vn des siens. Ce fut bien deslier prouesse, moult ellargir vertu, fort renforcer ses amis, & trop affoiblir ses ennemis, lesquels pourtant adresserent sur les pictons de tant, que vn François nommé Pierre Guiffray, à qui François d'Vrfé auoit deuant baillé vne lance, assenna d'icelle vn Espaignol au default de la cuirasse en telle maniere, que plus d'yn pied dedans le corps luy meit le fer, dont fut celuy Espaignol emporté hors du champ comme mort. Ainsi y auoit deux Espaignols vaincus, & vn François de pris, & l'autre affolé. Toutesfois il n'y auoit encores jeu party. Car sept Espaignols estoyent à cheual, & deux à pied, & lept François à pied, & deux à cheual, dont les Espaignols auoient cinq lances, & les François quatre, que à diuerses fois auoient ostées aux Espaignols. Orauoient iceulx Espaignols, qui estoyent à cheual, vn extresme despit d'auoir ainsi perduleurs lances, & les François estoyent comme enragez d'estre desmontez par les Espaignols, & si malement traictez. Parquoy chascun d'eulx auoit le cœur engroffy de haine mortele contre son ennemy. Que fut ce, derechef recommencerentles Efpaignols leurs courfes sur les gés de cheual, qui tousiours à la trauerse les ennuyoient. Et si les dicts Espaignolsapprochoient iulques à pouuoir saisir leurs lances cela estoir croqué. Et de faict à ceste fois feurent tant malheureux, que deux de leurs lances per-

dirent. Car Pierre de Bayard à la passée saissit la siennes & ainsi que sur ceulx de pied cuiderent charger, vn François nommé Noël du Fahis estant à pied

ROY DE FRANCE. 147

à tout vn tronçon de lance, à vn Espaignol qui luy t o 5 2. couroitrua yn coup le long du bras & fur l'espaule de telle vertu, que la lance luy feit voler du poing, & meit son cheual du cul, lequel fut puissant, & se releua. De nouueau recommencerent les François le hutin sur les Espaignols, sans rien y sçauoir plus gaigner, & tant y perdirent que de neuf d'iceulx qui apres le premier choc eurent tous lances en main, à la parfin ne demeura que deux qui en eussent. Et de tous les François, qui au commencement du combat rompirent toutes les leurs, à la fin l'en trouuerent sept conquestées sur leurs ennemis, comme dict est. Ce qui fut vigoureusement ressours la perte de leur malheureux affaire, & vertueusemet abatula chance prospere de leurs parties aduerses. Somme les Espaignols ne voulurent plus assaillir les François, mais se teindrent tous d'vn costé, sans faire bruit. Les deux François, qui restoient à cheual voyans leurs ennemis qui tout le iour auoient eu le hault parler, sur la fin du ieutenir silence, leur dirent que deux contre deux se trouuassent en champ, ou qu'ils descendissent à pied pour acheuer leur bataille; par tel party que les vaincus seroient prisonniers aux autres, & se truffoient d'eulx en disant Vous auez tué les cheuaux; mais les hommes vous ont ofté vos lances.Quel aduantaige auez-vous d'estre à cheual desarmez de la meilleure de vos pieces contre ceulx qui font à pied garnis de leurs glaiues, & des vostres? Aduisez si en ceste maniere voulez mettre à chef les armes encommencées. Les Espaignols ne voulu-

fre

ba

1502. rent plusen nulle façon combatre, maisfe teindrent ensemble sur le champ iusques à deux heures de nuict. Les François de leur part tous amoncelez chascun la lace au poing leur presenterent la iouste: finalement les Espaignols ennuyez de la longue attente de leur desaduantaigeux combat, demanderent aux François fils f'en vouloient sortir ne vaincus ne vainqueurs, & que ainsi le feroient de leur part. Dont les François voyans le party humain, & non à leur perte, & deshonneur, furent de ce contents. Mais à l'aller deuant fut question, & là se cuiderent batre. Toutesfois d'vn commun accord les vns quand & les autres marcherent iusques au milieu du champ, & là se feirent bonne chere, & f'entrembrasserenti'vn l'autre, & vn pied quand & l'autre sortirent hors, & les pris & vaincus furent remis à leur party; & ainsi s'en allerent à leurs garnisons. Depuis le matin iusques à deux heures de nuict dura le combatàla veüe des gardes, & de ceulx de Trane, & de plusieurs Venitiens, qui tenoient la dicte Ville. Et là sur leurs murailles furent plus de dix mille hommes pour aduifer les coups, dont apres que tout fut faict, icculx Venitiens voulurent auoir les noms des combatans. Et tout ce qu'ils en auoient veu & peu congnoistre redigerent par escript, & amasserent les esclats & fers des lances rompües, & les porterent dedas la dicte Ville de Trane. Et tout ce ai-je sceu par aulcuns de ceulx qui estoyent à l'affaire, & autres presens au dict combat.

A v E c le dict Capitaine Gonfales estoit lors vn

DE FRANCE. nommé le Seigneur Alphonse de Sainct Seuerin, 1502. frere du Cardinal de Sainct Seuerin, du Comte de Gavace, & du Prince de Melphe, lesquels tenoient pour le Roy, & pource auec lettres closes & messai-

gers fecrets trouuerent moyen de luy faire prendre le party du Roy. Et tant fut, que le vingt-quatries me iour du mois de Ianuier, en l'an sus dict mille cinq 1502. cent deux, celuy Alphonse de Sainct Seuerin se ren- Ianuier. dit François au Duc de Nemours auec cinquante hommes d'armes que le dict Gonfales luy auoit baillez.

CHAPITRE XXVII.

D'un aultre combat faict lors à outrance par un François nommé Pierre de Bayard, contre un Espaignol nommé Dom Alonse de Sotomaiore, faiet entre Rouure & Andre en la Poüille.



ONG temps deuant ce auoient eu querelle & combat vn Espaignol, nommé Dom Alonfe de Sotomaiore, & yn Françoisnommé Pierre de Bayard, dont j'ay parlé cy dessus, & sur ce iecté & leué gaiges de bataille. Mais

pour l'empeschement des guerres continüelles lors en la Pouille faictes parles François & Espaignols, T iii

1502, où chascun trouuoit assez de quoy exploicter les armes, ne peurent ou ne voulurent vaquer à paracheuer leur dict combat mis en auant, iusques à la vigile de la Purification de nostre Dame, six mois ou enuiron, apres les gaiges leuez, que les champions desfus nommez fe trouuerent au champ, comme fera dict. Le Seigneur Dom Alonse de Sotomaiore, Espaignol, elfant lors à Barlete auec le Capitaine Gonfales, manda au dict Pierre de Bayard, François, qu'il vouloit que la querelle dont entre eulx deux estoit question fut mise à chef, & que heure en estoit, veu le long temps qu'elle auoit esté en sufpens. Et aucc ce pria par lettres celuy Dom Alonse le dict de Bayard qu'il voulust bien estre sur ce demadeur, & fouffrir que luy fust defendeur, supposé que ceste querelle eust resueillée & mise sus. Et ce faisoit-il, pour auoir loy de choisir & ordonnerla maniere du combat, & bailler les glaiues : Ce que doibtfaire tout defendeur en querelle d'outrance. Quoy que ce foit, celuy Pierre de Bayard voyant ce que par l'Espaignol luy estoit mandé octroya tout, disant sur bonne querelle Ne me chault d'estre defendeur ou demandeur. Parquoy le dict Espaignol sçaichant celuy François estre à cheual l'yn des plus adroicts qu'on sceust, & comment au combat faict deuant Trane auoit à cheual faict merueilles d'armes, ne le voulut combatre aultrement que à pied, armé de toutes armes, referué d'armet, & de bauiere, à visaige descouuert, auecl'estoc, & le poignard. Dont luy enuoya deux estocs, & deux poiROY DE FRANCE. 151 gnards, pour choisir & prendre les meilleurs, se- 1502.

lon son aduis. Si preit celuy François les quatre glaiues bien acerez, beaux, & dorez richement, desquels regarda la pointe, le tranchant, la poignée, & la croifée, & les essaya tout à son plaisir: lesquels il veid tout d'vne forge, d'vne grandeur, & d'yne mesme façon. Dont il prit les deux qui plus luy furentà gré, & d'iceulx baisa la croix, puis les ceignit, & porta pour l'en ayder à temps. Or auoit-il les fiebures, dont se sentoit vn peu affoibly; toutesfois il ne voulut pourtant eslongner l'affaire; mais d'vn accord luy & son quereleur ordonnerent que vn iour bien tost apres, qui estoit la Vigile de la Purification de nostre Dame, se trouueroient en champ clos,ainfi armez,comme j'ay dict, pour veoir qui l'emporteroit. Messire lacques de Chabannes, Seigneur de la Palisse, qui là auoit toute charge pour le Duc de Nemours, Viceroy, donna le champ pour combatre entre Rouure, & Trane, & congé à celuy Pierre de Bayard de faire sesarmes. Dom Alonfe de Sotomaiore f'en alla parler au Capitaine Gonfales, auquel racompta de sa querelle ce qu'il voulut, en luy demandant congé de sur ce faire son debuoir, & de paracheuer les armes. Lequel Gonfales, qui par quelques autres auoit sceu quelque chose de son tort, ne luy voulut octroyer le champ, Disant que à bon droict ne à iuste querelle n'auoit entrepris ses armes, dont luy en pourroit mal aduenir, ce qui ne feroit feulement pour luy dommageable, mais au rabais de l'honneur d'EL

1502. paigne. Parquoy il luy defendit qu'il ne se meist en ce dangereux hazard: veu aussi que affaire auoità l'vn des plus renommez François qui fust en toute leur armée. Toutesfois pour ce n'amolit son propos esgaré celuy Dom Alonse, mais de belle nuict, dont le lendemain debuoit combatte, sortit par dessus les murailles de Barlete, & l'en alla à Andre, où estoyét deux mille Biscains, & Nauarrois, soubs la charge d'vn Capitaine Espaignol, nommé Ascalade, & là trouua le dict Alonse, qui luy bailla harnois pour faire ses armes. Le champ fut faict de soixante pas en largeur,& en longueur d'aultant,ou enuiron. Quad le iour fut venu pour debuoir combatre, les Champions se trouuerent sur le lieu, armez, & accoustrez, le glaiue au poing. Le Parrain de Pierre de Bayard estoit Pierre de Pocquieres, Seigneur de Belabre,& le Iuge François René de la Chesnaye. Le Parrain de Dom Alonse estoit le Capitaine Ascalade, & le Iuge estoit vn autre Espaignol. Le Seigneur de la Palisse, auec cent hommes d'armes se teint pres de là, affin de garder que par les Espaignols ne feust au champ faict quelque force au Champion François. Apres le serment & aultres ceremonies à gaige de bataille appartenans faictes, Pierre de Bayard demandeur,comme j'ay dict,entra en la lice tout alaigrement, sans muer couleur, ne changer contenance, armé de toutes pieces, le visaige seulement descouvert, l'estoc tout nud en la main dextre, & le poignard en l'autre, les faultes attachées entre les iambes, en maniere de brayes. Dom Alonse de Sotomaiore

ad

lié

ge

94

Ŝ

ROY DE FRANCE. 153

tomaiore entra apres, armé à la façon de l'autre, si 1502. n'est que ses faultes deualoient en bas, l'estoc en main, & le poignard à la ceinture. Et luy ainsi entré, aduisa que les faultes de Pierre de Bayard estoyent liées entre les cuisses, dont luy dit, que à l'aduantaige estoit armé. Parquoy celuy de Bayard sans attendre auec le poignard trancha l'esquillete qui tenoit les faultes ferrées, & icelles meit bas. Ce faict, le dict Espaignol s'adressa au François, en luy disant en langaige Espaignol Senor Petre de Bayard que me quieres? Auquel feit ceste response, Dom Alonse de Sotomaiore, je quiers contre toy defendre mon honneur, dont faulfement & mauuaifement m'as accufé. Et ce dict, approcherent l'vn de l'autre, & à grands effocs se cerchoient par tout, & plusieurs fois faillirent l'vn & l'autre à se rencontrer au visaige, qu'ils auoyent tout à nud. L'Espaignol, qui moult puissant & alegre estoit tousiours auoit l'œil au guet, pour cuider assenner son homme à droict, & le vouloir faifir, & à ceste cause tenoit la main senestreau deliure. Mais à tous ces efforts luy estoient ses coups par le François rabatus: & luy fouuent tasté de bien pres. Comme deux lyons eschauffez s'entrebatoient ces deux Champions, lesquels escumoient comme sanglier aux abois. Que fut ce, long temps combatirent, sans pouuoir sçauoir qui des deux auoit le meilleur, & n'y auoit celuy d'iceulx qui en mortel danger ne fust. Les Françoisqui là estoyent auoient grand doubte deleur homme, qui encores n'estoit pas bié guairy des fiebures : mais pour ce ne

perdoit coup à ruer. Les Espaignols aussi n'estoient li affeurez de leur Champion, qu'il n'y auoit celuy de ses amis, qui ne l'eust voulu pour son profit en Saragoffe. Chascun d'eulx costoyoit son ennemy, & approchoit de la longueur du glaiue, pour le cuider trouuer au descouuert, & donner dedans. Et à l'une des fois Pierre de Bayard, au rabatre d'un des coups de l'Espaignol l'approcha de tant, que en luy cuidant donner de toute puissance de l'estoc au trauers du visaige: comme celuy Espaignol flanchist la teste en arriere, le coup fut assenné en sa gorgerete de telle force, que au trauers des mailles luy entra en la gorge plus de quatre doigts, tant que au tirer de l'estoc grande abondance de sang commencea à ruisseler par dessus le harnois, iusques à terre. Dont celuy Espaignol, comme forcene de cest outraige, à toute force se voulut reuenger. Et pour ce faire, approcha tant de son homme, que chascun pensoit qu'il le voulust saisir au colet, & là l'essaya souuent & menu de luy rendre aultant qu'il luy auoit baillé. Mais tant perdoit de sang, que la terre où ils estoyét en estoit toute enrougie, & de moult s'affoiblissoit. Toutesfois pour ce ne desmarchoit vn seul pas:mais plus que deuant se serroit contre le François, & tant que à la parfin se ioignit à luy. Et ainsi à belle pointe d'estocse tasterent longuement l'vn l'autre, & commesi presi'vn de l'autre sussent que de la main au visaige se peussent toucher, le dict Pierre de Bayard François aduisant son coup, luy rua soubdainement detoute sa force contre le visaige le poignard

qu'il lebo que goif tain Bay voy tre fils qu'

2410 dor ľan esto d^{o} te ua T

ge Cc lesD C n

l

ROY DE FRANCE. qu'il tenoit à main senestre, & entre l'œil senestre & 1502. le bout du nez luy meit iusques à la poignée, tant que dedans le cerueau luy entra. Dont pour l'angoisse de la mort, dont estoit celuy Espaignol attainct, tomba à la renuerse, & le dict Pierre de Bayard dessus; sans luy tirer le glaiue de la teste. Et voyant que affez en auoit, ne luy voulut donner autre coup, mais demanda aux Iuges qui là estoyent fils le tenoient pour vaincu, lesquels dirent tous qu'ouy, & que mestier ne luy estoit de plus en auoir. Et ce dict, luy arracha le poignard de la playe, dont sang & ceruelle entremellez sortirent hors, & l'ame du pauure meschant corps s'en alla à qui elle estoit. Or auoit iceluy cerché ce peril comme fol, dont en encourut mortele peine comme malheureux. Apres ce qu'il fut mort, le François le preit par les iambes, & à grand peine comme las & en mauuais point qu'il estoit le traisna hors de la lice. Les Trompetes vouluret là sonner, pour donner louange au vainqueur lequel ne voulut oncques que pour ce en trompete ne en clairon fust soufflé: mais mit les genouils bas, & alla baiser la terre, en louant Dieu de la victoire que par son ayde auoit obtenüe.

Ce faict, les François s'en retournerent ioyeusement, & les Espaignols bien courroucez, & feirent le corps mort enterer où bon leur sembla.

CHAPITRE XXVIII.

D'une autre querelle & combat faict par treize François contre treize Italiens, & Lombards.



N C E mesme temps sut faict vir autre combat de treize François contre aultant d'Italiens, & Lombards. Dont la querelle sut telle, Que vn homme d'armes François nommé Charles de la Mote en

Bourbonnois, de ceulx du Seigneur de la Palisse, à vne course qu'il feit deuat Barlete fut pris par Dom Diego de Mendoze, Espaignol, & mené prisonnier au dict lieu de Barlete. Ét luy estant yn iour au logis du Capitaine Gonsales Ferrand, en souppant à sa table, en la presence de luy, de Dom Diego de Mendoze, à qui il estoit prisonnier, & de plusieurs autres Capitaines Lombards, & Italiens, quilà estoient au seruice du Roy d'Espaigne, meit la langue tant à lescart, que apres plusieurs propos de guerre, dit que si les François, qui auoyent à Trane combatu auec les Espaignols eussent eu à besongner auec Lombards, & Italiens, que la bataille n'eust gueres duré à l'aduantaige des dicts Lombards: mais bien toft euffent esté vaincus, & mis à la raison. A quoy feit response yn Italien, nommé Hector de Ferramosque, de CaROY DE FRANCE. 157

poüe, que en Italie & en Lombardie y auoit d'aussi 1502. gens de bien pour la guerre qu'il y en auoit en France, & qui ne vouldroient pour mourir leur honneur mettre en arriere non plus que les François. Dont celuy de la Mote dict que non, & auec ce que les Lombards & Italiens estoyent tous traistres, & empoisonneurs de gens. Parquoy le dict Hector de Ferramosque mal content de ces paroles mises au vent, dit tout froidement, que c'estoit à luy tres-mal dict, & quefil vouloit fouftenir fon propos, que dix vingt ou trente Italiens,& Lombards contre autant de François, iusques à la mort soustiendroient le contraire, & que luy mesme seroit vn des combatans Italiens. Tant allerent les paroles en jeu, que le dict de la Mote promeit, luy hors de prison, faire nombre de François pour foustenir sa querelle, & se trouuer en champ de bataille au iour que aduisé seroit. Dont le dict Italien pria Dom Diego de Mendoze estargir le François, pour cercher ses gens, & faire les armes. Pour ce fut celuy François deliuré iusques à temps, lequel s'en alla en plusieurs compaignées de là autour, où feit compte de sa querelle, lans toutesfois dire tout le vray du propos dont fortoitla question. Mais dit, que les Lombards & Italiens se vantoient qu'en leur pays y auoit plus de gens de bien & meilleurs gens d'armes qu'il n'y en auoit en France. Dont tout à coup se trouuerent prou de François pour dire du contraire, & sur ce combatre à outrance. Et tant fut, que treize hommes d'armes François se presenterent, pour faire le

1502. dict combat, lesquels estoyent Charles de la Mote, premier querelleur, Marc du Fresne, Bourbonnois, Chastelart, Bourguignon, Pierre de Chals, Sauoifien, la Fontaine, Forfais, Bartault, Gascon, Fraçois. Sauoisien, Iean Dast, Richebourg, la Fraxe, Sauoifien, Caffet, Sauoifien, & le Landais. De l'autre costé estoyent Hector de Ferramosque, de Capoue, Hector de Papacode, de Naples, Troyen Mormie, de Naples, & dix autres, dont je n'ay sceu les noms. Toutesfois il y en auoittrois Neapolitains, trois Romains, trois Calabrois, & quatre Lombards. Lesquels d'vn costé & d'autre s'appresterent pour la Iouste, laquelle ils ordonnerent estre faicte entre Barlete, & Ĉorastre, pres l'vne de l'autre de cinq milles, ou enuiron, & affignerent leur combat au seiziesme iour de Feburier, où là furent tous montez & armez. Leur camp estoit faict de pierres l'yne fur l'aultre, & defagots d'vn pied de hault, ou enuiron en la maniere de celuy de Trane, vn peu plus long que l'arge. Quatre François Conducteurs & Iuges estoyent là ordonnez. C'est à sçauoir Aimar de Villars, Lionnet de Breuil, Claude de Montrambert, Bourguignon, & vn nommé le Meuble. Et vn Espaignol nommé Petre de Pas, petit, & contrefaict, mais bien aduisé aux armes, auec trois autres conduisoient les Lombards & Italiens. Tous enfemble se trouuerent donc ques au iour assigné pour combatre. Où entre eulx premier que entrer en lice feut faict convention, & promis que les perdans bailleroient cent escus chascun, & perdroient har-

de eü do dir ré m m

nois

ço rei El Fr la

d di

1

ROY DE FRANCE. nois, & cheuaux. Là fut dict aux François par leurs 1502. parties la querelle du combat, tout ainsi que Charles de la Mote, & Hector de Ferramosque l'auoient eue deuant Gonfales, & autres, comme est escript, dont les conduiseurs des François, & eulx ensemble dirent que en ceste maniere ne leur auoit esté declaré leur dicte querelle, mais leur auoit esté simplement dict que les Lombards & Italiens vouloient maintenir que aussi gens de bien, ou plus pour la guerre estoyent que les François. Et ainsi les François & Espaignols tournoierent le camp, & entrerent les yns d'yn costé, & les autres d'autre. Dont les Espaignols entrerent du costé de Barlete, & les François du costé de Corastre, armets abatus, & la lance fur la cuisse. Or auoient dict les Lombards entre eulx que pour plus aifément vaincre, les François leur donneroient vn strageme tel, que quand ce feroitau chocquer ils se tiendroient pres du bord du camp, pour laisser passer oultre quelque nombre d'iceulx, affin qu'ils feussent d'aultant affoiblis. Ce qu'ils feirent. Et ainsi que les trompetes sonnerent, les François donnerent des esperons, courans de droict fil, voulans rencontrer leurs gens, qui feirent semblant aussi de courir; lesquels l'arresterent court, & au choquer se ouurirent, tellement que de la roideur du cours nombre de François sortirent horsle camp, qui plus ne furent receus au combat. Les autres se meirent à la foule, & à bride abatüe, & à lance baissée coururent les vns contre les autres, &

si rudement se choquerent, que toutes leurs lances

1502. ou presquestoutes à cest heurt furent brisées, & mises par pieces. Dont meirent la main aux espées, & eulx entremeslez se donnerent coups à tour de bras. Plus de deux grosses heures dura ce dur chapplis, fans sçauoir qui en auoit du meilleur. Si bien armez estoyent les vns, & les autres, que à coups d'estocs & de tranchans ne se pouuoient entamer. Dont se donnerent des pommeaux des espées sur les armets, & contre les visieres. Apres que bien trois heures ou plus eurent ainfi combatu, vn Calabrois, & vn Italien , se meirent à pied , chascun yn espieu de chasse au poing, & ainsi à pied furent couverts de leurs gens de cheual, pour les garder de choquer, & en approchant donnerent de leurs espieux soubs le ventre des cheuaux des François dessoubs les bardes: & là où au descouuert les voyoient les attaignoient à grands estocs, & tant que à la parfin la plus part de leurs cheuaux moururent entre leurs iambes, & eulx allerent à bas. Dont furent pressez par la foule de leurs ennemis à cheual, & tenus si à destroict, que I'vn apres l'autre en eulx defendans furent oultrez, & pris. Et le dernier d'eulx qui demeura au champ fut vn Sauoisien, nommé Pierre de Chals, qui à grands coups d'espée tout seul contre tous ses ennemisteint le combat moult longuement, & tant que les lugesfurent contraincts luy dire qu'il cessaft, & qu'il ne pourroit contre tant de gens auoir durée. A quoy ne vouloit entendre, mais à rüer coups au defesperé: & tant que Lionnet du Breuil, l'vn des Iuges François luy dit, Mon compaignon affez en auez faict

faid

VOS

l'aff

qu

nu

rar

arı

lu

C

d

faict pour donner à congnoistre à chascun, que si t 0 5 2. vos compaignons eussent esté de vostre vouloir, l'affaire fut autrement allé, mais mieulx vous vault rendre par bon aduis que vous faire tuer par outrecuidance. Vn des Iuges mesmes des ennemis dit que trop grand dommaige seroit de perdre vn tant gaillard homme d'armes. Parquoy celuy Lionnet du Breuil le feit cesser, & malgré luy le meithors du camp. Les François, comme j'ay dit, furent vaincus, & emmenez sur petits courtaux à Barlete, & detenusiusquesà ce qu'ils eussent faict finance de leur rançon. Ainfi furent ces effrenez vaincus parloyales armes, qui soubs la foy de rapport mensonger voulurent soustenir faulse querelle. Ce qui fut à eulx commencement de malheureuse chance, & entrée debonne fortune pour leurs ennemis.

CHAPITRE XXIX.

D'une course que durant ce combat Mesire Facques de Chabannes, Seigneur de la Palisse, feit deuant la Ville de Bari en la Pouille.

L'HEVRE quele dict combat commencea Messire Iacques de Chabannes, Seigneur de la Palisse sortit de Rouure, auec vingt-cinq hommes armes des fiens, & deux autres, c'est à sçauoir 1502. François d'Vrfé, Seigneur d'Orose, & le Seigneur de la Cousture, Lieutenant du Seigneur de Mauleon. Et d'iceulx accompaigné f'en alla faire vne course deuant vne Ville que tenoient les Espaignols nommée Modoigne, à quatre milles pres de Bari, où estoit la Duchesse. Deuant Modoigne ne trouua à qui parler, dont auec ses gens passa oultre, tirant vers la Ville de Bari, & deuant enuoya dix hommes d'armes, puis se meit auec le surplus des siens sur leur queüe.Ses auantcoureurs rencontrerent à vn mille pres de Bari deux cent cheuaux legers, lesquels ne voulurent attendre le choc, mais se retirerent dedans yn chemin bas, pres de la Ville d'yn ject d'arc, où estoyent embuschez cinq ou six cent hommes de pied aux deux costez du passaige, la picque au poing. Ces coureurs l'arresterent tout court, pour l'embusche que bien voyoient deuant eulx, & lors que le dict Seigneur de la Palisse les approcha, & les veid arrester, il leur demanda pourquoy ils ne marchoient. Ils l'aduertirent de l'embusche qui pres de là estoit: mais pourtant ne se voulut arrester, & dit au Seigneur d'Orose, qui ce compte m'a faict, Iane plaise à Dieu que au Seigneur de la Palisse soit reproché d'estre venu si pres de Bari, que la Duchesse qui est dedans ne soit par luy visitée iusques deuant ses fenestres. Et ce dict, se meit au trauers de l'embusche auec ses genstant rudement, que parmy les gens de pied passa tout oultre, & mena les gens de cheual battantiusques deuat & encontre les fossez de Bari. Et ce faict, s'en reueint par mesme chemin qu'il

less

for

rec

Ы

ge

auoit tenu, & en s'en retournant retrouua encores 1502. les gens de pied, & quelques genetaires hors iceulx pierons, qui sur les deux costez du dick chemin auce force traict & longues picques estoyent arrangez, lesquels luy voulurent empetcher le passaige, mais auce ses gens se meit à la trauerse des premiers, où il receut maintes venües de picques, & detraict, & sur blesse en coureur. Luy & tous les gens sans rien perdre major se lurus ennemis passer en coureur. Luy & tous les gens sans rien perdre major se lurus ennemis passer en touter, où au passaige eurent plus de cent coups de traict, & aultant de picques au deuant : toutes sois lis passer ou outre, où ils turerent deux genetaires, & en preindrent vn. Et ce saict, s'en retournerent chascun à son quarrier.

CHAPITRE XXX.

Comment les gens d'armes de Meßire Aimar de Prie furent pris au Castellanet par les villains du diét lieu.

EDANS la Ville du Castellanet estoyent lors les cinquante hommes d'armes de Messire Aimar de Prie, soubs la charge d'yn nommé Louys de Sain&Bonnet,Lieutenant du di&

de Prie. Lesquels gens d'armes auoient des villaiges de là pres qui estoyent ordonnez pour les aprouisionner, & si prenoient en la Ville ce qui mestier X ;

1502. leur faifoit, & tout en taille, par default d'argent, dont furent, ainsi que par aucuns d'eulx j'ay sceu, plus de dix mois sans estre payez, & ce par le default de ceulx qui au oient leur argent, & la charge pour le Roy de faire leur payement. Ce qui du tout desnüe & descouraige les gens d'armes, & mutineles pays contre eulx, & faict le peuple rebeller; comme en adueint au dict lieu du Castellanet, Où y auoit lors quatre ou cinq des plus notables des habitans de là, lesquels ne se peurent contenter de la maniere de viure des François, qui ne payoient qu'en promesses,ou en papier, ce que ne demandent ceulx de par delà. Quoy que ce foit iceulx mal contents l'en allerent aux Espaignols, & leur promeirent de les mettre dedans leur Ville du Castellanet, & leur liurer les François, qui dedans estoyent, & que par vne porte, qui estoit droict à la venue de Tarante, les feroiet entrer. Dont les François par quelque voix en sceurent nouvelles, ce qui les aduifa de faire la nuict bon guet à la dicte porte. Ce que feirent, & le iour fe teindrent tous enfemble, & toufiours armez. Et pour auoir renfort manderent au Duc de Nemours leur dangereux affaire. Lequel pour ce ne feit autre chofe, mais leur manda que sur leur vie ne feissent bruit ne chose dont la Ville eust cause de faire plainte. Ainfi demeurerent nos pauures gens d'armesfans argent pour payer leur escot, & sans secours pour obuier aux ennemis. Dont adueint que le vingt & Februier - troifiesme iour de Februier , ainsi qu'ils estoyent au difner, chascun à son logis, les villains tous armez

Tresonane Library

g

ROY DE FRANCE. auec grand bruit, se meirent par grosses bandes, & 1502. tous à la fois donnerent sur les logis des François, & par force entrerent fur eulx, & les preindrent tous: puis les meirent entre les mains des Espaignols, lefquels les emprisonnerent estroictement, sans plus les vouloir rendre pour quelque rançon, mais les garderent long temps, comme apres pourrez ouir.

CHAPITRE XXXI.

Comment Messire Iacques de Chabannes, Seigneur de la Palisse feut pris dedans Rouure par Gonsales Ferrand, & de la merueilleuse resistance qu'il seit, & des excessines armes.



A PRISE de ceulx du Castellanet veniic à la congnoissance du Duc de Nemours, Viceroy à Naples, incontinent manda les gens d'armes qui estoyent à Treillis, & à Cora-

stre, pour aller au dict Castellanet, & en ce faifant desnua de gensle Seigneur de la Palisse, qui estoit à Rouure, quatre milles pres de Barlete, où estoit Gonfales Ferrand auec groffe armée. Parquoy celuy Seigneur de la Paliffe f'en alla à vne Ville nommée Grauine, où estoit lors le Duc de Nemours, & là luy remonstra comment les Espaignols de Barlete à grand puissance luy pourroient donner le

1 502. fiege, & par aduanture le prendre, comme ceulx qui auoient la dent sur luy, & estoyent puissans à l'aduantaige. Et ainsi demeurer toutseul à Rouure n'estoit pas bonne seureté pour luy, & pour ceulx qui là estoyent, qui n'y pourroient resister. Car artillerie netraict n'y auoit, ne muraille qui rien vallust. Parquoy le pria ne le laisser ainsi impourueu. Le Viceroy luy dit que il s'en retournast à la garnifon, & que pour l'heurene luy bailleroit autre renfort, Disant si les Espaignols vous mettent le siege, faictes le moy sçauoir, & je vous asseure de vous enuoyer bon & brief secours. Tout ce dict, le dict Seigneur de la Palisse voyant que autre ayde n'en auroit, tout à l'heure despescha vne poste laquelle enuoya de Grauines deuers le Roy, auquel escriuit tout l'affaire, & que si par default de ce malen aduenoit, que à luy ne l'en preist. Car il obeïroit au Viceroy en toutes choses, comme luy estoit commandé, & demeureroitlà au danger de fortune. Ainsi entroient & déslong temps en diuision les Capitaines de l'armée des François. Ce qui est vn tant dommaigeux destourbier, & mesmement quand l'ambition d'Estats, conuoise d'auoir, & enuie de gouuerner l'entremellent du faict de la guerre que là où ces vices ont lieu authorisé, n'aduient que desolation de Royaumes, rebellions de peuples, entreprisespleines de confusion, desordre de gens d'armes, pertes de batailles, & n'est en fin que ruine. Mais pour reuenir au propos, le Viceroy ne voulut donner autre renfort au Seigneur de la Palisse, dont

adueint que apres que le dict Viceroy auec ses gens 1502. fut deuant le Castellanet, pour le cuider reduire

pour le Roy, le Seigneur de la Palisse fen alla à Rouure,où n'eust demeuré deux iours, que le Capitaine Gonfales, qui bien sçauoit que les garnisons estoyét deslogées d'autour de Rouure, feut là deuant auec grosse puissance de bonne artillerie, & y meit le siege tout au plus pres, & à toute force feit battre la muraille de trois costez assez pres l'yn de l'autre; & tant que en moins de quatre heures y eut bresche large de plus de deux cent pas. Et est à sçauoir que la garde de la Ville estoit mise en trois, dont le Seigneur de la Palisse, auec ses gensen gardoit l'yne, où estoyentles bresches, & les Sauoisiens gardoientles autres deux: dont y auoit trois Chefs. C'est à sçauoir Pierre de Couldrez, Lionnet du Breuil, & Iacques de Monsenains, lesquels auoient chascun vingt hommes d'armes, pour garder le quartier à eulx ordonné. A la plus grade passée du costé du Seigneur de la Palisse s'adresserent les Espaignols à moult grand foule. Le Seigneur de la Palisse armé de toutes pieces, monté sur yn courtault pour courir aux desfences de lieu à lieu, auoit mis ses gens à la garde des bresches. Mais ceulx qui estoyent à la passée plus ample furent par les Espaignols tant chargez, que malgré leur deffence vn enseigne des ennemis, auec grosseroute d'iceulx entra. Et ce voyant le dict Seigneur de la Palisse, & que ses gens perdoient place, loudainement meit pied à terre, & à tout vne halebarde au poing adressa à l'Enseigne des Espaignols,

HISTOIRE DE LOVYS XII, 1502. & à tour de bras luy assenna tant à point, que par terre le meit à ses pieds contremont. Et cefai & recouure force, & à coups desesperez commencea à charger & recharget fur les autres, tant que hors la brescheles repoussatuant & battant. Etses gens qui deuant sa venüe estoyent comme vaincus, repreindrent vigueur, & là à ceste bresche teindrent pied ferme longuement, si que les Espaignols vn temps n'eurent pas du meilleur. Le Seigneur de la Palisse voyantles Espaignols hors la bresche, meit des gens frais pour icelle garder, & puis se retira yn peu, pour prendre haleine. Le Seigneur de Cornon, Lieutenant des Sauoisiens, voyant l'affaire, transmeit dix hommes d'armes de ceulx qu'il auoit mis aux deffences de la muraille, pour resister à l'assault. Derechef recommencerent les Espaignols leur assault plus dur que deuant; mais nos gens les repoulserent à force, & leur feirent perdre place. Dont le dict Seigneur de la Palisse, qui estoit bas contre le rempart, remonta à mont par vne eschele, & luy monté, comme tout forcené, au premier des siens mesmesqu'il rencontra arracha vne lance du poing, & comme vn sanglier se meit à la defence, & là feit ce qu'oncques homme de nostre temps ne feist. Car tout seul repoulsa derechef les ennemis, qui à grand nombre estoyent entrez, & les meit hors, & feit tel effort d'armes, que nul Espaignol tant fust hardy l'ofoit approcher pour le combatre , ne attendre pour ses coups soultenir. Car tout autour de luy n'y

auoit qu'Espaignols estendus. Contre luy feirent vn

tiers

ROY DE FRANCE. tiers renfort, & baillerent gens à relais, qui à coups de 15 0 2. picques & de lances le blefferent en plusieurs lieux, & tirerent force coups d'artillerie contre luy, sans le greuer, de tant que vn seul pas le feissent desmarcher. Et voyans iceulx Espaignols que sur luy ne pouuoient tien gaigner, & que tant que à la deffence seroit ne pourroient entrer, furent querir yn cacque plain de pouldre à canon, & de feu, & à la foule l'approcherent de si pres, que sur la teste le luy iecterent de telle roideur, que luy, le cacque de poudre, & le feu tout enfemble cheurent du rempart à bas, où se trouua tout foulé, & tellement en feu, que par la visiere de sa salade,par le dessus de sa cuirasse,& par tous les lieux descouverts de son harnois luy entra la pouldre & le feu fur luy, tant que aux enseignes de la fumée qui par son harnois sortoit hors, apparoisfoit clairement que dedans y auoit du feu. Si y auoit il, voire du feu de Vertu, qui par force de Fortune ne pouvoit estre estain & du feu ensoulfré, que ses gens à flacs de vin, & d'eau eque sur luy espandirent amortirent à toute peine. O le tres-heureux, & louable labeur, digne de florissant renom, & recommandable memoire! C'estoit bien vouer son corps aux Saincts du temple d'honneut, & abandonner sa vie pour la defence de la chose publicque. Que fut ce, apres que à foison de lauaige, qui dedans les yeux luy fut ietté, peut regarder, il aduisa les Espaignols de tous costez entrer en la Ville, & voyant que plus ne pouuoit nuire à iceulx, ne ayder aux fiens, comme blessé & las qu'il estoit, s'appuya sur

deux François qui là estoyent nommez l'vn Iean Pin, & l'autre le Meuble, de sa compaignée, & l'espée au poing le petit pas à la veile des Espaignols, fans que nul d'eulx feuit si hardy de l'approcher, s'en alla iusques deuant le chasteau. En ce faisant les Espaignols entrerent à foule de tous costez, & à l'entrer du costé des Sauoisiens en preindrent aulcuns, & les autres se retirerent au chasteau, qui presde là estoit. Et à celle entrée l'vn des bandouliers François nommé lacques de Monsenains, apres auoir baillé la foy à vn Elpaignol, pour la diuision qu'il y eut à sa prise fut tué par les Espaignols. Le Seigneur de la Palisse auoit ja marché iusques deuant le chasteau, où ja s'estoyent retirez vne partie des Sauoifiens, & la plus part de ses gens, quilà fut affailly de plus de trois cent hommes Espaignols, lequel recouura vne halebarde, & meit le dos contre vn rempart, pres du dict chasteau, & là derechef comme vn sanglier abboyé se meit en deffence, telle, que tant que son glaiue tenoit de tour, n'y auoit que gens morts & affolez. Aucuns de ses ennemis voyas le merueilleux exploict de ses armes, disoient que toute Noblesse seroit interessée de la mort d'yn si vaillant Cheualier, & ne l'efforçoient de le vouloir tuer, mais luy crioient, Rends toy François, pour ta vie guarantir, ou vaincu feras, pour encourir la mort. Mais à ce ne à aultre chose n'entendoit que à charger à bras desplyez. Entre luy & l'ost des Espaignols, qui hors la Ville estoyent au droict de luy y auoit vn fossé, qui venoit ioindre à celuy du cha-

steau, & sur le bord d'iceluy estoit grad nobre d'Es- 1502. paignols, qui regardoict comment vn homme seul tenoit contre tant d'autres, dont eurent merueilles de ses armes, & pitié de son labeur. Entre aultres yn Capitaine de genetaires, lequel cria à ceulx qui mortelement l'assailloient, qu'ils ne le tuassent, dont cesferent vn peu,& tant qu'il parla à luy,& luy demanda fil se vouloit rendre à luy. Lequel de la Palisse dit que non. Et l'autre luy dit derechef qu'il se rendist, & qu'il estoit Gentil-homme, Capitaine de genetaires, en luy promettant de le sauuer, & traicter bien à point. Lequel voyant que Gentil-homme & Capitaine estoit, fut content. Dont celuy Espaignol fe meità courir vers la porte de la Ville, qui plus d'vn ject d'arc estoit loing de luy, dont ne peut estre à temps pour l'auoir, come vous orrez. Car les gens de pied voyans que à eulx ne se vouloit rendre, dirent qu'ils le tueroient, & à tous efforts l'assaillirent, toutesfois ne le pouvoient joindre, pour les horribles coups qu'il donnoit, & bien cher leur vendoit le pris de la mort, à laquelle à toute force ilstendoient. Ettant quel'yn d'iceulx luy donna d'yne halebarde fur la fienne aupres du poing fi grand coup, qu'elle luy cheut à terre. Dont vn autre Espaignol luy rua fur le coing de la salade si pesant coup, comme celuy qui le vouloit assommer, que plus d'vn empan luy feit de playe en la teste, & le feit tomber des mains à terre. O voicy merueilles! Car à la cheute il rencontra la halebarde qui luy estoit tombée, & comme yn aultre Anteus, fils de la Terre, qui pour

1502. l'auoir baisée redoubloit sa force, reprit vertueux vouloir, & vigoureux couraige, & ainfi armé de ses pieces necessaires, & de sa halebarde, soubdainement se releua, & tout couvert de sang recommencea à frapper & ruer coups à l'enragé, & faire carriere autour de luy plus que oncques mais. Ettant, que fes ennemisn'oferent mettre le pied fur son ombre, à peine de la mort. Que dirai-je de cestuy pour deüement honnorer ses vertus, amplement loüer fes gestes, dignement perpetuer son renom, & à iamais recommander sa memoire? Soubs le poids de ceste charge plie mon pouuoir, mon sçauoir default,mon lens l'y elgare,ma plume ne peut,& mon ceil n'y void. Quelle chose plus digne de los seirent iadisle Duc Sceua,le constant Sceuola,le preux Regulus, le loyal Arilius, ny le ferme Curtius, dont les Romains ont faict escripts de merueilles, spectacles d'honneur, exemples de Vertu, & arcs de triomphe. Or foit donc ques cestuy mis au nombre des preux, au rang dela table ronde, au fiege de la fale d'honneur, & en char triomphant. Autre chose ne veulx à ceste conclusion adiouster, si n'est que le bruit de ses œuures meritoires doibt auoir lieu en la bouche des meilleurs. Sifçai-je bien que les ambitieux, qui le loyer de vertu souuet possedent, sont enuieux sur la loüange d'autruy, & sur les biensfaicts de chascun. Parquoy doubtant les ennuyer, & aussi que Seneque me deffend le trop louer, de cestui ne dirai plus, fors que ainsi qu'il estoit enuironné de ses mortels ennemis, ja las, & affoibly pour le sang qu'il auoit

DE FRANCE.

173

perdutout le iour à la peine des affaults, & du com- 150 2. bat que sans cesser auoit soustenu, comme ses ennemis meissent toute force à le vouloir deffaire, vn hóme d'armes Espaignol, de ceulx de Dom Diego de Mendoze, regardant ses coupsimmoderez, & la merueille de ses armes, dit que trop grande perte seroit de la mort d'yn tel Cheualier, le preint à dire tout hault, que on ne le tuast. Aussimettoit-il bonne peine d'y obuier, mais en grand dager estoit, quand le dict home d'armes se meit à perser la presse. Si le veint approcher, &feit cesser ceulx qui l'assailloient, puis luy demanda fil luy vouloit bailler la foy, & se rendre à luy. Auquel ne se voulut rendre: mais luy demanda qui il estoit. Si luy dit que à Dom Diego de Mendoze. Et ainfi au dict Capitaine Dom Diego se rendit, ne oncques au dict homme d'armes, ne à aultre ne voulut bailler son espée. Mais voyant que pressé estoit de la bailler la jecta loing, en disant Ne toy ne autre nel'aura iamais de ma main. Toutesfois premier que l'autre Capitaine des genetaires, à qui il auoit promis se rendre fust là venu, il fut entreles mains de plusieurs gens d'armes, qui le menerent au Capitaine Gonfales, qui estoit deuant la place, lequel en fut plus ioyeulx que d'auoir pris la plus forte place du Royaume de Naples. Car c'estoit la crainte des Espaignols, & la seureté des François. Quoy plus? Celuy Gonfales luy dit, qu'il failloit fur sa vie que le chasteau où l'estoyent retirez vne partie de ceulx du Duc de Sauoye, & ceulx qui gardoient la dicte place, & aucuns des siens feit rendre.

1502. Et pour ce le mena tout ainsi affolé qu'il estoit deuant le dict chasteau, pour le faire mettre entre ses mains.Dont le dict Seigneur de la Palisse appella vn nommé Cornon, Lieutenant du Duc de Sauoye, & luy dit Vous voyez le malheureux affaire où nous fommes, & comment ceste Ville auons perdüe. Au regard de moy je veois bien que je suis mort, ou qui le vault. Ie suis chargé de par Gonsales Ferrand, que voicy, de vous dire que la place où vous estes, vuidiez, & la luy rendiez. Mais toutesfois si vous voyez que tenir la puissiez, & faire seruice au Roy, ne la rendez, maistenez bon. Or auoit-il bien cœur de Lyon, or estoit-il bien glout d'honneur, quand pour crainte de mourir, ne voulut changer son propos, ne son vouloir amollir. Que fut ce, le Capitaine Gonsales Ferrand voyant son vertueux couraige, ne luy voulut plus mal faire, mais le feit mener tout . doucement à Barlete, & là luy bailla Medecins & Chyrurgiens pour le penser. Lesquels visiterent ses playes, & luy ofterent onze petits os du test de la teste, & si bien le visiterent, que tout sain & guary à la parfin le rendirent. Le Capitaine Gonfales feit afsieger & battrele chasteau de Rouure, & tant que ceulx qui dedans estoyent se rendirent. Si furent pris, & tous menez à Dom Diego de Mendoze, lequel eut leur deferre, & ce qu'ils auoyent, & lesteint en prison dedans Barlete, sans que iamais ne eulx ne les autres pris au Castellaner, pour quelque rançon qu'ils voulussent bailler, voulust rendre; ne le Seigneur de la Palisse, qui vouloit bailler grosseran-

cl

ROY DE FRANCE. con. Les Abruzziens, dont il estoit Viceroy, scai- 1502. chans fa prife, comme ceulx qui moult l'aimoient, manderent à Gonfales, que s'il le vouloit deliurer, que oultre sa propre rançon, luy donneroiet quinze mille ducats. Mais ce nonobstant nele voulut estargir, ne deliurer; toutesfois le traictoit affez bien, comme j'ay sceu par aucuns de ceulx qui estoyent auec luy. Et voyla comment se continüoit le malheur des François. Durant celuy affaire, Aimar de Villars, qui lors estoit à Treillis, vn mille pres de Rouure, auec ses gensse meit aux champs, & approcha pres d'vn hospital entre Rouure, & Treillis, cuidant donner secours à Rouure, mais pour la puisfance grande des Espaignols il ne peut passer oultre. Le Duc de Nemours, Viceroy sçaichant la prise de Rouure, & de ceulx qui dedans estoyent, auec tous fesgens hastiuemet marchalà, où jatrouuala dicte Ville prife, & le chasteau, dont s'en alla à Canose tenir garnison, & meit ses gens dedans les Villes pres de luy. Ainsi en adueint par le default du renfort que le dict Duc de Nemours ne voulut laisser. Lequel ainfi que depuis plufieurs m'ont dit, estoit mal obey des Capitaines, & eulx de luy mal secourus. Ce quifut le moyen de leur perte, & le remede de l'ad-

A P R E s la prife du Seigneur de la Paliffe, ses gens & ceux du Duc de Sauoye, qui furent pris à Rouure, furent mis les vngs à Manfredone, & les autres au Mont Saind-Ange, sortes places, desquels vingt-six furent mis en basse sosses, & treize de-

uancement de leurs ennemis.

1502. dansle chasteau du Mont Sain & Ange, en la garde d'vn Espaignol, nommé Laussou, lequel beuuoit & mangeoit auec les treize François, qui estoyent enferrez deux à deux, ausquels parloitsouuent de plusieurs choses, & de paroles les chastioit de leur default, en leur disant qu'il auoit autres fois de meuré en France, & veu leur maniere tant outraigeuse, qu'il leur sembloit aduis qu'ils deussent prendre la lune auec les dents, & que à ce qu'ils pensoient ny auoit contredict. A quoy ne disoient mot les François, mais estoient demy forcenez d'estre traictez en telle guise, & eulx voyans souuent le chef leur garde mal accompaigné, & la place où ils estoyent bien forte, & garnie de viures, deliberent le mettre en basse fosse, ou le tuer, & gaigner la place. Ce qu'ils pouuoient faire de leger. Car les gens fortoient souuent du Donjon, pour aller repailtre, & le laisfoienttout seul auec les François. Or adueint que ceulx du Manfredone auoient faict mesme entreprise, & telle machination, à quoy faillirent, & furent auant surpris. Dont vn nommé lacques de Scenon, François, estant là prisonnier, & inuenteur de la chose, cut par les Espaignols la teste tranchée, & tous les prisonniers de Manfredone, & du Mont Sainct-Ange furent mis en basses fosses, & tant mal menez que plusieurs y moururent; & entre aultres le Seigneur de Cornon, Lieutenant du Duc de Sauoye. Long temps furent ain si detenus en fosse, & en fers, sans que nul eust pitié de leur affaire, fors les femmes, qui toufiours ont le vouloir humain, & le regard

ROY DE FRANCE. 177

regard piteux. Lesquelles oyans parler du malheur 1502. de ces pauures François, leur portoient souuent à manger, & leur deualoient de grands pains blancs, & de la viande dedans paniers attachez à cordes, & à la fin , à ceulx du mont Sainct-Ange meirent des limes fourdes dedans leur pain, tellement qu'ils limerent leurs fers si à point qu'ils peurent sortir. Ce qu'ils feirent, & tuerent leurs gardes, puis se feirent guider & mener par lieux couverts iusques à Sain & Leonard. Et fault entendre qu'ils n'alloient que de nuict, logeant de iour par les fenouilleres, qui lors estoyent grandes, & là ne mangeoient que l'espy du bled qu'ils esgrainoient. Ainsi vesquirent trois iours, sans manger pain, qui moult les affoiblit. Là estoyent deux François nommez l'vn Lionnet du Breuil, & l'autre Barault, lesquels preindrent chascun vne bande deleurs gens, & pour cuider passer plus aifément suivirent deux chemins, tirans l'vn vers Sainct Leonard, & l'autre à Canole. Ainsi qu'ils cheminoient, celuy Barault aduisa vne grosse route de paysans auec asnes chargez de bois, & comme il fut ennuyé d'aller à pied, laissa ses compaignons arriere, & dit qu'il monteroit sur l'asne, tant que la charge qui estoit dessus meit à bas, & malgré le bon-homme monta dessus, disant qu'il estoit las, & affamé, & commencea à trotter, dont celuy paifant & ses compaignons luy coururent sus, & auec gros bastons & à coups de pierres le deualerent, & là premier que ses compaignons le peussent secourir l'assommerent. Et ce faict, ses

1502. dicts compaignons fen allerent vers Canole, où trouuerent le Capitaine Louys d'Ars, qui leur donna cheuaux, & harnois, & les meit en befongne. Les autres que menoit Lyonnet du Breuil se rendirent à Sainct Leonard, disans que miraculeusement estoient sortisde prison, par l'intercession du glorieux Sainct, & que là alloient faire leur voyage. Dontl'Abbéles recueillit doucement, & les traicta bien à point, & leur demanda où ils vouloient aller; lefquels dirent que à Canole voudroient bien estre, si possible estoit d'y aller seurement. Dont pour ce faire celuy bon Abbé leur feit bailler robes d'Espaignols, & mettre dedans vne charrete, puis les feit comme pelerins conduire iusques au dict lieu de Canofe, où furent comme les autres receus par le Capitaine Louys d'Ars.

Pov R la pette que cy deuant auoyent faicte les François ne laisserent à faire bonne guerre à leurs ennemis, & se serverent les vins pres des autres sen couranstous ensemble ou à grosses bandes, sur les garnisons contraires; & tant que souuent les de-itrousserent, & leur empelcherent les viures. Messire Yues d'Alegre, Seigneur du dich lieu, & Laques d'Alegre, fon fils, feirent les autres capitaines François, & tant que tous ourses, & allarmes aux Espaignols. Si feirent les autres Capitaines François, & tant que tous ours est ovent Maistres du pays, & Seigneurs des viures. Le dich Seigneur d'Alegre estoit dans vine Ville nomée Sainct Seuter, au Capitainat, en la Poüille, où long temps auoit demeuré, & là faich labouret terres, comme

ROY DE FRANCE. 179

si arrest perpetuel y eust voulu faire, & mis na 1502. uires & galeres en mer, qui destrousserent pluseurs fans regarder où ne à qui, dont plaintes surent de tous costez, tant que repris en sur par le Viceroy, quiluy dit que à ses besongnes priuées & aux affaires vregentes du Roy ne pouvoit bonnement vacquer. Pource que il est dict, que tout loyal soldat en faict de guerre ne doibt laisser l'honneur d'icelle pour son singulier prossir, dont les choses surent en mieulx adoucies, & missa raisson.

Novvelle s furent lors du secours que le Roy d'Espaigne enuoyoit en Calabre, & que le Seigneur d'Aubigny, qui là estoit pour le Roy mal accompaigné, estoit pour l'attendre. Dont le Duc de Nemours y transmeit Messire Iean Stuart, & le Seigneur Honorat, frere du Comte de Bisignan, à tout cinquante hommes d'armes; Et est à sçauoir que lors plusieurs Italiens & Neapolitains estoyent auec le Duc de Nemours, aux gaiges du Roy, & à son feruice, comme le Seigneur Honorato Gayetano, Duc de Traiete, Troien Caraiche, Princede Melphe, Robert de Sainct Seuerin, Prince de Salerne, Bernardin de Sainct Seuerin, Prince de Besignane, Zismód Canteline, Duc de Sore, Iacques de Sainct Seuerin, Comte de Melite, le Marquis de Licite, & grand nombre d'autres.

CHAPITRE XXXII

Dela venüe de Philippes Archiduc d'Austriche, Et d'une paix fourrée faicte entrele Roy, & le Roy d'Espaigne, & la Royne s'a femme, accordée, & surée par le dict Archiduc, come Procureur des sus dicts Roy & Royned Espaigne.



Lyon fur le Rhofne eftoit lors le Roy, lequel attendoit la venüe de Philippes, Archiduc d'Auftriche, duquel auoit eu nouuelles, comme j'ay dict deuant, & baillé oftaiges pour fa

feureté. Lequel fut en Cour letroiftefme iour d'Apuril en l'an fus dict. Le Roy & la Royne luy feirent
ioyeuse chere, & doucement l'accueillirent. Si feirent tous les Seigneurs de France qui là eftoyent. Or
auoit-il Lectres du Roy & de la Royne d'Espaigne,
signées de leurs propres mains, & scellées de leurs
seaulx Royaulx, par lesquelles ils luy auoient donné
& donnoient pouuoir authorisé à suffire & procuration expresse, de traicter au nom d'eulx auec le
Roy de l'appointement final de leur question de
guerre, & d'estre moyen de la paix d'entre eulx, rouchant le differét qu'ils auoyent à cause du Royaume
de Naples, & de toutes autres questions, & que relles. Et pour icelles choses accomplir pouuoit fairel-

ferment folemnel , & iurer promesse pour & au 1502. nom d'eulx, & comme leur Procureur special expressément par eulx ordonné en ceste matiere. Et auec ce estoyent contents les dicts Roy & Royne d'Espaigne & promettoient par icelles Lectres laiffer & transporter le droict qu'ils se disoient auoir sur le dict Royaume de Naples, à l'Archiduc, qui auoit espoulé leur fille aisnée. Si le Roy aussi de sa part vouloit laisser le droict par luy pretendu au dict Royaume de Naples à Madame Claude sa fille, laquelle le fils de celuy Archiduc auoit pareillement fiancée par Procureur. Les Lectres de procuration furent par le dict Archiduc baillées au Roy, pour icelles vcoir, & vifiter, lesquelles apres auoir veues & leues, meit en Conseil, & feit debatre la chose à l'equité, & deuement consulter. Si fut conclud que pour le bien de la paix, vnion des Princes, & salut de la chose publique, le traicté est oit bon, juste, & raifonnable. Parquoy le cinquiesme iour du dict mois d'Apuril, le Roy & l'Archiduc feirent conclusion Apuril. fur le dict appointement, & iurerent ensemble iceluy tenir ferme, & stable, & sans enfraindre; & que de là en auant pour celle cause le Roy, & le Roy d'Espaigne n'auroient ensemble guerre, diuision, ne discord: mais laisseroient le dict Royaume de Naples à leurs enfans, comme dict est. Apres ceste confederation & accord à Lyon sur le Rhosne, où le Roy estoit, & toute la Cour, en furent faicts les feux de joye, & les nouuelles semées par tout le Royaume de France. Le

1502. Roy fur ce despescha la poste, par laquelle enuova le dict appointement au Duc de Nemours, Viceroy pour luy à Naples. Et si tost qu'il eust veu le double du dict appointement, l'enuoya au Capitaine Gonfales Ferrand, Lieutenant general du Roy d'Espaigne, pour iceluy tenir, comme entre les Princes estoit appointé. De quoy ne voulut rien faire le dict Gonfales, difant, que dedans iceluy appointement n'estoit compris, ne de luy aulcunement parlé, ne n'en auoit eu aulcunes Lectres du Roy d'Espaigne, fon Maistre, parquoy n'en tiendroit rien, combien que l'Archiduc en escriuist au Capitaine Gonsales, & tout à clair l'en aduertift. Ce qui estoit à luy mal obey au vouloir de son souuerain Seigneur, ou bien donner à chascun à entendre que entre eulx y auoit intelligence d'effect contraire au dire de l'appointement juré.





Annotations.

A GE 4. le bastard René de Sanoye.) 1502. CE René de Sanoye a laissé de foy vne tres-grande posterité. Et en font issus entre autres les Ducs de Mayenne, de Montmorency, de

Bouillon, de Thouars de la Maifon de la Trimouille, de Ventadour, & de Ioyeufe, & encores les Marquis de Villars, de Montpefas, & d'Vrfé.

PAG.13. Messire Yues d'Alegre.)

C'ESTOIT Yues deuxielme du nom Seigneur d'Alegre, Duquellontfortis les Marquis d'Alegre, P A G.15, Meßire Berault Stuart, Seigneur d'Aubigny,) IL eftoit de la Mailon Royale d'Efcoffe, Dela-

quelle est lacques I Roy de la grand Bretaigne. P A G. 19. Où Maistre Iean Nicolai, Chancellier de Naples pour le Roy.)

Ca Iean Nicolai fut depuis Maistre des Requeftes de l'Hostel du Roy, & premier President en la Chambre des Comptes à Paris. Et à cest Office de President luy ont succedé son sils Aimar Nicolai, Antoine Nicolai, fils du dict Aimar, & Iean Nicolai, sils du dict Antoine.

P A G.27. Messire Iacques de Chabannes, Seigneur de la Palisse, qui là estoit Viceroy.) 02.

I L feut grand Maistre & depuis Mareschal de France. Son oncle Gilbert de Chabannes, Baron de Curton, a donné origine aux Marquis de Carton. Iean de Chabannes, Seigneur de Vendenesse, seigneur de la Palisse, de Gostroy de Chabannes, Seigneur de la Palisse, de Iean, estoit sike l'acques, de Iean, estoit sike l'acques de Chabannes, Seigneur de Charlus, grand-Maistre de France du Regne du Roy Charles v II, & nepueu d'Antoine de Chabannes, Comte de Dampmartin, pareillement grand Maistre de France, du Regne du Roy Louys XI.

PAG. 34. Cassard de Coligny, Seigneur de Fremente.)
IL ettoitstrere puissé de l'acques de Coligny, Seigneur de Chastullon fur Loin, & Preuost de Paris, qui feut tué au siege de Rauenne l'an 1312, Auquelis succeda en la dicté Seigneurie de Chastillon, Et quelquesans des apressut crée Mareschal de France par le Roy François Lil espousa Louyse de Montmorency, sille de Guillaume, Baron de Montmorency, & seur d'Anne, Connestable de France. De laquelle il eut quatre sils, Entre autres Gaspar de Coligny, Admiral de France, & François de Coligny, Seigneur d'Andelot, Colonnel de l'Infanterie François de C

PAG. 59, & 61. Vn Capitaine Picard , nomme Messire Pierre de Bellesourriere.)

I L estoit de la tres-illustre & ancienne Maison de Belleforrierre, originaire du Comté d'Artois.

PAG. 87. Messire Brandelu de Champaigne.)

It feut Seneschal d'Anjou, & du Maine. De son fils

185

fils Baudouin nafquit Nicolas, Comte de la Suze, 1502. pere de deux fils. De Louys, aufli Comte de la Suze, & de Brandelis, Marquis de Villenes.

P A G. 91. Messire Pierre de Rohan, Mareschal de Gié.)

HERCYLES, Duc de Montbason, & Henry, Duc de Rohan, sont descendus de ce Mareschal, Car il eut trois fils, sgauoir Charles de Rohan, Seigneur de Gié, & du Verger, Pierre de Rohan, Seigneur de Frontenay, & François de Rohan, Archeuesque de Lyon.

CHARLES, Seigneur de Gié, & du Verger, fut pere de François, aulifi Seigneur des dichs lieux, qui eut quatre filles, entre le fquelles Leonor de Rohan, feut mere du dich Duc de Montbason, venu en ligne masculine de Louys de Rohan, deuxiesme du nom Seigneur de Guemené, frere aisné du dich Mareschal.

QVANT à Pierre, Seigneur de Frontenay, qui espousa Anne Vicomtesse de Rohan, de luy nas quir René premier du nom Vicomte de Rohan, pere de René deuxiesse, qui aeu pour sils aisné le dict Duc de Rohan.

PAG. 103. Lacques de Vendosme, Vidas me de Chartres.)

1 L fut marié auce Louyse de Grauille, Gile de l'Admiral de Grauille, De laquelle il eut fils, & fils.

Le fils fut Louys de Vendosme, Vidas me de Chartres, qui a eu pour fils François, aussi Vidame de Chartres. Et la fille senommoit Louyse de Vendosme, laquelle espousa François de Fertieres, Seigneur de Maligny. Dont elle eut deux fils, & wne fille.

1502. L'aisse des fils sur lean de Ferrieres, Vidame de Chartres, Et la fille sur Beraude de Ferrieres, semme de Iean dela Fin, Seigneur de Beauuoir la Nocle, duquel mariage est issu Prejan de la Fin, Vidasme de Chartres.

P A G. 103. Meßire Guillaume de la Marck, Capitaine des cent Alemans du Roy.)

I L eftoit fiere puilné de Robert troifielme du nom Duc de Boüilló, Duquel font iffus les derniers Ducs de Boüillon, de la Maifon de la Marck. PAG104. Meßte Lacques de Cruffol.)

DE ce lacques de Crussol sont sortis les Ducs

d'Vzes. P A G.104. Meßire Gabriel de la Chastre.)

CEST l'ayeul de Claude de la Chastre, Mareschal de France, pere de Louys de la Chastre, aussi Mareschal de France.

PAG. 145. François d'Vrfe.)

I Lestoit Seigneur d'Órose, Et de son on cle Pierre Seigneur d'Vrsé, grand Escuyer de France, sont descendus les Marquis d'Vrsé.

Les Annotations que dessus, & celles du Volume precedent sont pour la plus part extraistes des Memoires Genealogiques des Sieurs de Saincte Marthe, personnaiges tres-entendus en ce qui est des Genealogies, comme ils l'ont faict paroistre en l'Histoire Genealogique de la Maison de France, Qui est vo Chef d'œuure de ce temps entre toutes les Histoires Genealogiques.

Fautes suruenües à l'impression.

A GB3. ligne 12. apres affaires lifez le, & L28.

Pag. 5. lig. 16. apres Sandricourt adjoustez

Pag. 9.lig.13. Metalon lifez Matalon, & lig. 18. le lifez du.

Pag. 20. lig. 15. les lifez le.

Pag. 62. lig. 20. auroyent lifez auoyent.

Pag. 65. lig. 9. armé lisez armée.

Pag. 68. lig. 15. d'aucun lisez d'aucuns.

Pag. 77. lig. 2. leüc lisez l'eaüe.

Pag. 115. lig. 10. ver lifez verd.

Pag. 176. lig. 19. du lifez de.

Pag. 184. lig. 2. apres France oftez De.

Prinilege du Roy.



Ovrs par la grace de Dieu Roy de France, & de Nauarre, A nos amez & feaux Confeillers tenans nos Cours de Parlement, & à tous nos autres Iusticiers, & Officiers qu'il appartiendra, Salut. A B R A-

HAMPACAR', Marchand Libraire de Paris nous a faidhumblement expofer qu'il luy aefté mis és mains deux liures intitulez l'Hiftoire du Roy Louys XII, és années 1499,1500,5101,62102. Par I EAND' AYTON, On Hiftoirographe, & l'Hiftoire du Marcfehal de Bou-

cicaut iufques en l'an 1408, & vn autre, intitulé le Canon manuel des Sinus touchantes & coupantes, fupputé par Pitifcus, traduic & corrigé par Henrion , Mathematicien lesquels il desireroit faire imprimer, requerant fur ce nos lectres. A CES CAVSES voulans le dict expofant estre recompense de ses frais; mises, peine & trauaux, à la charge de mettre deux Exemplaires en nostre Bibliotheque, luy auons permis, & octroyé, permettons & octroyons par ces presentes, d'imprimer, vendre, & debiter les dicts liures par tout nostre Royaume, pays, terres & Seigneuries : & ce pendant l'espace de neuf ans, à compter du iour & datte des presentes. Faisant expresses inhibitions & defences à toutes personnes de faire le semblable, sur peine de confiscation des Exemplaires, & de huict cent liures d'amende, moictié à nous applicable, & l'autre au dict exposant. Voulans en oultre qu'en faisant mettre au commencement ou à la fin des dicts Liures ces presentes, & vn extraict d'icelles, qu'elles foyent tenües pour fignifiées & venües à la congnoissance de tous, sans souffrir ne permettre luy estre faict, mis ou donné aucun empefchement au contraire. De ce faire vous donnons ponuoir & mandement special. Car tel est nostre plaisir. Donne'à Parisle dernier iour de Decembre, l'an de grace mille fix cene dix-neuf, & de nostre Regne le dixiesme.

Par le Roy en son Conseil.

PEROCHEL,

& feellée du grand Séel de cire iaune fur simple queuë.





Visit.







